

లూకారాస్యై కుశేత్తై కబురు

పేటిక

1 ఓ తెయోపిలా! యేసు తుంగ్గువు ఊడ్తోరు కేం జోరు
 దీబె మంది వాటిని మాకు కెచ్చి మిన్నోరు. నన్న 2
 ఇతకన ఆ గొట్టి బాగా పుంజి మంజీ, ఇంజె నీకు రాసారె
 మిన్నాన. నిమ్మ చదువుతుకు నిమ్మ నమ్మవు నిజము ఇంజి 3
 పుందక యితై. ఆ గొట్టి బాత ఇత్కు. 4

బాప్తిస్త మీదానే యోహాను ఇన్నాని పుట్టను గురీసి కత్తనదు

యూదయ్య దేశేతే రాజత్తై హేరోదు రోజుక నస్కె 5
 అబీయా వర్సాతె జకరీయ ఇన్నాని పెద్దేరత్తై ఒర్రొ
 పూజారి మత్తోండు. ఓని ముత్తై అహరోసు మైయాసిక
 నవుతె ఒర్రొతె దానిసెద్దేరి ఎలీశబెతు. ఈరు ఇరువురు 6
 దేవుని ఒర్రొరొ ఆజ్జనాల మాట నాల తప్పు తుంగ్వ
 మంజి, దేవుని కండికి మెంచి ఓరు ఆశి మత్తోరు. గోని 7
 ఎలీశబెతు, గొడ్డుదత్తకాడె ఓరికి పిల్ల ఇల్ల ఇద్దు అయివ
 ఓరిక్కిరికి దీబె వండ్కు అత్తా.

ఓండు ఓని వర్సతాల దేవుని మున్నె పూజారీని పని 8
 తుంగోరె మననస్కె. పూజారి మాముల్తాల దేవుని గుడి 9
 దగ్గ అంజి ధూము వాటనీకి వంతు ఓనికి వత్తై. అసోక 10
 దూపం వేలాతై పజ్జంత బైదె పార్దనతుం గోరె మన్నాంగ,

- 11 దేవుని దూత పీటాతె తిన్నకైదె రోకు నిచ్చి మన నాటు
 12 ఓనికి ఊడుకత్తోండు. జకరీయ ఓనిని ఊడి దత్తరం వచ్చి
 13 వెర్తోండు. అస్కె ఆదూత ఓనితోంబె బారి ఇత్తోండిత్తు.
 జకరీయా, వెర్త నీ సార్దన కేంజకత్తె, నీముత్తె ఎలీశబెతె
 నవుటె నీకి మర్తి పుట్టితోండు, ఓనికి యోహాను ఇన్నాని
 14 పెద్దేరి వాట్తోవు. నీకు కుశేలి అయితె, ఓండు పుట్టకాడె
 15 దీబె మందికుశేలి వర్దితోరు, ఓండు దేవుని మున్నె బెరియ
 ఓండు ఆశి ద్రాక్ష రసమన్న, కల్లు అన్న ఉణున ఓని
 తల్లిని డొక్కాతె కాశి పరిశుద్ధాత్తాతె నిండి మంజి.
 16 ఇశ్రాయేలు మర్కీని దీబె మందితీని ఓరి దేవుడత్తె
 17 ప్రభునాకె ఊతి తోండు. ఓండు తప్పేరి మతి పిల్లనాకె
 మేల్వోరిని మెంచి ఓరి మతితికి ఊచ్చి, ప్రభుని శాంక
 తయారుమననోరిని తయారు తుంగనాంకి వలియాని
 ఆత్తాతె నడిదె ఓని మున్నె దయితోండు ఇంజి కెత్తోండు.
 18 అస్కె జకరీయ, ఇద్దు నాకి బేలానె పుందకయితె? వన్న
 ముక్కాని నా ముత్తేంకి దీబె వండ్కు. అత్తా ఇంజి
 ఆదూతాతె తోంబె కెత్తోండు. కత్కాడె ఆ దూత,
 19 నన్న దేవుని మున్నెనిత్తె గబ్రియేలిని, నీతోంబె తిరియనీకి,
 20 ఈ కుశేల్తె మాట నీకి కెత్త నాంకి రోత బర్తాన. ఇదో,
 ఇవు ఆదాని రోజ్కన్జేలు నిమ్మ మూకవాని ఆశి తిరియాలవ
 మంతీని, బారిత్తు వాటి రోజ్కని ఆదనవు నా మాటాంగు
 21 నమ్మిల్లీని ఇంజి ఓనితోంబె కెత్తోండు. అస్కె పజ్జ జకరీయ
 కోసాత్కె కేపి, గుడిదగ్గ ఓండు జేలి తుంగ్కాడె ఆశరం
 22 వర్తోరు. ఓండు బయిదె వత్తస్కె ఓరితోంబె తిరియాలవ
 మనగాడె గుడిదగ్గ ఓండు దర్భనము ఊత్తోండింజి

పుత్తోడు. అస్కొ ఓండు ఓరికి కయి నయిగె తుంగి
 తిరియాలవ మత్తోండు. ఓండు అగ్గ పని తుంగాని 23
 రోజ్కా అత్తసెక ఓండు ఓని లోఃత్కి అత్తోండు.
 ఆరోజ్కా అత్తపయ్య ఓని ముత్తె ఎలీశబెతు డొక్కాతె 24
 మంజి అయిదు నెల్లాస్కు అణికి మత్తె. బారితుక, 25
 దేవుడు మనుషూరికనవుటె నా సిగ్గు తీసివాటనీకి ఓండు
 దయతుంగై రోజ్కొని నానిని ఈలానె తుంగ్తోండింజి కెత్తె.

యేసు పుట్టను గురీసి కెత్తనడు

ఆరోనెల్లాతె గబ్రియేలు ఇన్నాని దూత గలిలయ్య 26
 దేశేతె నజరేతు ఇన్నాని ఒర్రొనాటనగ్గ మన్నాని.
 దావీదీని గుంపీనోండు యోసేపు ఇన్నాని ఒర్రొ మనిషీంకి 27
 పత్తనం వాట్టె ఒరొ కన్నె పేకితగ్గ దేవుని కైడె రోఃత
 బర్తోండు, ఆ కన్నె పేకిటి పెద్దేరి మరియు. ఆదూత దానగ్గ 28
 వాళి, దయ మన్నానిదానా, కుశేలి పర్దు, దేవుండు నీకి
 తోడాళి మిన్నోండు, నాట్వాకీ నౌటె ఆశీర్వచనము
 పొందితీని ఇంజి కెత్తోండు. అద్దు ఓని డొడి, ఓని 29
 మాటాన్ని, ఆ తరము వర్సి, ఈ కుశేలి మాట బాతో
 ఇంజి ఓదిస్సోరె మననస్కె. ఆదూత బాత కెత్తోండితుక, 30
 మరియువెర్క, దేవునిదయ వీ పొర్రొమిందె, ఇదో, నిమ్మ 31
 డొక్కాతె మంజి, మర్రి పుట్టి, ఓనికి యేసు ఇన్నాని
 పెద్దేరి వాటితీని. ఓండు బెరియ ఓండు ఆళి, ఓనిని 32
 సర్వోన్నతుని మర్రి ఇంజి కెయితోరు. ప్రభువత్తె దేవుండు
 ఓని తప్పె అత్తె దావీదీని గద్దె ఓనికి ఈ తోండు.
 ఓండు యాకోబు గుంపీని బెప్పోటికి ఏలితోండు, ఓని 33

- 34 రాజ్యము బెప్పోటికి మంతె. అస్కె మరియు, ఇద్దుబేల అయితె, నన్న మరుషుని పున్వదాని ఆశి మిన్నాన ఇంజి ఆ దూతా తెత్తోంబ కెత్త పయ్య, ఆదూత ఈల కెత్తోండు.
- 35 పరిశుద్ధాత్త నీ పొర్నొవైతె, దేవుని వడి నీ పొర్నొ నీడ తుంగితె, దీని కోసాత్కె నీకు పుట్టనదు ఆ పరిశుద్ధత్తదు
- 36 దేవుని మర్రి ఇంజి కెయితోరు. ఇదైవ నీ సుట్టరాలు అత్తె ఎలీశబెతు ఇత్కన ముక్కా దాసి మంజి పేకాని డొక్కాతె మిందె గొడ్డుదిన్నాని దానిక ఇద్దు ఆరోనెల.
- 37 బారెత్కు, దేవునికి కైదెనయివ మాట ఒరొటన్న ఇల్లె.
- 38 అస్కె మరియు ఇదో ప్రభు దాసిది, నీమాట నాల నాకి ఆదివాలె ఇంజికత్తె. అస్కె ఆదూత దానగ్గటి కాశి అత్తోండు.

మరియు ఇన్నాని పీకీడి, ఎలీసబెతును ఊడటా! మరియు

పార్లన సాట

- 39 ఆరోజ్కని మరియు తేది మెట్టాని దేశేతె యూదా
- 40 ఇన్నాని నాటేన్ని జెప్పిన అంజి, జకరీయ లోను నీంగి,
- 41 ఎలీశబెతీని ఊడి, నీకు కుశేలి మన్ని ఇంజి కెత్తె. అస్కె ఎలీశబెతు మరియు కుశేల్తె మాటకేంజ్ పయ్య దాని డొక్కాతె పిల్లతుల్తె. అస్కె ఎలీశబెతు పరి శుద్ధాత్తాతె నిండి మంజి.
- 42 బాగా కేయి ఈలకెత్తె, నాట్వాకినవుట నిమ్మ దీవన పొంది మిన్నీని, నీ డొక్కాతె పండి ఇత్కన దీవిన పొంది మిందె.

నా ప్రభుని తల్లూరు నా అగ్గ వాదటం నాకి బేల 43
అయితే,

ఇదో, నీ కుశేలై మాట నన్నకేంజ్జస్కె నే నా 44
దొక్కాతె పిల్ల కుశేలై తులై.

నమ్మదు అమ్మతదు, ప్రభు దానిని కెత్తై మాటనాల 45
అయితే,

అస్కె మరియు బాతకెత్తై ఇత్తు, నా జీవుడు ప్రభుని 46
గొప్ప తుంగోరె మిందె,

నా పాణము నా రక్షకుడతై దేవునవుటె కుశేలివరై; 47

ఓండు ఓని పుండకోరి దాసి దానిప్పిరితై ఊడ్తోండు; 48
ఇదో ఇంగాటికాశి తరాకు అంత నానిని అమ్మదాని ఇంజి
తిర్వోత్తోరు.

వడి ఓండు నాకి గొప్ప కారియాకు తుంగి మిన్నోండు, 49
ఓని పెద్దేరి పరిశుద్ధం.

ఓనికి వెర్దనోరి పొర్రొ ఓనిప్పిరి తర తరాకింకి మంతై. 50
ఓండు ఓని మాలావు వడి తోఁచి మిన్నోండు, ఓండు 51
మెడబలోరిని ఓరి మత్తిలై ఊపాతై కోసాత్కై గదిమి
మిన్నోండు.

ఓండు ఓరి గద్దేతై కుంచి వడి ఓరిని నూకి, పుండు 52
కోర్కిని తర్పిసి మిన్నోండు. కర్వెస్తోరిని మెంచి దోడాతై 53
దొక్కనిండిస్సి సంసారీరిని వట్టి కైకిని రోఁచి మిన్నోండు.

ఓండు మా పూర్బ తోరికి కెత్తైమాటనాల, అబ్ర 54
హము కోసాత్కై ఓని సుతీని కోసాత్కై. బెప్పోటికి ఓని 55

పిరి ఆది తుంగనాంకి, ఓండు ఓని దాసి అత్త యిశ్రా
యేలికి సాహిత తుంగి మిన్నోండు;

56 ఆ పయ్య మరియ ఉచ్చుటు ఎంచు మించు మూడు
నల్లాస్కు ఎలీశబెతగ్గ మంజి, దాని లోఃతికి మల్చి అత్తె.

బాప్తిస్మ యీదాని యోహాను పుట్టనదు, జకరియ్య పాట

57 అస్కె ఎలీశబెతినికె ఏర్పూందాని వేళ వాళి, దానికి
58 మర్చి పుట్టోండు. అస్కె ప్రభుదాని పొర్రొ మాలా
వ్రప్పి తాస్తోండు ఇంజి దాని బైదోరు సుట్టాకుకేంజి,

59 దానితోంబె కుశేలి పర్తోరు. ఎనిమిదోనాడు ఓరు
ఆ పిల్లాతికి సున్నతి తుంగనాంకి వత్తస్కె జకరియ ఇంజి

60 ఓని తప్పేని పెద్దేరి ఓనికి వాటోరె మత్తోరు, గోని, ఓని
తల్లూరు ఆల అయ్యో ఓనిని యోహాను ఇన్నూటి ఇంజి

61 కెత్తె. అస్కె ఓరు నీసుట్టాకినగ్గ ఆ పెద్దే టోండు బేనోండు

62 ఇల్లోండు ఇంజి దానికి కెచ్చి, ఓనికి బాతపెద్దేరి వాటితీని

63 ఇంజి ఓని తప్పేనికిసెగ తుంగ్తోరు. అస్కె ఉచ్చూటు
రాసన బల్ల తల్చి ఓని పెద్దేరి యోహాను ఇంజి రాస్తోండు.

64 ఓరు అంత ఆశరంపర్తోరు. అస్కెనే ఓని పవురు తేఃచి

మంజి, నాలికె విప్పి మంజి, దేవుని గొప్ప తుంగోరె
65 తిరియోరె మత్తోండు. అస్కె ఓరి సుట్టు పరి మననోరు

అంత వెర్తోరు. అస్కె ఆ ముచ్చాటి అంత యూదయ్య

66 మెట్టాని దేశమంత తెల్వోతె. కేంజ్తోరు అంత ఈ పేకాలు
బేలా అయితోండ్లో ఇంజి ఆ ముచ్చాటి ఓరి మత్తిలై

తాస్తోరు. ప్రభుని కయి ఓనికి తోడాశిమత్తె.

ఆ పయ్య ఓని తప్పె జకరీయ పరిశుద్ధాత్తాతె నిండి 67
మంజి ఈల తిర్వోత్తోండు, బేల యితుక.

ఇశ్రాయేల దేవుడతె ప్రభు గొప్ప తుంగ మన్ని 68
ఓండు ఓని పజ్జానగ్గ వాసి ఓరికి విడిదాకు ఈసి మిన్నోండు.

ఓండు ఓని నవుకరతె దావీదు గుంపినవుటె మనాంకి 69
లావు రక్షణ ఈసి మిన్నోండు.

ఓండు మున్నేటి కాలాతె ఓని పరిశుద్ధ నాకారీని 70
పవుటె తిరిస్తాల తుంగి మిన్నోండు.

బేల ఇత్తు, మనాని మన కోదగాఃకిని కాశి కోద 71
మననోరి అందోరి కాశి రక్షిస్సిత్తోండు.

ఓండు మన పూర్బతోరి పొర్రొ ప్పిరి తాసి ఓని 72
పరిశుద్ధ మాట ఇననదు,

మన తప్పేని అబ్రాహామ్మికి ఓండు తుంగై బాస ఆది 73
తాసి మిన్నోండు,

బాత ఇత్తు మనడ మన కోదగాఃకిని కాశి తప్పిస్స 74
బర్బి,

మనడ పాణాతె మత్తతోస్సే జేపు ఓనిని పరిశుద్ధాతె 75
నీతితె నేన తుంగి తాడ.

అదైవ ఓపేకా, నీనిని దేవుని ప్రవక్త ఇంజి కెయిత్తోరు, 76
బారిత్తు ఓని అర్రింగిని చక్కాని తుంగనాంకి.

ఓరి పాపోకు గాంబరిస్తాకాడ ఓని పజ్జాంకి రక్షణ బుద్ధి 77
ఈదనాంకి, నిమ్మ ప్రభునికి మున్నె నడిదితీని. బేల ఇత్తు 78

79 డొల్త నీడతె కుద్దనోరికి వెన్నేలి ఈ దనాంకి మా ఆర్తి
కాల్కినీ సమ్మాతి అర్దె నడిపిస్సనాంకి, దేవుని మాలావు
పిర్తితాల పొర్రోటి కుంచి మాకు వీయిరె తుంగై వెన్నేలి
వాళి మిందె.

80 ఆ పేకాలు పెర్పి, మెంచి బుద్ధి వాళి దేవుండు ఓనిని
యిశ్రాయేలుకు తోఁతె రోజ్కీని జేలు అడివితె
మత్తోండు.

యేసు పుట్టనదు

2 ఆరోజ్కీని దేశేకినోరిని అంత గణితి రాసవాలె ఇంజి
కైసరౌగూస్తు మాట ఇత్తోండు. సూరియ దేశేతికి
2 కు రేనియు దురువాలు ఆళి మంజి ఈ మున్నెటి గణిత
3 రాస్తారు. అస్కె అందోరు ఆ గణితి రాసనాంకి ఓర్రి
4 నాఁకింకి అత్తోరు. అత్తస్కె దావీదీని గుంపీని గోత్రాతె
పుట్టె యోసేపు, ఓనికి ముత్తె ఇంజి వత్తనం వాటి
5 డొక్కాతె మన్నాని మరియుతోంపె, ఆ గణితి రాసనాంకి
గలిలయ్య దేశేతె నజరెతు అత్తె నాటేని కాళి యూద
దేశేతె బెల్లెహెము ఇన్నాని దావీదిని నాటేన్ని
6 అత్తోండు. ఓరు అగ్గ మననస్కె వర్పందాని రోజ్క
7 వాళి దాని తొలుసూరి మర్రి పుట్తోండు. అస్కె అద్దు
ఓనిని గుడ్డాతె ఉత్తి ఆ కొట్టాతె ఓరికి జాగ ఇల్లువ ఓనిని
గొడ్కీని తొట్టితె పటిస్తె.

8 అస్కె ఆదేశేతె గొర్రేని గొల్లారు బయిదె మంజీ
9 నర్క ఓరి గొర్రే మేతోస్రె మన్నాంగ. ఇదో, ప్రభుని

దూత ఓరగ్గ వాళి, ప్రభుని వెన్నేలి ఓరి పొర్రొ కాస్తై.
 అస్కె ఓరు లావువ్తోరు. అస్కె ఆ దూత ఓరికి, వెర్కాటి, 10
 ఇదో, నన్న మా కుశేలి కబురు మీకు తతోరె మిన్నాన,
 అద్దు పజ్జ అందోరికి మంతె, బాత ఇత్తు, దావీదు 11
 నాపేనగ్గ మీకు రక్షకుడు నేండు పుట్టోండు ఈండు ప్రభు
 అత్తై క్రీస్తుదీనికి ఇద్దే మీకు ఎర్క, ఒరో పేకాలు 12
 గుడ్డతె ఉత్తి మంజి ఒరో తొట్టితె పటిస్తదు ఊడితీరి ఇంజి
 కెత్తోండు. అస్కేనే ఆదూతాతెతోంపె మా దీబె 13
 దూతాంగు ఊడకాళి. పొర్రోటి దేవునికి మహిమ, 14
 నేల్దె సమ్మాతి, మనుషూరికిని పొర్రొప్పిరి మన్ని ఇంజి
 దేవుని గొప్ప తుం గోరె మత్తోరు.

ఆ దూతాంగు ఓరగ్గటి కాళి విన్నీంకి అత్త పయ్య 15
 ఆగొర్రేని గొల్లాకు మనడ బెల్లెహెముతగ్గ అంజి ప్రభు
 మనాంకి ఎర్క తుంగై ఈ పని ఊడకాడ వ్రాటి ఇంజి
 ఒరో తింతోపె ఒర్తోండు కెచ్చి. జెప్పిన అంజి, మరియ, 16
 యోసేపు తొట్టితె పట్టి మన్నాని పేకాని ఊడ్తోరు. ఓరు 17
 ఊడి ఆపేకాని శాంక ఓరికి కెత్తై మాటాంగు అందోరికి
 అట్తోరు. అస్కె కేంజ్జోరందోరు గొర్రేని గొల్లాకు కెత్తై 18
 మాటానిక లావు ఆశరం పర్తోరు. గోని మరియ ఆ 19
 ముచ్చాటి అంత దాని మతిలై ఓ దిస్సి వది తాస్తై. అస్కె 20
 ఆ గొర్రేని గొల్లాకు ఓరికి కెత్తై మాటనాల ఓరు కేంజై
 వాటిని ఊడ్తె వాటిని కోసాత్కై దేవుని గొప్ప తుంగోరె
 మల్మి అత్తోరు.

- 21 అత్తపమ్య ఆపేకానికి నున్నతి తుంగాని ఎనిమిదోనాడు వత్తసెకా ఓండు డొక్కాలె మన్నవాకె మున్నె దూత కత్తాల యేసు ఇన్నాని పెద్దేరి ఓనికి వాట్టోరు.

యేసును దేవుని గుడ్డికి ఈదటం

- 22 మోషేతి ఆజ్ఞనాల ఓరి శుద్ధి రోజ్క అత్తసెకా.
 23 మున్నె పుత్తి ఒర్రోరో పేకాలు ప్రభూతికి పరిశుద్ధుడాశి మిన్నోండు ఇంజి ప్రభుని గ్రందాతె రాస్తాల ఓనిని
 24 ప్రభూతికి ఈదనాంకి. ప్రభుని గ్రందాతె రాస్తాల బోడేని జోకాని ఇల్లుకు రెండు పావుర పిల్లని బలి కోసాత్కె కొయిద నాంకి ఓనిని యెరూషలేమ్మికి తీసి ఒత్తోరు.

సుమియోను పార్తన పాట డొల్లనసెకా పార్తన పాట

- 25 అసెకా ఇదో, యెరూషలేమ్మగ్గ సుమెయోను పెద్దే రత్తె ఒర్రో మనుషూండు మత్తోండు. ఆ మనుషూండు మెంచి భక్తి ఓండు ఆశి ఇశ్రాయేల్లె రక్షణ శాంక కేపోరె
 26 మత్తోండు, పరిశుద్ధాత్త ఓని పొర్రో మత్తె. ఓండు ప్రభు నిలప్తోని డొడ్వొకె మున్నెడొల్లోండు ఇంజి ఓనికి పరిశుద్ధాత్త
 27 ఎరక తుంకై ఆత్తాతె ఓండు గుడిడ్డి వత్తోండు. అసెకా దేవుని మాటనాల ఓనిశాంక తుంగనాంకి తల్లూరు తప్పె
 28 యేసు ఇన్నాని పేకాని దుడిదికా తత్తసెకా. ఓండు ఓనిని కైకీని ఏంచి, బారితోండితుకా.
 29 ఓ దేవా ఇంజె నీ మాటనాల నీ దాసి యోని కుశేల్లె దాయిసోరె మిన్నేని,

బారిత్తు నిమ్మ ఇత్తై రక్షణ నా కండ్కు ఊడ్డాంగు. 30

అద్దు పజ్జాని ముచుక తీసనాంకి, నీ పజ్జఅత్త ఇశ్రా 31
యేలికి గొప్ప వెన్నేలి ఈదనాంకి,

లోకాతె మననోరందోరికి మంతె ఇంజకెత్తోండు. 32

అత్కాడె యోసేపు ఓని తల్లూరు ఓనిశాంక కెత్తై 33

మాటానిక ఆశరం పర్తోరు. అసెక సుమెయోను ఓరిని 34

ఆశీర్వాదము కెచ్చి, ఓని తల్లూరు మరియు తోంబె

ఇదో, దీబె మంది మతీంగు బయిదె అర్దనాంకి యిశ్రాయేల్దె

దీబె మంది అర్దనాంకి మల్కి తేదనాంకి మయిదాని

ఆనవాలితికి ఈండు మంతోండు, అదయివ నీసాణాతికి 35

ఒరొ అడ్డకశేరి దుసి దయితె ఇంజ కెత్తోండు.

అన్న

అదయివ ఆపేరు గోత్రాతె పనూయేలు మయాడతై 36

అన్న ఇన్నాని దేవుని మాట కెత్తాని ఒరొ నాట్వాడి

మత్తై అద్దువైసి దాని అగ్గటికాసి ఏడేండ్కు ముత్పాని

తోంబె సంసారము తుంగి మాజేలుటి ముక్కాదాసిమత్తై.

అద్దు ఉచ్చుటు ఎంచు మించు ఎనబైనాలుగు ఏండ్కు. 37

ముండ్రాలు ఆశి కర్వీని మంజి పార్దాతె నరక పయ్యాలి

దేవుని మొహొ కోరె గుడి విడిస్వ మత్తై. అద్దు ఇత్కన 38

ఆవేలాతె లావల వాశి ప్రభుని గొప్ప తుంగి యెరూష

లేమ్మై రక్షణ కోసాత్కై కేహోరె మననోరందోరికి ఓనిశాంక

తిరియోరె మత్తై.

యేసు చిన్నవాడుగ మందటా

- 39 అస్కె ఓరు ప్రభుని మాటనాల అంత తీర్స్సపయ్య గలిలయ్యాయతె మన్నాని నజరెతు ఇన్నాని ఓరి నాటేనికి ఉడ్డి అత్తోరు.
- 40 ఆపేకాలు పెర్పి జ్ఞానాతె నిండి మంజి మెంచి బుద్ధి తచ్చి మత్తోండు. దేవుని ప్రి ఓని పొక్రామత్తె.
- 41 వస్కా పండుతె ఓని తల్లూరు తప్పె ఏంటంట
- 42 ఎరూషలేమ్మికి అంజోరె మననోరు. ఓండు పన్నెండు ఏండ్కినోండు అత్తస్కా, ఆ పండుతె వర్సతాల ఓరు
- 43 యెరూషలేమ్మికి అత్తోరు. ఆరోజ్కా అత్త పయ్య ఓరు మల్పి అంజోరె మన్నాంగ, పేకాలత్తె యేసు యెరూష
- 44 లేమ్మగ్గ నిత్తోండు. యోసేపు ఓని తల్లూరు ఓండు అగ్గ మననదు పున్వ ఓండు మందీతె కలియి మిన్నోండు ఇంజి మతిత్తె వాటి ఒరొ రోజేని అంజి, ఓరి సుట్టాకినగ్గ పుత్తోరగ్గ
- 45 ఓనిని మెఃకోరు. ఓనిని ఊడాలువ అనిని మెఃకోరె
- 46 యెరూషలేమ్మికి ఉడ్డి అత్తోరు. మూడు రోజ్కా అత్త పయ్య ఓండు గుడిదగ్గ పెద్ద మనుషూక్రిన్ నెడువు కుద్ది ఓరి మాటాంగు కేంజోరె ఓరిని సవాలి తల్పోరె
- 47 మన్నాంగ ఊడ్తోరు. అస్కె ఓని మాట కేంజోరందోరు
- 48 ఓని బుద్ధితికి మాటానికి ఆశరం పర్తోరు. ఈరు ఓనిని ఊడి లావు ఆశరం పర్తోరు. అస్కె ఓని తల్లూరు ఓనికి అయ్యా మామిని ఈల బార్ తుంగీన్తి, ఇదో, నీ తప్పె నన్న విశరం పర్చి నీనిని మెఃకోరె మత్తాం ఇంజికెత్తె.
- 49 కెత్కాడె ఓండు, మీరు బారినానిని మెఃకోర్చి నన్న నా

తప్పేని వందె మందవాలె ఇంజి మీరు పున్నీరా ఇంజి
 ఓరికి కెత్తోండు. గోని ఓండు ఓరికి కెత్తెమాట ఓరికి 50
 బోధ పర్దిలె. అత్త పయ్య ఓండు ఓరితోంఁటె నజరెతికి 51
 అంజి ఓరికి లొంగి మత్తోండు ఓని తల్లూరు ఈ మాటాంగు
 అంత మతిలె తాస్తె. యేను బుద్ధితె, వసితె, దేవుని 52
 ప్పిరితె మనుషూర్కిని ప్పిరితె పెర్కోరె మత్తోండు.

బాప్తిస్మ మీదాని యోహాను, ఓండు కెత్తన కబురు

3 తిబెరికెనరు రాజ్యాతే పదిహేనో వండిదె యూదయ్య
 దేశేతికి పొంతి పిలాతు అధిపతి ఆశి మంజి గలిలయ్య
 దేశేతికి హేవోదు చతుర్థాధిపతి ఆశి మంజి ఇతూరయ్య
 త్రాకోనీతి దేశేతికి ఓని తమ్ముండతై ఫిలిప్ప చతుర్థాధిపతి
 ఆశి మంజి అబిలేనే దేశేతికి లూసానియ అధిపతి ఆశిమంజి,
 అన్న కయప పెద్ద యాజకుర్కు ఆశి మననస్కె అడివితె 2
 జకరీయాలె మర్రి అత్తె యోహానగ్గ దేవుని మాట వత్తె.

అస్కె ప్రభుని అర్ చక్కాని తుంగాటి ఓని అర్రీంగు 3
 బయిలు తుంగాటి, ఒర్రొరొ వాయ సమేము ఆశి మంతె
 ఒర్రొరొ మెట్ట అణిగి మంతె, వంకవు సవరాని అయి
 తాంగు, కల్కీనినేలి నూయిము అయితె. అస్కె 4
 మనుషూర్కు అందోరు దేవుని రక్షణ ఊడి తోరు ఇంజి,
 అడివితె కేయి కెచ్చోరె మన్నాని ఒర్రోని లేంగు ఇంజి 5
 యెషయా ఇన్నాని ప్రవక్త గ్రంథాలె రాస్తాల. యోహాను 6
 యొర్దాను వాంగీని ఇబ్బేరి అబ్బేరి నాఃకింకి వాశి పాపాకీని
 మన్నిస్సాని శాంక మారు మతితికి బాప్తిస్మం ఆటోరె
 మత్తోండు.

- 7 అస్కె ఓండు ఓని కైదె బాప్తిస్మం పొందనాంకి వత్తె పజ్జాతికి బాత కెత్తోండిత్తు ఓ పామ్మె పిల్లనీరీ, వాదాని రోశము తప్పిస్సనాంకి మీకు ఊపం కెత్త నోండు బేనోండు?
- 8 ఊతె మతితికి మెంచి పణింగు. ఈమూటి అబ్రాహాము మాకి తప్పె ఇంజి మీ మతీతె కెల్లాటి దేవుండు ఈ కల్కినవుటె అబ్రాహామికి పిల్లాంగు పుట్టిస్సాలీ తోడింజి
- 9 మీకు కెచ్చోరె మిన్నాన. ఇదయిన, ఇంజె గొడ్డలి మారాకీని వేకినగ్గ వాటి మిందె, మెంచి పణింగు ఆదన
- 10 ఒర్రోరొ మారకఃచి మంజి కిస్తె వాటి మంతె. అస్కె పజ్జ ఆల అత్తు మామిని బాత తుంగ ఇంతీని ఇంజి ఓనిని
- 11 తల్పోరు. ఓండు రెండు కూసాకు మందనోండు ఇల్లు వోనికి ఈదవాలె, బేనోనికి దోడ మిందో ఓండు ఇత్కన
- 12 ఆలానె తుంగవాలె ఇంజి ఓరికి మల్కి కెత్తోండు. అస్కె సర్కారిడబ్బు పేయిదనోరు బాప్తిస్మం పొందనాంకి వాశి, బోధకుడా! మమ్మ బాత తుంగ వాలె ఇంజి ఓనిని తల్పోరు.
- 13 ఓండు మీకి కెత్త చ్చోటె గొని దీబె తీస్తాటి ఇంజి ఓరికి
- 14 కెత్తోండు. అస్కె బంట్రోతూర్కు ఇత్కన మమ్మ బాత తుంగవాలె ఇంజి తల్పకాడె ఓండు బేనోరికి జుల్ తుంగాటి బేనోని పొర్రో ఆగాయము కెల్లాటి, మీకు ఇత్తచ్చోటె సాన ఇంజి ఇన్నూటి ఇంజి కెత్తోండు.
- 15 అస్కె- పజ్జ కేపోరె యోహాను శాంక ఈండక్రీస్తు బోనా ఇంజి అందోరు ఓరి మతిల్లె ఓది స్సోరె మన్నాంగ.
- 16 యోహాను ఓరి తోంబె బాత కెత్తోండిత్తు నన్న వత్తె మీకు బాప్తిస్మం ఈసోరె మిన్నాన, గోని నా కన్న గొప్ప

ఓండు వయితోండు, ఓని ఎర్పుకీని వారు లేతనాంకి హారీని
 అయ్యోన; ఓండు పరిశుద్ధాత్తాతె కిస్తె మీకు బాప్తిస్మం
 ఈ తోండు. ఓని ఏతి ఓని కైదె మిందె; ఓండు ఓని 17
 కళ్లము చక్కాంగ తుంగి, ఓని గర్చేతె గోధుమ తొస్సి
 వీయ్యుకిస్తె పొల్ల పొడిస్సితోండు ఇంజి కెత్తోండు.

అదయివ ఓండు దీబె మాటాంగు కెచ్చి, పజాతికి 18
 కుశేలి కబురు కెత్తోండు. ఆ పయ్య యోహాను చతుర్థాధి 19
 వతి హేరోదీని ఓని తమ్ముని ముత్తె హేరోదియ గోసాత్తి
 హేరోదు తుంగై మేల్వ పని గోసాత్తి బెరియ బెరియ
 కెత్తస్కె. హేరోదు యోహానిని కైదీని వాట్తోండు. 20

యేసుకు బాప్తిస్మం యీదటం

పజ్జ అంత బాప్తిస్మం తుంగి మత్తస్కె, యేసు ఇత్కన 21
 బాప్తిస్మం పొంది పార్దన తుంగోరె మన్నాంగ విన్ను లేంగై.
 అస్కె పరిశుద్ధాత్త బోడేతి నన్నమె ఓని పొర్రావాలై. 22
 అస్కె నిమ్మ నా ప్తిరి మరీని, నీ అవుటె నన్న కుశేలి
 పరోరె మిన్నాన ఇంజి ఒరొమాట మబ్బిని కాశి వత్తె.

యేసు గోత్రాతె

అస్కె యేసు ఉచ్చుటు ఎంచు మించు ముప్పై 23
 యేండుక వయిసి ఓండు ఆశి మత్తోండు. ఓండు
 యోసేపుని మర్రి ఇంజి ఎంచ్చారు. ఓండు హేలికి, ఓండు 24
 మత్తతికి, ఓండు లేవికి, ఓండు మెల్కీకి, ఓండు యన్నకి,

- 25 ఓండు యోనేపికి. ఓండు మత్తతీయికి, ఓండు ఆమోసికి,
 26 ఓండు నా యామికి, ఓండు ఎస్తికి, ఓండు నగ్గయికి. ఓండు
 మయతికి, ఓండు మత్తతీయికి, ఓండు షిమియికి, ఓండు
 27 యోనేపికి, ఓండు యూదాకి. ఓండు యోహన్నకి, ఓండు
 రేసాకి, ఓండు జెరుబ్బా బెలుకి, ఓండు సలతియేలికి, ఓండు
 28 నేరికి. ఓండు మెల్కీకి, ఓండు అద్దికి, ఓండు కొసామికి,
 29 ఓండు యెల్లోదామికి, ఓండు యేరికి. ఓండు యెహూష
 వకి, ఓండు యెలీయజరికి, ఓండు యోరీమికి, ఓండు
 30 మత్తతికి, ఓండు లేవీకి. ఓండు సుమియోనికి, ఓండు
 యూదాకి, ఓండు యోనేపికి, ఓండు యోనానికి, ఓండు
 31 ఎల్యూకీమికి. ఓండు మెలెయాకి ఓండు మైనానికి, ఓండు
 32 మత్తతాకి, ఓండు నాతానికి. ఓండు దావీదికి, ఓండు
 యెస్సెకి, ఓండు ఓబేదికి, ఓండు బోజికి, ఓండు సల్తోనికి,
 33 ఓండు నయస్సోసికి. ఓండు అమ్మీనాదాబికి, ఓండు
 ఆరామికి, ఓండు ఎస్రోమికి, ఓండు పరెసుకి, ఓండు
 34 యూదాకి. ఓండు యాకోబికి, ఓండు ఈసాకికి, ఓండు
 35 అబ్రాహామికి, ఓండు తెరహాకి, ఓండు నాహూరికి. ఓండు
 పరూరికి, ఓండు రగౌకి, ఓండు పలెగికి, ఓండు హేశెరికి,
 36 ఓండు సలాకి. ఓండు కయినానికి, ఓండు అర్చక్సదికి, ఓండు
 37 షేమికి, ఓండు నోవహికి, ఓండు లామెకికి. ఓండు
 మతోషెలికి, ఓండు ఎనోనికి, ఓండు యారెదికి, ఓండు
 38 మహాలలేలికి, ఓండు కయినానికి. ఓండు ఏనోసికి, ఓండు
 షేతికి, ఓండు ఆదామికి, ఓండు దేవునికి. మర్రి ఆళి
 మత్తోండు.

యేసు సోధిస్సు బర్తోండు

4 యేసు పరిశుద్ధాత్తాతె నిఃచి మంజి యొర్దాని వాంగీని
 కాశి ఉడ్డి వాసి ఆత్తాతె అడివితికి అంజి. నలబై 2
 రోజ్కు సైతానై శోధిస్సు బర్తోండు, ఆ రోజ్కీని ఓండు
 బాతతిందిల్లె. అవు అత్త పయ్య ఓనికి కర్వెస్తె. అస్కె 3
 సైతాను నిమ్మ దేవుని మర్తీని ఆశి మతుకు ఆరి ఆదనాటు
 ఈ కల్దికి మాటకెల్ల ఇంజి ఓనికి కెత్తె. గోని యేసు 4
 మనుషుండు ఆర్దె అయివ దేవుని ఒర్బొరో మాటాతె బతికి
 తోండు ఇంజి రాసి మిందె ఇంజిదానికి మల్కి కెత్తోండు.

అస్కె సైతాను ఓనిని బెరియ మెట్టాతె పొర్టోటికి 5
 తీసి ఓసి లోకాతె రాజ్యాకు అంత ఓనికితోఃతె. అస్కె 6
 సైతాను ఈ రాజ్యాకు అంత వాటి మహిమ నీకు ఈతాన.
 అద్దు నాకు ఈదబర్తె, అద్దు బేనోనికి ఈదవాలె ఇంజి
 నాకు మతి అర్టా ఓనికి ఈతాన. ఇంజె నిమ్మ నా మున్నె 7
 మొడకనతుకు అంత నీవ దాశి మంతె ఇంజి ఓనికి కెత్తె.
 కెత్కాడె యేసు సైతానా, నా పేర్కేటికి అన్ను నీ 8
 దేవుండతె ప్రభుని మొడికి, ఓనిని సేవ తుంగ్వాలే ఇంజి
 రాసి మిందె ఇంజి దానికి మల్కి కెత్తోండు.

అస్కె సైతాను ఓనిని యెరూషలేమ్మికి తీసి ఓసి 9
 గుడిదె పొర్టా ఓనిని నిల్పిస్సి ఓనికి బాత కెత్తె ఇత్కు,
 నిమ్మ దేవుని మర్తి నత్కు ఇగ్గాటి కాశి నీకు నిమ్మే ఇడుపా
 అర్దు. బారితుకునిని కనిపెట్టనాంకి ఓని దూతనీంకి 10
 నీశాంక మాట కెయితోండు.

- 11 నీ అరికాలు బెప్పొడన్న కల్దికి తాకువ ఓరు నిమ్మాంకు కైకిని తేఃతితోరు ఇంజి రాసి మిందె ఇంజి కెత్తె.
- 12 అస్కె యేసు, నీ దేవుండత్తె ప్రభుని శోధస్సమ ఇంజి మాట మిందె ఇంజి దానికి మల్మి కెత్తోండు.
- 13 సైతాను శోధన అంత తుంగి, సగము రోజుని ఓ నగ్గటి కుంచి అత్తె.

యేసు నజరేతు తగ్గ మన్నుట

- 14 అస్కె యేసు ఆత్త జవాలె గలిలయ్య దేశేతికి ఉడ్డి
- 15 అత్తోండు ఓని పెద్దేరి ఆ దేశేతంత ఎరెంస్తె. అస్కె ఓండు అందోరి కైదె గొప్ప పర్మి మంజి ఓరి గుడింగీని బోధ కెచ్చోరె మత్తోండు.
- 16 ఆ పయ్య యేసు ఓండు పెర్నె నజరేతు ఇన్నాని నాటేంకి వాశి ఓని మామూలాల సబ్బాతు రోజీని గుడిదికి
- 17 అంజి చదవనాంకి నిత్తోండు. అస్కె యెషయా ఇన్నాని ప్రవక్త గ్రంథము ఓని కైదికి ఇత్తోరు ఓండు ఆ గ్రంథము, లేఃచి ఊడ్డ పయ్య ఈల రాస్తె చోలు ఊడకత్తె, బేల ఇతుక.
- 18 ప్రభుని ఆత్త నా పొర్రొ మిందె పుండ కోరికింకి కుశేల్తె కబురు కెత్తనాంకి ఓండు నానిని నిల్వోండు. అడద నోరిని బుదగరిస్సనాంకి, కైదీని మననోరికి విడిసటము ఆటనాంకి, గుడ్డి ఓరికి ఊడటము ఆటనాంకి, నలుంగ్గోరిని విడసనాంకి.

ప్రభుని నమతతై ఏండు ఆటనాంకి, ఓండు నానిని 19
రోఃతోండు.

అస్క- ఓండు గ్రంథము ఉత్తి గుడిదె నవుకరీనికికుసి 20
కుద్ద పయ్య గుడిదె మననోరి అందోరి కండ్కు ఓని
పొర్రొ మత్తా. అస్క- ఓండు నేండు మీరు కేంజోరె 21
మన్నాంగ ఈ రాత ఈడేరి మిందె ఇంజి ఓరికి కెత్తోండు.
అస్కె అందోరు ఓని శాంక సాక్షి కెచ్చోరె, ఓని 22
పవుటె వత్తె ప్పిర్తి మాటానికి, ఆశరంపర్చి, ఈండు యోసే
పీని మర్తి అయ్యోండా ఇత్తోరు. అత్కాడె ఓండు, 23
నిజమే మీరు నాకు ఈల కెయి తీరి వడ్డేనీ నిమ్మాంకి నిమ్మే
చక్కాని తుంగ ఇన్నాని సామెతాల కపెర్నహూమ్మె బాత
బాత కారియాకు తుంగ్గీని ఇంజి మమ కేంజ్తామో ఈ
నీనాటె తుంగ ఇంజి కెయితీరి ఇత్తోండు. అదయివ 24
ఓండు బాత కెత్తోండెత్తు, మీకు నిజము కెచ్చోరె
మిన్నాన, బేని ప్రవక్త ఓని దేశేతె మెంచి పెద్దేరి
పర్దాలోండు. ఇదయివ ఏలియాతె రోజ్కీని మూండు 25
ఏండ్కు- ఆరు నెల్లాస్కు వాన ఇల్లువ దేశేతంత మా కరువు
పుట్టసెక యిశ్రాయేలై దీబె ముండ్రాల్కు మత్తాంగు.
గోని ఏలియా సీదోని దేశేతె సరెప్ప ఇన్నాని నాటె 26
మన్నాని ఒర్రొ ముండ్రాల తగ్గ రోఃత బర్చి ఇశ్రాయేలి
నగ్గ ఒర్రొ ముండ్రాలతగ్గన్న రోఃత బర్దిల్లె. ఆలాసే 27
ప్రవక్త ఎలీష రోజ్కీనసెక ఇశ్రాయేలి నగ్గ దీబె
మొండా మచ్చతోరు మత్తోరు, అత్త కన్న సురియ
దేశేతోండు నయమాను ఇన్నాని ఓండే గోని ఓరవురు
ఒర్రొండన్న బాగా పర్చి మందిల్లె. గుడిదె మననోటె 28

- 29 అందోరు ఈ మాట కేంజి, మా రోశేతె మంజి, తేది, ఓనిని నాటేని కాశి తుర్చి ఓనిని, ఇదుపొ అతకాడ ఇంజి ఓరి నారు తొఃతె మెట్ట పక్కాతికి ఓనిని తీసి ఒత్తోరు.
- 30 గోని ఓండు ఓరి నడువుటి కుంచి అత్తోండు.

దెయ్యం పోయ్త న మనుషూండిని చాయ తుంగ్తోంకు

- 31 అస్కా ఓండు గలిలయ్యాయె మన్నాని కపెర్న హూము పట్నాతికి వాశి సబ్బాతు రోజ్కీని ఓరికి బోధిస్తారె
- 32 మత్తోండు. అస్కా ఓరు ఓని బోధాతికి ఆశరం పర్తోరు,
- 33 బారిత్కు ఓని మాట వడి మాట ఆశి మత్తె. ఆ గుడిదె
- 34 దెయ్యము పెయిత్తె మనుషూండు మత్తోండు. ఓండు అన్ను, నజరేయుడత్తె యేసూ, నీతోంతుమాకి బారి
- మామిని అవుకనాంకి వత్తినా? నిమ్మ బేనోనోపుత్తాన దేవుని
- 35 పరిశుద్ధుడుని, ఇంజి పవురు తేఃచికెత్తోండు. అత్కాడె యేసు దానిని బెరియ బెరియ కెచ్చి, కొట్టా మంద, ఈనిని విడిసి అన్ను ఇంజి కెత్తోండు అస్కా ఆ దెయ్యము నడువు
- 36 ఓనిని మీఃచి ఓనికి బాత తుంగ్వ విడిసి అత్తె. అస్కా అందోరు ఆశరం పర్చి ఒరోనికి ఒరోండు ఇద్దు బేలా టిమాట, ఓండు అధికారాతె జవాతె దెయ్యాకీంకి మాట కెత్కాడె అవు విడిసి అంజోరె మిన్నాంగు ఇంజి కెత్తోరు.
- 37 అస్కా ఓని కబురు ఆ దేశేతె అంత ఆటి మత్తె.

నీమోను పోయె వెడ్కెను చాయ తుంగ్తోండు

- 38 ఓండు గుడిదెకాశి తేది నీమోను లోత్తికి అత్తోండు, అస్కా నీమోని పోయె మా ఎడికీతె పట్టిమత్తె, అస్కా

దాని శాంక ఓనిని తత్తోరు. ఓండు దానగ్గ నిచ్చి ఎడికి 39
 తీని బెరియ బెరియ కెత్తాడె అద్దు దానిని విడిస్తె. అస్కనే
 అద్దు తేది ఓరికి మరియాద తుంకె.

పొడుదు అర్దనస్క సాన రోగకీని లోంగి మన నోరు 40
 బేనోరగ్గ మత్తోరో ఓరిని ఓనగ్గ తీసి తత్తోరు. అస్క
 ఓండు ఓరవుటె ఒర్రోరోని పొర్రో కెక్కు వాటి ఓరిని
 సైకు తుంకోడు. అదయివ దెయ్యాకు నిమ్మ దేవుని మర్రి 41
 నత్తె క్రీస్తుని ఇంజి కేయి సాన మందితీని విడిసి అత్తాంగు.
 అస్క ఓండు వాటిని బెరియ బెరియ కెచ్చి కెత్తేదిల్లె.
 బారిత్కు ఓండు క్రీస్తు ఇంజి అవు పుత్తాంగు.

వెరివె అత్త పయ్య ఓండు బైదె పేచి అడివితికి 42
 అత్తోండు. అస్క పజ్జ ఓనిని మెఃకోరె ఓనగ్గ వాశి
 ఓరగ్గటికాశి అనువ ఓనిని బలిమి తుంకోరు. అత్తాడె 43
 ఓండు పరాయి నాఃకీని దేవుని రాజ్యతె శాంక కుశేల్తె
 కబురు ఆటవాలె బారిత్కు దీని శాంక రోఃత బర్తాన ఇంజి
 ఓరికి కెత్తోండు.

అత్త పయ్య ఓండు గలిలయ్య గుడింగీని బోధిస్సారె 44
 మత్తోండు.

మున్నె మందన బంట్రోత్కిని కర్గుట

5 మా దీబె మంది దేవుని మాట కేంజనాంకి ఓనిని ఒత్తి
 మననస్క ఓండు గెన్నేసరెతు ఇన్నాని సముద్ర
 తగ్గనిచ్చి. ఆ సముద్ర తగ్గ రెండు ఓడాని ఊడ్తోండు 2
 గోని బెస్తాంగు డిగ్గి ఓరి వలానోరోరె మత్తోరు. ఆ ఓడ

- 3 నవులు సీమోని ఓడ తర్చి ఒడ్డి నగ్గటికి ఉచ్చులు అప్పటికి తుర్ప ఇంజి ఓనికి కెత్తోండు. అస్కా ఓండు కుద్ది ఓడతె
- 4 మంజి, బైదె పజ్జాతికి బోధ కెత్తోండు. ఓండు తిరియి చాలిస్త పయ్య, నిమ్మ లోతింకి తుర్చి కీకేని కోసాత్కె మీ
- 5 వల వాటాటి ఇంజి సీమోనికి కెత్తోండు. కెత్కాడె, సీమోను అయ్య, నర్క అంత మమ్మ ఇస్త పర్చి మాకు ఒర్రొటన్న దొరికిల్లె, గోని నీ మాట తాల వల వాటి
- 6 తాన ఇంజి ఓనికి మల్చి కెత్తోండు. ఓరు ఆల తుంగి దీబె కీకేంగు పేయిత్తోరు, అస్కా ఓరి వల పైశోరె మత్తె.
- 7 అస్కా ఓరు ఇంకొరొ ఓడతె ఓరి పాలిగాకి నోరు వాశి ఓరికి సాహిత తుంగవాలె ఇంజి ఓరికి సైగె తుంగ్తోరు, ఓరు వాశి రెండు ఓడంగు ముణుంగానిపాలం నిఃత్తోరు.
- 8 సీమోను పేతురు దానిని ఊడి యేసునిబొట్టు మిణ నగ్గ అర్చి ప్రభువా, నా అగ్గటి కాశి అన్ను, నన్న పా పోకి
- 9 నోనిని ఇంజి కెత్తోండు. బారితుక, ఓరు పేయిత్తె కీకేని కుప్పాతికి ఓండు ఓని జోకతోరు ఆశరము పర్తోరు.
- 10 సీమోన్తోలు జోకతోరత్తె యాకోబు యోహాను ఇన్నాని జెబెదయ మర్కు ఇత్కన ఆలానె మత్తోరు. అత్కాడె యేసు వెర్ ఇంగాటి కాశి నిమ్మ మనషూర్కిని పాయిదనోని
- 11 ఆశి మంతీని ఇంజి సీమోనికి కెత్తోండు. అస్కా ఓరు ఓడన ఒడ్డింకి తచ్చి అంత విడిసి ఓని పెర్కె అత్తోరు.

పుండుకతో మందన ఓనిని చాయ తుంగుట

- 12 ఓండు ఒర్రొనాటు మననస్కె, ఇదో, మొండొ మచ్చాతె నిండితె ఒర్రొ మనుషూండు మత్తోండు, ఓండు

యేసుని ఊడి పాదసాలము అర్చి ప్రభువా, నీ సమ్మతి
మతుక నన్న చక్కాని తుంగా లీతీని ఇంజి ఓనిని మనిమి
తుంగ్తోండు. అస్కె ఓండు కైయు ఆఃచి ఓనిని కేటి నాకు 13

సమ్మతి మిందె నిమ్మ చక్కాని మంద ఇంజి కెత్కాడె
మొండొ మచ్చ ఓనిని విడిసి అత్తె. అస్కె ఓండు నిమ్మ 14

బేనోనికి కెల్వ, అంజి నీంకి, నిమ్మే పూజారీంకి తోఃచి, ఓరికి
సాక్షి కోసాత్కె మోషే నిల్పె బలి నీ చక్కాని కోసాత్కె
ఈము ఇంజి కెత్తోండు. అస్కె ఓని పెద్దేరి మా లావు 15

మోగి మత్తె. మా దీబె మంది ఓని మాట కేంజనాంకి
ఓని కైదె ఓరి రోగాతి కుంచి బాగా పర్దనాంకి కూడ్తోరు.
అస్కె ఓండు అడివితికి అంజి పార్దన తుంగ్తోరె మత్తోండు. 16

పక్షవాతముతో మందన ఓనిని చాయ తుంగుట

ఒర్రొ రోజు ఓండు బోధిస్తారె మన్నాంగ గల 17
లయ్య యూదయ్య దేశేతె ఒర్రొరొ నాటేని కుంచి
యెరూషలేమ్మై కుంచి వత్తె శాస్త్రూర్కు పరిసయ్యూర్కు
కూడ్తోరు. అస్కె ప్రభుని జవనెకు తుంగనాంకి మత్తె;

అస్కె, ఇదో మనుషూర్కు ముద్ద వాయువాలె మన్నాని 18

ఒర్రొని కట్టూల్తె కాంజి, ఓనిని లాప తత్త నాంకి ఓని మున్నె
తాసనాంకి ఊపము తుంగ్తోరు. గోని గుంపీని శాంక 19

ఓనిని లాప తత్తనాంకి అర్చి ఇల్లాడె లోఃత్తె పొర్రొ తర్చి
పెంకు లేఃచి కట్టూల్తోటె యేసుని మున్నె ఓనిని డిప్తోరు.

ఓండు ఓరి నమ్మకము ఊడి, మనుషునీ నీ పాపోకు మనిస్స 20
బర్త ఇంజి ఓనికి కెత్తోండు. అస్కె శాస్త్రూర్కు పరి

సయ్యూర్కు దేవదూషణ తుంగనోండు ఈండు బేనోండు. 21

- దేవుండే గోని ఇంగ బేనోండు పాపోకు మన్నిస్సనోండు
 22 ఇంజి ఓదిస్సోరె మత్తోరు. అత్కాడె యేసు ఓరి ఓదింపు
 23 పుంజి మీరు బారి మీ మతీతె తల్సోరె మిన్నీరి? మీ
 పాపోకు మన్నిస్స బర్త ఇంజి కెత్తనదు అల్క నా! ఇల్లూకు
 24 నిమ్మ తేది నడుము ఇంజి కెత్తనద్దు అల్కనా. గోని పాపోకీని
 మన్నిస్సనాంకి భూమండలాతె మచుషుని మర్రీన్కి అభి
 కారము మిందె ఇంజి మీరు పుందనాంకి ఓరికి మల్పీ కెచ్చి
 నిమ్మ తేది నీ కట్టూలు తేఃచి నీ లోత్కి అన్న ఇంజి
 నీకు కెచ్చోరె మిన్నాన ఇంజి ముద్ద వామువ మననోనికి
 25 కెత్తోండు. అస్కేనే ఓండు ఓరి మున్నె తేది, ఓని వట్టి
 మననదు తేఃచి దేవుని గొప్ప తుంగోరె ఓని లోత్కి
 26 అత్తోండు. అస్కే అందోరు నెర్రి ఆశరము పర్చి, నేండు
 గొప్ప కారియాకు ఊడ్తోం ఇంజి దేవుని గొప్ప తుంగోరె
 మా వెర్తోరు.

లేవి ఇన్నాని ఓనిని కర్గుట

- 27 అవు అత్త పయ్య ఓండు బయిదె అంజి లేవీ యిన్నాని
 పెద్దే రత్తె ఒర్రి సుంకరి సాయిపె గోడ తగ్గ కుద్దుదు
 28 ఊడి నా పేర్కె వర్ర ఇంజి ఓనికి కెత్తసెకా. ఓండు
 29 ఓనికి మన్ననాదంత విడిసి తేది ఓని పేర్కె అత్తోండు. లేవీ
 ఓని శాంక ఓని లోఃతై బెరియ వింది తుంగి న్నాండు
 అస్కే ఓరి తోంపె కుద్ది మన్నాని సుంకరీరు వీరోరు దీబె
 30 మంది మత్తోరు. మత్కాడె ఓరి శాస్తూరుకు పరి
 సయ్యూరుకు మీరు సుంకరీరి తోంపె పాపోతోరి తోంపె
 బారి తింజోరె ఊణు జోరె మిన్నీరి ఇంజి ఓని శిషూరికినికా

రోశేతె గొలుంగోరె మత్తోరు. మత్కాడె యేసు, 31
 రోగాకినోక్కే గోని సాయె మన నోర్కి వడ్డె బారి. మతి 32
 ఉఃతనాంకి పాపోకినోరిని కరంగనాంకి వత్తాన, గోని మెంచి
 ఓరిని అయ్యె ఇంజి ఓరికి మల్చి కెత్తోండు.

ఉపవాసం మందన దోని గురీసి తల్పుట

అస్కె ఓరు ఓనిని ఈల తల్పోరు, యోహాను 33
 శిషూరుక దీబె కరువీని పార్దాకు తుంగోరె మిన్నోరు
 గోని నీ ఓరు తింజోరె ఉణు బోరు మిన్నోరు. ఈల
 బారి తుంగోరె మిన్నోరు? తల్పుకాడె ఓండు పెల్లి కొడుకి 34
 నోకిని పెల్లి కొడుకు ఓరితోంపె మననస్కె కరువీని తుంగి
 స్సాలీతీరా? గోని పెల్లి కొడుకు ఓ రగ్గటికాశి తీసి ఓదాని 35
 రోజ్క వైతాంగు, అస్కె ఓరు ఆ రోజ్కని కరువీని
 మంతోరు ఇంజి ఓరికి కెత్తోండు. అదయివ ఓండు ఓరి 36
 తోంపె ఈ గొట్టి కెత్తోండు, బేల ఇత్తు బేనోండు
 పాత సీలేతికి కొత్త గుడ్డ ఒల్సోండు, ఆల ఒల్సత్తు, కొత్త
 దానిని ఈ కీతె అదయివ కొత్త దాంపె ఈకె గుడ్డ సీలే
 పాతదానగ్గ కలియె. బేనోండు పాత సిద్దేతె కొత్త ద్రాక్షా 37
 రసము తొస్సోండు తొస్తుకు కొత్త ద్రాక్షారసము సిద్దేని
 పఃచి వాంగీతె ఆ సిద్దె యెడిదీతె. గోని కొత్త ద్రాక్షా 38
 రసము కొత్త సిద్దేని తొస్సవాలె, అస్కె ఆ రెండు చక్కాని
 మంతాంగు. పాత ద్రాక్షారసము ఉణిజి అస్కెనే కొత్త 39
 దానిని మెఃకనోండు ఇల్లోండు, బారిత్తుక, పాతదే
 మెంచిది ఇంజి కెయితోండు.

సబ్బాతు రోజీని ఆచరణ తుంగుట

- 6 సబ్బాతు రోజీని ఓండు అయితై చేందాల అంజోరె
 మననస్కె ఓని శిషూర్కు ఎనుకు కిచ్చి కైదె నోకి
 2 తింజోరె మత్తోరు. అస్కె పరిసయూర్కు సగ్గతోరు
 సబ్బాతు రోజ్కె నస్కె తుంగ్వుదాని మీరు బారి
 3 తుంగోరె మిందీరి ఇంజి ఓరికి కెత్తోరు. కెత్కాడ యేసు,
 దావీదు ఓనికి, ఓనితోంటె మన నోరికి కర్వెస్తస్కె బాత
 4 తుంగ్తోండో మీరు చదివిల్లీరా? ఓండు దేవుని లోత్తికి
 అంజి పూజారీరే గోని ఇంగ బేనోరు తిన్వ ఆరింగు తీసి
 తింజి ఓనితోంటె మననోరికి ఇత్తోండు ఇంజి ఓరికి మల్పి
 5 కెత్తోండు. అదయివ మనుషుని మర్రి సబ్బాతికి ప్రభువాశి
 మిన్నోండు ఇంజి ఓండు ఓరితోంటె కెత్తోండు.
- 6 ఇంకొర్రొ సబ్బాతు రోజీని, ఓండు గుడితగ్గ అంజి
 బోధిస్సోరె మననస్కె అగ్గ వత్తి యత్త తిన కైదె మను
 7 షూండు మత్తోండు. అస్కె శాస్తూర్కు పరిసయూర్కు
 ఓనికి గూతి వాట నాంకి, సబ్బాతు రోజీని సైకు
 8 తుంగ్తోండు బోనో ఇంజి కేపోరె మత్తోరు. అత్కాడె
 ఓండు ఓరి ఓదింప్పు పుంజి, నిమ్మ తేది నిల్ల ఇంజి వత్తియత్తై
 కైదె మనుషూనితోంటె కెత్తోండు ఓండు తేది నిత్తోండు.
 9 అస్కె యేసు సన్న మీమిని ఒర్రొ మాట తల్పి తాన
 సబ్బాతు రోజికనస్కె బేదు మెంచిది. మేలు తుంగ
 నద్దా ఇల్లూకు కీడు తుంగనద్దా; పాణము బతికిస్స టమా
 10 ఇల్లూకు అవుకటమా ఇంజి ఓరికి కెచ్చి, ఓరందోరాకె
 మల్పి ఊడి, నీకైయ్యు ఆఃము ఇంజి ఆ మనిషీంకి

కెత్తోందు. ఓండు ఆలానె తుంగ్కాడ ఇంకొర్రొ కైదె
 ఆల ఆ కయ్యు చక్కాంగ అత్తె. అస్కె ఓరు నెర్రి 11
 రోశేతె మంజి యేసుని బేల తుంగితాడా ఇంజి ఒర్రింకి
 ఒర్రిండు తిర్వొత్తోరు.

ఆ రోజీకని ఓండు పార్దన తుంగనాంకి ఒర్రి మెట్టాతికి 12
 అంజి దేవుని పార్దనతుంగోరె ఆ నర్క పంగీన మత్తోందు.

పన్నెండు మంది అపొస్తలిన్నాని ఓరు

పొడుదు పేతస్కె ఓండు ఓని శిషూరీకని ఓనగ్గ కరింగి 13
 ఓరవుటె పన్నెండు మందితీని ఏర్చి ఓరికి అపొస్తలు ఇన్నాని
 పెద్దేరు నాట్తోందు. ఓరి పెద్దేరింగు బేవు ఇత్కు, 14
 సీమోను ఈనికి వేతురు పెద్దేరి వాట్తోందు. వేతురిని
 తమ్ముండు అంద్రెయ, యాకోబు, యోహాను, ఫిలిప్పు,
 బర్తోలొమయి, మత్తయి, తోమా, అల్పయి మర్రి అత్తె
 యాకోబు, జెలోతె ఇన్నాని సీమోను. యాకోబీని తమ్ముం 15
 డత్తె యూదా, ఓనిని పెయిశి ఇత్తె యిష్కరియోతు 16
 ఇన్నాని యూదా. ఓండు ఓరితోంపె ఇడుపొ వాళి 17
 బైయిల్తె నిత్తోందు అస్కె ఓరి శిషూరీకని గుంపు ఓని
 మాట కేంజనాంకి ఓరి రోగాతికుంచి బాగా పర్దనాంకి
 యూదెయ్య దేశేతె కుంచి యెరూషలేమ్మి కుంచి తూరు
 సీదోను ఇన్నాని పట్టాకీని కుంచి, సముద్రా తగ్గటికుంచి
 వత్తె మా దీబె మంది ఓనగ్గ వత్తోరు. దెయ్యాకీని తిప్ప 18
 అర్తోరు ఇత్కన వాళి సైకు అత్తోరు. ఆ పజ్జాంత ఓనిని 19
 కేటవాలె ఇంజి ఓదిస్తోరు. జవ ఓనగ్గటి కుంచి బైదె అంజి
 అందోరిని సైకు తుంగై.

మేలుపొందన కాలము మీకు వాసోరె మిందె

- 20 అస్కే ఓండు ఓని శిషూర్కినాకె ఊడి ఈల కెత్తోండు. పుండకోర్కు అత్త మీరు సంసారీరి, దేవుని రాజ్యము మీనదు ఆశి మిందె.
- 21 ఇంజె కరివీని మన్నాని మీరు సంసారీరి, మీకు నిండు మంతె ఇంజె అడసోరె మన్నాని మీరు సంసారీరి, మీరు, 22 కవిదితీరి. మనుషుని మర్రిని కోసాత్కె మనుషూర్కు మీకు కోదపెయిసి, మీమిని వెలివాటి, దీవిస్సి, మీ పెద్దేరి మేలో ఇంజి తీసి వాట్టస్కె, మీరు సంసారీరి. 23 ఆ రోజ్కీని మీరు కుశేలి పర్చి తుల్లాటి, ఇదో పరలోకా తగ్గ మీకు బెరియ ఫలము మిందె, ఓరి పూర్బతోరు 24 ప్రవక్త కీంకి ఆల తుంగ్తోరు. గోని అయ్యో, భాగ్య 25 మంతుర్కినీరీ, మీరు మీ అసర పొంద్తీరి. అయ్యో, నిండితోరీ, మీరు కరువీని మంతీరి. ఇంజె కవుసోరె 26 మననోరీ అయ్యో, మీరు విశరం పర్చి అడిదితీరి. మనుషూర్కు అందోరు మీమిని మెంచి ఓరు ఇంజి కెత్తస్కె ఊడాటి, అయ్యో, ఓరి పూర్బతోరు బొల్లిస్సాని బోధ కూర్కీని ఆలానే తుంగ్తోరు.

పగ తుంగనోర్కి మెంచిది తుంగాటి

- 27 అత్కాడె కేంజోరె మీకు నన్న బేల కెచ్చోరె మీన్నాన ఇతుక, మీ కోదతోరిని ప్తిరి తాసాటి, మీమిని 28 పగ తుంగనోరికి మెంచిది తుంగాటి. మీమిని దీవిస్సనోరిని ఆశీర్వాదము కెల్లాటి, మీమిని నిండిస్సనోరి కోసాత్కి

పార్దన తుంగాటి. వీరికి ఈ బుగ్గతీని తన్ననోరాక ఆ బుగ్గ 29
 డేము, నీగుడ్డతీసి ఓదనోని నీ కూసము ఇత్కన ఓదీము.
 నీనిని తల్పనోరికి ఈము, నీ డబ్బు ఓద నోనగ్గ జానిని 30
 మల్లి తల్ప. మీరు మనుషూరుక మీకు బేల తుంగ 31
 వాలె ఇంజి మిన్నీరో, ఆలానే మీరు ఓరికి తుంగాటి.
 మీమిని ప్తిరి తాసనోరిని మీరు ప్తిరి తాస్సు మీకి బాత 32
 పుణ్యము? పాపోతోరు ఇత్కన ఓరిని ప్తిరి తాస నోరిని
 ప్తిరితాసితోరు. మీకు ఉపకారము తుంగనోరికి మీరు 33
 ఉపకారము తుంగనత్తుక మీకు బాత పుణ్యము? బారిత్తు
 పాపో తోరు ఇత్కన ఆలానె తుంగితోరు. మీరు 34
 బేనోరగ్గ మల్లి పేయిదవాలె ఇంజి మిన్నీరో ఓరికి రుణము
 ఇత్తు, మీకు బాత పుణ్యము? పాపోతోరువెండె ఇత్త
 చోప్పె మల్లి పేయిదనాంకి పాపోతోరికి అప్పు ఈతోరు.
 గోని మీరు మీ కోదతోరి పొర్రా ప్తిరి తాసి 35
 మెంచిది తుంగి, బాత మల్లి ఆశిస్సువ అప్పు ఈమూటి
 అస్కె మీ ఫలము దీబె మంతె, మీరు దేవుని మర్కు
 ఆశి మంతీరి, బారిత్తుక ఓండు ప్తిరి ఇల్లువోరిని మేల్వోరి
 పొర్రా ప్తిరి తాసోరె మిన్నోండు. మీ తప్పె ప్తిరి మన 36
 నోండు ఆశి మననాటు మీరు వెండె ప్తిరి ఓరు ఆశి
 మందాటి.

పారుగు మంద నోర్కి తీర్పు తుంగాటి

మీరు తీర్పు తుంగాటి, అస్కె- మీకు తీర్పు తుంగి 37
 మన్నో గూతి పొట్టాటి, అస్కె మీకు గూతి వాటి
 మన్నో. మన్నిస్సాటి, అస్కె మీకు మన్నిస్స బర్దీతె 38

ఈ మూటు అస్కె మీకు ఈద బర్దీతె మా మెంచి కొల్త
మనుషూర్కు మీ ఒడిదె తొస్సితోరు. బారిత్కు
మీరు బేని కొల్తాతె కొలిసితీరో ఆ కొల్తాతె మీకు
మల్చి కొలిసితోరు.

- 39 అదయిన ఓండు ఓరికి ఈ గొట్టి కెత్తోండు బారిత్కు,
గుడ్డి ఓండు గుడ్డి ఓనికి అర్చితోతితోండా; ఓరిరువురు
40 గోతితె అర్చితోరువా? శిష్యుడు ఓని గురువీన్ని బెరియ
ఓండు అయ్యోండు గోని శిష్యుడు తయారు అత్త పయ్య
41 గురువీని మచ్చు మంతోండు. నిమ్మ నీ కండిదె మన్నాని
దూలము ఊడన నీ జోక తోని కండిదె మన్నాని చితుకు
42 ఊడటము బారి? ఇల్లూకు నీ కండిదె మన్నాని దూలము
ఊడన, నీ జోకతోనికి జోకతోనీ నీ కండిదె మన్నాని
చితుకు తీసి వాటీము ఇంజి నిమ్మ బేల కెయితిని? ఓ
కుట్రదారీని, మున్నె నీ కండిదె మన్నాని దూలముతీస,
అస్కె నీ జోకతోని కండిదె మన్నాని చితుకు తీసనాంకి
43 బాగా ఊడితీని. మెంచి మారాతె మేల్వో పణింగు
44 పండొ మేల్వో మారాతె మెంచి పణింగు పండొ. బేని
మార దాని పండిదె పుందకయితె కొయ్యేని పొతికేతె
అంజూర పణింగు కొయివోరు. వెదురు జిప్పుతె ద్రాక్ష
పణింగు కొయివోరు మెంచి ఓండు ఓని మతిలై కుంచి
45 మెంచిదాని బైదె వాటితోండు, మేల్వో మనుషూండు ఓని
మేల్వో మతిలై కుంచి మేల్వోదాని బైదె వాటితోండు.
ఓని మతిలై మననదు ఓని పవుటె వయితె.
- 46 నన్న కెత్తనవు మీరు తుంగ్వ, ప్రభువా! ప్రభువా!
ఇంజి వానిని కరంగటము బారి?

కేంజుట తుంగుట

నా అగ్గ వాళి, నామాటాంగు కేంజి, ఆల తుంగ 47
 నోండు బేనోండ్లో బేనోని మచ్చు మిన్నోండ్లో మీకు
 తెలియ కైయితాన. ఓండు లోను తోఃతవాలె ఇంజి 48
 లోతు కాఃచి కల్లె పొర్రొ పునాది వాటితె మనుషూని
 మచ్చు మిన్నోండు. బూరెము వత్తస్కు ఉరువడి ఆ
 లోః తిని తుర్సనస్క దాని పునాది బండాతె పొర్రొ వాట్ట
 కాడె అద్దుమెదలిస్స ఆలవ అత్తె. గోని, కేంజి తుంగ 49
 వోండు, పునాది వాటవ నేల్లె పొర్రొల్లో తోఃతోని
 సన్నం మిన్నోండు, ఉరువడి దానిని తుర్సకాడె అద్దు
 మీండి అత్తె. ఆ లోఃతై పాటు గొప్పది.

హవిల్దారీంకి ప్తిరి నవుకారిని చాయ తుంగుట

7 ఓండు ఓని మాట అంత పజ్జాతికి కెత్త పయ్య కపెర్న
 హుమ్మికి. నత్తోండు. అస్క ఒర్రొ హవిల్దారికి ప్తిరి
 నవుకారు చికి-డొల్లోరె మత్తోండు. ఓండు యేసుని 2
 శాంక కేంజి, ఓండు వాళి ఓని నవుకారిని సైకు తుంగ 3
 వాలె ఇంజి ఓనిని మనిమి తుంగ నాంకి ఓనగ్గ యూదూర్కీని
 పెద్దాని రోఃతోండు. ఓరు యేసునగ్గ వాళి, నీ కైదె 4
 బాగా పర్దనాంకి ఓండు మేల్తోండు ఇంజి. ఓండు మన 5
 పజ్జాతి పొర్రొ ప్తిరి తాసి మన కోసాత్కి గుడి తోఃతోం
 డింజి ఓనికి కెచ్చి బాగా బాదెయం పర్తోరు. అస్క 6
 యేసు ఓరితోంబ కలియి అత్తోండు. ఓండు ఆ లోత్తికి
 కెన్న దూరాతె మన్నాంగ ఆ హవిల్దారు ఓనగ్గ జోక

తోరిని రోఃచి ఓనితోంటు ఈల కెల్లాటి ఇంజి కెత్తోండు,
 బేల ఇత్తు ప్రభువా! తిప్ప అరుమ నిమ్మ నా లోఃత్తికి
 7 వాదనాంకి నన్న హాత్రీని అయ్యెన, దీని రోసాత్తి నీ అగ్గ
 వాదనాంకి నన్న హాత్రీని ఇంజి ఓదిస్సిల్లె అత్త కన్న నీ
 పవుటె మాట వాదీము, అస్కెనా నవుకారు సైకు అయి
 8 తోండు. నాకు ఇత్కన ఉచ్చుటు అధికారము మిందె,
 నా కైదె ఇడుసా బంట్లోతూర్కు మిన్నోరు. నన్న
 ఈనిని అన్న ఇత్తు దయితోండు, ఇంగోర్తీని వర్ర ఇత్తు
 వయితోండు, నా నవుకారీని ఇద్దు తుంగ ఇత్తు- తుంగి
 9 తోండు. యేసు ఈ మాటా కేంజి, ఓని శాంక ఆశరము
 పర్చి ఓని పెర్కె వత్తె పజ్జాతాకె ఉడ్డి, నన్న ఇశ్రాయేలగ్గ
 ఇచ్చో నమ్మకము ఉడ్డిల్లె ఇంజి మీకు కెచ్చోరె మిన్నాన
 10 ఇంజి కెత్తోండు. అస్కె రోఃతె జోడ లోఃత్తికి మల్చి
 అంజి చిక్తె నవుకారీని బాగా పర్చి మననదు ఉడ్డోరు.

నాయీను ఇన్నాని నాటె నగ్గ ముండ్రాలు మర్రీని డొల్లత్త

నోన్ని బతికిస్తోండు

11 నాడి ఓండు నాయీను ఇన్నాని ఒర్రో నాటేనికి
 అంజోరె మన్నాంగ ఓని శిషూర్కు దీబె మంది ఓని
 12 తోంట్ అత్తోరు. ఓండు ఆ నాటేని గుమ్మతగ్గ వత్తస్కె,
 ఇదో, డొల్తోని బైదికి తచ్చోరె మత్తోరు. ఓని తల్లింకి
 13 ఓండు ఒర్రోండ్డె మర్రి, అద్దు ముండ్రాలు. ఆ నాటేని
 పజ్జ దీబె మంది దానితోంట్ మత్తోరు. ప్రభువు దానిని
 ఉడ్డి ఓనికి సూకురు వాళి అడ్డ ఇంజి దానికి కెచ్చి దగ్గర

వాళి, ఆ పీనుము ఓదాని కట్టూలు కేట్తోండు అస్కె
 కాంజ్జోరు నిత్తోరు. అస్కె ఓండు లేయోనీ, తేద ఇంజి 14
 నీతోంబె కెచ్చోరె మిన్నాన ఇంజి కెత్తోండు. అస్కె 15
 ఆ డొల్తోండు తేది కుద్ది వెఃతనాంకి మొదలిస్తోండు. అస్కె
 ప్రభు ఓని తల్లింకి ఓనిని ఇత్తోండు. అందోరు వెర్చి మనగ్గ 16
 గొప్ప ప్రవక్త పుట్తోండు ఇంజి దేవుని ఓని పజ్జతీని ఊడ
 వాళి మిన్నోండు ఇంజి దేవుని గొప్ప తుంగ్గోరు. అస్కె 17
 యూదయ్య దేశేతె అందోరు దాని చుట్టు మన్నాని
 నాఃకినోరు అందోరు ఓని కబురు కేంజ్జోరు.

బాప్తి స్తమీదని యోహాను

అస్కె యోహాను శిషూర్కు ఈ గొట్టింగు అంత 18
 ఓనికి కెత్తోరు. కెత్కాడె యోహాను ఓని శిషూరీకని 19
 ఇరివిరీని కరింగి, వాదనోని నిమ్మేనా, ఇల్లూకు మమ్మ
 ఇంకొర్రోని కేపవాలా ఇంజి తల్పనాంకి యేసునగ్గ ఓరిని
 రోఃతోండు. ఆ మనుషూర్కు ఓనగ్గ వాళి, వాదనోని 20
 నిమ్మేనా, ఇల్లూకు ఇంకొర్రోని కేపవాలా ఇంజి తల్పనాంకి
 బాప్తి స్తము యీదాని యోహాను మామిని నీ అగ్గరోః
 తోండు ఇంజి కెత్తోరు. అస్కెనె ఓండు దీబె మంది 21
 రోగాతె మననోరిని చిక్తోరిని దెయ్యూకు పెయిత్తోరిని
 సైకు తుంగి దీబె గుడ్డి ఓరికి ఊడనాంకి ఇత్తోండు.
 అస్కె యేసు మీరు అంజి మీరు ఊడ్తవు కేంజ్జవు 22
 యోహానీకి కెల్లాటి, గుడ్డి ఓరు ఊడోరె మిన్నోరు కూటా
 లోరు నడుసోరె మిన్నోరు మొండోమచ్చతోరు చక్కానె
 ఆసోరె మిన్నోరు చెవిటిరు కేంజ్జోరె మిన్నోరు డొల్తోరు

తేదోరెమిన్నోరు పుండకోరికి కుశేలి కబురు ఆటి మిందె.

23 అదయివ నా కోసాత్కి అవుడంకము అరువోండు
బేనోండ్లో ఓండు గొప్పవాండు ఇంజి ఓరితోంబె మల్పి
కెత్తోండు.

24 యోహాను రోఃతె జోడగాఃకు అత్త పయ్య, ఓండు
యోహాని శాంక పజ్జాతికి ఈలానె కెత్తనాంకి మొద
లిస్తోండు, బేల ఇతుక, మీరు అడివితికి బాత ఊడనాంకి

25 బైదె పెఃతీరి గాలి మెదిలిస్సాని తుంగ పుల్లా? ఇల్లూకు
మీరు బాత ఊడనాంకి బైదె అత్తీరి, నన్న గుడ్డ వాట్టె
మనిషినా? ఇద్దో, మేల్ల గుడ్డావాటి సైకు బతకనోరు

26 రాజీని మేడాని మంతోరు. అత్కా-డె మీరు బాత
ఊడనాంకి బైదె అత్తీరి ఒర్రొ ప్రవక్తా? మారె, గోని
ఈండు ప్రవక్త కన్న గొప్ప ఓండు ఇంజి మీకి కెచ్చోరె
మిన్నాన.

27 ఇద్దో, నన్న నా జోడతీని నీకు మున్నె రోఃతితాన,
ఓండు నీ మున్నె నీ అర్రి చక్కాంగ తుంగితోండు ఇంజి
బేనోని శాంక రాసి మిందో ఓండే ఈండు.

28 నాట్వాకి పుట్టుతోరవుటె బాప్తిస్మము ఈదాని
యోహాను కన్న గొప్ప ప్రవక్త ఒర్రోండు ఇల్లోండు
అత్తకన్న దేవుని రాజ్యాతె తకుకన ఓండు ఓని కన్న
గొప్ప ఓండు ఇంజి నన్న మీకు కెచ్చోరె మిన్నాన.
పజ్జ సుంకరీరు అందోరు యీమాట కేంజి యోహాను

29 ఈదాని బాప్తిస్మము పొంది దేవుండు న్యాయ తోండు

30 ఇంజి ఎంచోరు గోనిపరిసయ్యూర్కు శాస్తూర్కు దేవుని

మాట వెలివాటి ఓనికెదె బాప్తిసము పొందిలె.
 అత్కాడె ప్రభు ఈల కెత్తోండు ఈ కారిని మను 31
 షూరీని బాత దాని సన్నము తుంగితాన, ఓరు బేని
 సన్నము మిన్నోరు. అంగాట కుద్ది మీ కోసాత్కి 32
 పిల్లాని గూగె ఊద్దామ. గోని మీరు యేందిలె, మీ
 కోసాత్కి మొత్తుకుట్టామ గోని మీరు అడిదిలె ఇంజి
 ఒర్రోనికి ఒర్రోండు కెచ్చి కరంగాని పేకోరి సన్నము
 మిన్నోరు. బారిత్కు బాప్తిసము ఈదాని యోహాను 33
 ఆరి తినవ ద్రాక్షారసము ఉణువ వత్తోండు వత్కాడె ఓనిని
 దెయ్యము పెయితె ఇంజి మీరు కెచ్చోరె మిన్నీరి.
 మనుషుని మర్రివాళి తింజోరె ఉణుజోరె మిన్నోండు, 34
 అత్కాడె మీరు ఇద్దో, గాసకల్లవోండు కల్లుముచ్చ ఓండు
 సుంకరీరికి పాపోకినోరికి జోకతోండు ఇంజి కెచ్చోరె
 మిన్నీరి. అత్తకన్న జ్ఞానము జ్ఞానము ఇంజి బుద్ధి 35
 మంతూర్కిని కైదె తీర్పు పొందితె ఇంజి కెత్తోండు.

యేసు పాదకీని అత్తరు రాస్తె. ఇరువురు రుణం మందనోరు

అస్కె పరిసయ్యుడు ఒర్రోండు ఓనితోంపె దోడ 36
 తిందనాంకి ఓనిని బతమలాడ్తోండు అత్కాడె ఆ పరిస
 య్యునిహోను అంజి దోడ బంతీతె కుద్దోండు. అస్కె, 37
 ఇద్దో, ఆనాటె, మన్నాని ఎడిసి అత్తె ఒర్రో నాట్వాడి
 యేసు పరిసయ్యుని లోఃత్తె తింజోరె మిన్నోండు ఇంజి
 పుంజి కల్దె తోంపె అత్తరుబుడ్డీతె అత్తరు తచ్చి. ఓని 38
 కాలిన్గ పేర్కొనిచ్చి, అడసోరె కాండేరె ఓని పాదకీని
 నాఃతనాంకి మొదొలిస్తె, అస్కె అద్దు దాని తలకెల్కిన్తోపె

- వాటిని ఉమ్మి ఓని పాదాకీని బుర్రి ఆ అత్తరు వాటికి రాస్తె.
- 39 ఓనిని కరంగై పరిసయ్యుడు దీనిని ఊడి ఈండు ప్రవక్త అత్తు ఓనిని కేట్ట ఈ నాట్వాడి బాదో బేళ్ళంటిదో పుందకోండు బారిత్తు ఇద్దు ఎడిసి అత్తదు ఇంజి ఓనవుటె
- 40 ఓండు అనుకుటోండు. అస్కె యేసు సీమోనా నీకు ఒర్రో మాట కెత్తవాలె ఇంజోరె మిన్నాన ఇంజి ఓని తోంబ కెత్తోండు కెత్కాడె ఓండు గురువా, కెల్ల ఇం త్తోండు. ఒర్రోమనిషినగ్గ అప్పు తీస్తారు ఇరువురు
- 41 మత్తోరు. ఓరవుటె ఒర్రోండు రెండు వంద ¹దేనారకు
- 42 ఇంగొ ర్రోండు యాబై దేనారకు బాకి మత్తోరు. అప్పు తీర్చనాంకి ఓరికి బాత ఇల్లవసెక ఓండు ఓరిరి విరీని ప్పిర్తితె మన్నిస్తోండు. ఆల అత్తు ఓరవుటె బేనోండు ఓని పొర్రో బాగా ప్పిర్తి తాసితోండ్లో అద్దు కెల్ల ఇంజి కెత్తోండు.
- 43 కెత్కాడె, సీమోను ఓండు బేనోనికి దీబె మన్నిస్తోండ్లో ఓండె ఇంజినాకు పుందకాసోరె మందె ఇంత్తోండు అసెక
- 44 యేసు నిమ్మ బాగా ఓదిస్తీని ఇంజి ఓనికి కెచ్చి, ఆ నాట్వాటాకె మల్కి సీమోనికి ఈల కెత్తోండు, ఈ నాట్వాటిని ఊడోరె మిన్నీనివా, నీ లోఃత్తికి వత్తాన నా కాలికి నిమ్మ. ఏరు ఈదిల్లె, గోని ఇద్దు దాని కాండేరె నా కాలీని నాఃచి దాని తలకెలీని ఉమ్మె.
- 45 నిమ్మ నానిని బుర్రిలీని, గోని నన్నలోవ వత్తగ్గటి కుంచి
- 46 ఇద్దు నా కాలీని బుర్రనదు విడిసిల్లె. నిమ్మ నీయిదె నా తలకాయ రాసిల్లె గోని ఇద్దు నా కాలీని అత్తరు

¹ దేనారము ఇత్తు ఐదు అణాంగు.

రాస్తె. దీని కోసాతిక్ దీని దీబె పాపోకు మన్నిస్స బర్త 47
 ఇంజి నీకు కెచ్చోరె మిన్నాన బారితుక్ ఇద్దు సానపిర్తి
 తాస్తె, గోని బేనోనికి ఉచ్చుటు మన్నిస్స బర్దితోఁడో
 ఓండు ఉచ్చుటు పిర్తి తాసితోఁడు. అస్క ఓండు నీ 48
 పాపోకు మన్నిస్స బర్తాంగు ఇంజి దానికి కెత్తోఁడు.
 అస్క ఓనితోఁటె దోడ బంతీతె మన్ననోరు పాపోకీని 49
 మన్నిస్సనోండు ఈండు బేనోఁడో ఇంజి ఓరికి ఓరు
 ఓదిస్సారె మత్తోరు. అత్కాడె ఓండు నీ నమ్మకము 50
 నీనిని రక్షిస్తె సమ్మాతి పర్చి అన్న ఇంజి ఆ నాట్వాటికి
 కెత్తోఁడు.

యేసుకు సాయం తుంగ్నాట్వాడ్కి

8 అత్త పయ్య ఓండు దేవుని రాజ్యాతి శాంక కు శేల్తెకబురు
 కెచ్చోరె, అటోరె, ఒర్రొరొ పట్టణతగ్గ, ఒర్రొరొ
 నాటేనగ్గ ఉడ్డోరె మన్నాంగ. పన్నెండు మంద్దీనిన్ని 2
 దెయ్యాకింకుంచి రోగాకిని కుంచి బాగా పర్తెసగము
 నాట్వాకు ఓనితోఁటె మత్తోరు. ఈరు బేనోరిత్కు,
 యేడు దెయ్యాకు విడిస్తి మగ్గలేనే పెద్దేరత్తె మరియు,
 హేరోదీని నవు కారత్తె కూజా ముత్తె అత్తె యోహన్న,
 సూపన్న. ఈరు అయివ దీబె మంది ఓరి ఆదాతె ఓనికి 3
 సాయము తుంగ్గోరు.

వీతనోండు గురీసి కెత్తట

దీబె మంది కూడి, ఒర్రొరొ నాటేనికుంచి ఓనగ్గ నెర్తీ 4
 వాసారె మన్నాంగ, ఓండు ఈ పూర్బం కెత్తోఁడు,

- 5 బాతిత్కు. వీతనోండు ఓని విత్తగట్ట వీతనాంకి బైదె
 పెఱ్ఱోండు. ఓండు వీతోరె మన్నాంగ సగము గీయాంగు
 అర్దె రోకు అర్బి ఒగ్గి. పత్తాంగు. అస్కె పిట్టేంగు వాసి
 6 వాటిని తిత్తాంగు. ఇంగ సగము కల్దె పొర్రొ అర్బి,
 7 మొడ్డి పదును ఇలగాడె వత్తి అత్తాంగు. ఇంగ సగము
 కొయ్యేని జిప్పుతె అర్తాంగు ఆ కొయ్యేని జిప్పుకు
 8 వాటి తోంఱె మొడిసి వాటిని అనుస్తా. గోని సగము
 మెంచి నేల్దె అర్బి, మొడిసి, నూరింత పండ్తా ఇంజి
 కెత్తోండు అస్కె కేంజనాంకి కెప్పు మననోండు కేంజేండు
 9 ఇంజి ఓండు కేయి కెత్తోండు. అత్త పయ్య ఓని
 శిషూర్కు ఈ పూర్బము బాత ఇంజి ఓనిని తల్పోరు.
 10 తల్పకు ఓండు దేవుని రాజ్యాతె గుట్టు పుందనాంకి
 దేవుండు మీకు ఈసి మిన్నోండు గోని పరయి ఓరికి
 ఓరు ఊడి ఊడువ, కేంజి పునువ మననాంకి ఇవు
 11 పూర్బకీని కైదె కెత్త బర్తె. ఈ పూర్బము బాతిత్కు, విత్త
 12 గట్ట దేవుని మాట. అర్దె రోకు మననోరు కేంజనోరు
 గోని ఓరు నమ్మి రక్షణ పొందున మన్ననీకి సైతాను వాశి
 13 ఓరి మతిల్తె కుంచి ఆ మాట పెయిసి ఒయితె. కల్దె
 పొర్రొ మననోరు బేనోరు ఇత్కు, కేంజనస్కె మాట
 కుశేల్తె కేంజనోరు, గోని ఈరికి వేరు ఇల్లాడె, సగము
 రోజ్కీని నమ్మి శోధన వేళ వాదనస్కె ఈరు దయితోరు.
 14 కొయ్యేని జిప్పుతె అర్తవు బేవు ఇత్కు, ఈరు కేంజి అంజి,
 ఇబ్బందికీని ఓదింపుతె, డబ్బీన లోకకుశేల్తె అదిమి వాటి
 15 బాగా పండువోరు. గోని మెంచి నేల్దె అర్దె గీయా

బేనోరితుకు చక్కాంగ మెంచి మొత్తై ఆ మాట కేంజి,
తాసి విడన్వవ పండనోరు.

వెన్నలి తోపనాంకి కెత్తటం

బేనోండు దీవె నీర్చి అడకాతే కుచ్చోండు; కట్టూలై 16
ఇడుపో వాటోండు, గోని లోప వాదనోరికి వెన్నలి
తోపనాంకి దీవె సుడిదె పొర్రో దొని వాటితోండు.
బైదె అర్రవ మక్కి మననదు బాత ఇల్లై. మక్కి మన్ననద్దు 17
అంత బైదె అర్చి పుందకయితె. ఆల అత్తుకు మీరు బేల 18
కేంజోరె మిన్నీరో ఊడాటి మన్ననోండు బేనోండ్లో ఓనికి
ఈద బర్దీతె—ఇల్లు వోండు బేనోండ్లో ఓనగ్గటికాళి ఓనికి
మిందె ఇంజి ఓదిస్తదు వెండె తీసి ఓద బర్దీతె.

సత్తెం కెత్తన తమ్మూర్కు

ఓని తల్లూరు తమ్మూకు ఓనగ్గ వాళి దీబె పజ్జాతి 19
కోసాత్కై ఓనగ్గ దాయాలువ మత్తోరు, అస్కై నీ 20
తల్లూరు తమ్మూకు నీనిని ఊడవాలె ఇంజి ఆశపర్చి బైదె
నిచ్చి మిన్నోరు ఇంజి బేనోరో ఓనికి కెత్తోరు. కెత్కాడె 21
ఓండు దేవుని మాట కేంజి ఆల తుంగ నోరు ఈరు నా
తల్లూరు తమ్మూకు ఆళి మిన్నోరు ఇంజి ఓరికి మల్చి
కెత్తోండు.

దుమ్మరతేని ఏరేని ఆపుతుంగ్తోండు

ఇంకొర్రో రోజిని ఓండు ఓని శిషూరీనితోంబె 22
బర్రో ఓడ తర్రి, ఈ సముద్రాతె అబ్బేటికి దక్కాడ

- ఇంజి ఓరికి కెత్తోండు. అస్కె ఓరు దాని తుర్చి బైదె
 23 పేఱోరు. ఓరు అంజోరె మన్నాంగ ఓండు ఉంజ్జోండు
 అస్కె దుమ్మరము వాస సముద్రము పొర్రొ వాళి ఆ ఓడ
 24 ఏత్తె నిండి ముణగనాంకి దగ్గిర పరై. అస్కె ఓరుఓనగ్గ
 వాళి, అయ్యూ, అయ్యూ, ముణిగి అంజోరె మిన్నాము
 ఇంజి ఓనిని తేఱోరు. అస్కె ఓండు తేది దుమ్మరతీని ఏత్తె
 25 తల్లూకీని గదిస్తకాడె అవు నిత్తాంగు. అస్కె ఓండు
 మీ నమ్మకము బెగ్గ మిందె ఇంజి ఓరికి కెత్తోండు.
 అత్కాడె ఓరు వెర్చి, ఈండు బేళ్ళం టోండు, ఈండు
 దుమ్మరతీని ఏత్తీని మాట కెత్తనేనే అవు ఓనికి లొంగి
 మిన్నాంగు ఇంజి ఒర్రోనికి ఒర్రోండు కెచ్చి ఆశరం
 పర్తారు.

దెయ్యంపోయితీన మనుషూణి నగ్గటనుండి దెయ్య కేన్చి

మిచ్చిస్తోండు

- 26 ఓరు గలిలయ్యాతికి మున్నె మన్నాని గదరేసీయ
 దేశేతికి ఏర్త పయ్య, ఓండు ఆ ఒడ్డింకి డిగ్గసెక ఆ నాటే
 27 నోండు ఒర్తూండు ఓని మున్నేటికి వత్తోండు. ఓండు
 సాన ఏండికింకాళి దెయ్యాకు పెయితోండు ఆళి గుడ్డ ఉఱవ
 28 వీస్కినగ్గేనే గోని లోను మందిల్లోండు. ఓండు యేసుని
 ఊడి, కూక వాటి, ఓని మున్నె పాదసాలం అర్చి, యేసూ
 దేవుని మర్రీనీ, నీ తోంప నాకు బారీ, నానిని తిప్ప తుంగ్క
 ఇంజి నీనిని మనిమి తుంగోరె మిన్నాన ఇంజి కేయి కెత్తె.
 29 బారిత్తు ఓండు ఆ మనుషూనగ్గాటికాళి బైదె వర్త ఇంజి
 ఆ దెయ్యతోంప కెత్తోండు అద్దు సాన దమ్ము ఓనిని

పెయిత్తకాడె, ఓనిని గొలుసీని సంకిడిని కావీన
 తోఃతోరు గోని ఓండు బందకిని దెఃచి ఆ దెయ్యము
 ఓనిని అడివితికి గెదిమ్మె. అస్కె యేసు నీపెద్దేరి బాత 30
 ఇంజి ఓనిని తల్పసెక ఓండు దీబె ఇంజి కెత్తోండు,
 బారిత్కు దీబె దెయ్యకు ఓని లోప ఒచ్చి మత్తాంగు.
 అస్కె అవు మామిని నరకాతికి రోఃమ ఇంజి యేసుని 31
 బతిమాల్తా. అత్కాడె ఆమెట్టాతె పొర్రొ మేమోరె 32
 మన్నాని దీబె పద్దీనె కత్తుపుమత్తె. అస్కె ఆదెయ్యకు
 వాటగ్గ ఒచ్చనాంకిమాకు మాట ఈము ఇంజి ఓనిని
 తల్పసెక ఓండు అన్నాటు ఇత్తోండు. అస్కె ఆ 33
 దెయ్యకు ఆ మనుసి నగ్గాటి కుంచి బైదికి వాశి ఆ పద్దీని
 పెయితాంకు. అస్కె ఆ కత్తుపు వెట్టాతికాశి సముద్రాతికి
 లెస్స మిర్రి ముణిగి అత్తాంగు. మేఃతనోరు అత్తవంత 34
 ఊడి, మిర్రి, పట్టికీని నాఃకీని ఆ కబురు కెత్తోరు. ఓరు 35
 తుంగ్గవంత ఊడనాంకి బైదె పేఃచి యేసు నగ్గవాశి,
 దెయ్యకు విడిసె మనుషూండు గుడ్డ వాటి మేల్త బుద్ధీతె
 యేసుని కాల్కినగ్గ కుద్దతు ఊడి వెర్తోరు. దెయ్యకు 36
 పెయిత్తోండు బేల సైకు అత్తోండ్లో దాని ఊడ్తోరు ఓరికి
 కెత్తోరు. అస్కె గదరేని దేశేతె పజ్జ అంత ఓరగ్గటి 37
 కాశి అన్ను ఇంజి ఓనిని మనిమి తుంగ్గోరు. ఓరు మా
 లావు వెర్చి మత్తోరు ఓండు ఓడాతె తర్రి ఊడ్డి అత్తోండు.
 అస్కె దెయ్యకు విడిసె మనుషూండు ఓనితోంపె 38
 మందవాలె ఇంజి ఓనిని బతిమాల్తోండు. గోని యేసు 39
 నిమ్మ నీ లోఃతిక్కి మల్చి అంజి, దేవుండు నీకు బెచ్చో లావు
 కార్యకు తుంగ్గోండ్లో అద్దు తెలియ కెల్ల ఇంజి ఓని

తోంటు కెచ్చి, ఓనిని రోఃతోండు. ఓండు అంజి, యేసు
 ఓనికి బెచ్చో లావు కార్యాకు తుంగ్తోండ్తో ఇంజి ఆ
 పట్టాతె అందోరికి కెత్తోండు.

యాయారు మయాడిని చాయ తుంగ్తోండు. నెత్తురు

జబ్బుతో మందననాట్వాడి చాయతుంగ్తోండు

- 40 యేసు మల్కి వత్తసెక పజ్జ ఓనిని ఏర్పోరు బారితుక
 41 అందోరు ఓని కోసాత్కె కేపి మత్తోరు. అస్కె, ఇద్దో,
 గుడిదె పెద్ద యాయారు ఇన్నాని పెద్దేరత్తె మనుషూండు
 వాశి, యేసుని కాలీని పొర్రొ అర్పి ఓని లోను వాద
 42 నాంకి ఓనిని తల్పోండు. బారితుకు ఓనికి ఎంచు మించు
 పన్నెండు ఏండికీని మైయాడి మత్తె. అద్దు డొల్కాశి
 మత్తె.
- 43 ఓండు అంజోలె మన్నాంగ పజ్జ ఓనిని ఒత్తోరె
 మత్తోరు. అస్కె పన్నెండు ఏండికీని కాశి నెత్తురు కుసమ
 రోగాతె మంజి, దాని కోసాత్కె డబ్బు అంత వడ్డేరికి పాడు
 తుంగి బేనోని కైదె బాగా అయవ ఒర్రొ నాట్వాడి ఓని
 44 పేరెక వాశి ఓని గుడ్డ సెంగు కేట్టె. అనేకే దాని
 45 నెత్తురు కుసుమ నిత్తె. అస్కె యేసు నానిని బేనోండు
 కేట్తోండు ఇంజి తల్పోండు. అందోరు మమ్మ అయ్యోమ
 ఇంజి కెత్తస్కె పేతురు ఓనితోంటు మన్ననోరు అయ్యా,
 పజ్జ అంత నీనిని ఒత్తి మంజి ఇరికొసోరె మన్నాంగ నానిని
 బేనోండు కేట్తోండు ఇంజి తల్పోరె మిన్నీనా ఇంజి
 46 కెత్తోరు. గోని, యేసు, బేనోండ్తో నానిని కేట్తోండు,

నా అగ్గటి కాశి వడి బైదె అర్తె ఇంజి కెత్తోండు, ఆ 47
 నాట్వాడి మింజి మందిల్లె ఇంజి ఊడి, వణు కోరె వాశి
 ఓని మున్నె పాదసాలం అన్సి, అద్దు బారి ఓనిని కేట్టో,
 అద్దు అస్కేనే బేలానె చక్కాంగ అత్తెయో దాని ఆ పజ్జ
 అందోరి మున్నె ఓనికి కెత్తె. అస్కా ఓండు మైయాటి, 48
 దుట్టం తర్ర నీ నమ్మకం నీనిని సైకు తుంగై, కుశేల్తె అన్న
 ఇంజి దానికి కెత్తోండు.

ఓండు తిరియోరె మన్ననస్కా గుడిదె పెద్ద లోఃత్త 49
 గ్గటికాశి ఒర్తోండు వాశి, నీ మైయాడి డొల్తె, గురు
 వీని తిప్ప తుంగ్ ఇంజి ఓనికి కెత్తోండు. గోని యేసు 50
 కేంజి, వెర్, నీకు వమ్మకము మత్కు అద్దు బాగా పర్దీతె
 ఇంజి ఓనికి మల్పి కెత్తోండు. ఓండు ఆ లోను వత్త 51
 పయ్య, పేతురు, యాకోబు యోహాను ఇన్నాని ఓరిని
 ఆ పేకిటె తల్లూరు తప్పేరిని అయివ బేనోరిని లోపటికి
 వాదీదిల్లె. అందోరు దాని కోసాత్కె అడుసోరె దుఃఖ 52
 పర్సోరె మననస్కా, ఓండు అడ్డ, అద్దు ఉంజోరె మిందె
 గోని డొల్లిల్లె ఇంజి కెత్తోండు. అస్కా అద్దు డొల్తె ఇంజి 53
 ఓరు పుంజి ఓనిని ఆస్కయం తుంగ్గోరు. ఓండు ఓరం 54
 దోరిని అప్పటికి రోఃచి, దాని కైయ్యు పేయిసి, పేకి,
 తేద ఇంజి కెత్తోండు. అస్కా దాని జేవుడు మల్పి వత్తె. 55
 అస్కేనే అద్దు తేదై, అస్కా ఓండు దానిని దోడ
 వాటాటి ఇంజి కెత్తోంతు. అత్కాడె దాని తల్లూరు 56
 తప్పేరు ఆశరిం పర్తోరు. అస్కా ఓండు తుంగ్గవు బేనోనికి
 కెల్ల ఇంజి ఓరికి కెత్తోండు.

పన్నెండు మంది శిష్యులూ తుంగనపని

- 9 ఓండు ఓని పన్నెండు మంది శిష్యులీని కరింగి
 2 దెయ్యాకీని పొర్రో రోగాకీని సైకు తుంగనాంకి వడి
 3 అధికారము ఈసి. దేవుని రాజ్యం ఆటనాంకి చిక్తోరిని
 4 బాగా తుంగనాంకి ఓరిని రోతొండు. అసెక ఓండు
 5 మీరు పైనము రోసాతె దుడ్డి అన్న, సంచి అన్న, ఆరి
 6 అన్న, వెండి అన్న ఇంక బాతన్న పెయిసి అన్నాటి మీరు
 7 రెండు రెండు కూసాకు తాస్తాటి. మీరు బేని లోను
 8 ఏరితొరో అగ్గేనే మంజి అగ్గటి కుంచి బైదె అన్నూటు.
 9 మీమిని బేనోరు దగ్గర తీసారో ఆ నాటేనికుంచి బైదె
 10 పేతనస్కె మీ పాదాకీని దుబ్బ ఓరికి పగ సాక్ష్యము
 11 రోసాతె ఉమ్మి పాటాటి ఇంజి ఓరికి కెత్తోండు. ఓరు
 12 బైదె పేచి నాకంత కుశేలి కబురు ఆటోరె చిక్తోరిని
 13 బాగా తుంగోరె నాకు ఉడ్డోరె మత్తోరు.

రాజత్తె హేరోదు ఓండు తుంగనంత కేంజి ఆతరం, పట్టోండు

- 7 రాజత్తె హేరోదు ఓండు తుంగనంత కేంజి ఆతరం
 8 పర్తోండు. బారిత్కు, సగమంది యోహాను డొల్తో రగ్గటి
 9 కుంచి తేద్తోండు ఇంజి, సగతోరు ఏలీయా ఊడకత్తోండు
 10 ఇంజి, ఇంక సగతోరు పూర్బతోరవుటె ఒర్రో ప్రవక్త
 11 మల్కి తేన్తోండు ఇంజి కెత్తోరు. గోని హేరోదు నన్న
 12 యోహానిని తలకాయ కఃతి సాన బేనోని శాంక ఈ
 13 కబురు కేంజ్తానో, ఆ ఈండు బేనోండు ఇంజి ఓనిని
 14 ఊడవాలె ఇంజి ఆశ పర్తోండు.

విదువేల పజ్జోర్కి దోడవాటటం

అపొస్తూర్కు మల్కి వాళి, ఓరు తుంగ్గువు అంత 10
 యేసునికి కెత్తోరు. అస్కొ ఓండు ఓరిని కూడిపి బేత్సయిదా
 ఇన్నాని నాటేని అడివిటికి అయిక్కున అత్తోండు.
 అత్కాడె పజ్జ అంత దానిని కేంజి ఓని పేర్కొ అర్తోరు. 11
 ఓండు ఓరిని ఊడి దేవుని రాజ్యాలె మాట ఓరికి కెచ్చోరె
 చిక్తోరిని సైకు తుంగోరె మత్తోండు. పొడుదు అర్దనాంకి 12
 దగ్గిర పర్తస్కొ పన్నెండు మంది వాళి మనడ ఈ అడవితె
 మిన్నాడ, చుట్టుట్టి నాకింకి గూడెకింకి, అంజి పట్టనాంకి
 దోడ దొరికిస్సనాంకి పజ్జాతీని రోఃము ఇంజి ఓనికి కెత్తోరు.
 కెత్కాడె ఓండు మీరు ఓరికి తిందనాంకి ఈ మూటి 13
 ఇంజి ఓరికి కెత్తోండు. అస్కొ ఓరు మమ్మ అంజి ఈ పజ్జాతి
 తోసా తెక తిననవు ఆస్తికే గోని మనగ్గ విదు ఆరింగు రెండు
 కీకేంగు అయివ ఇంక బాత ఇల్లాంగు ఇంజి కెత్తోరు.
 బారిత్కు ఉచ్చుటు ఎంచు మించు అయిదు వేయి 14
 మనుషూర్కు మత్తోరు. అస్కొ ఓండు ఓరిని యేభై 15
 యేభై మందితాల బంతి వాటాటి ఇంజి ఓని శిషూర్కిన్ని
 కెత్తోండు. ఓరు ఆలానె తుంగి అందోరిని కుపిస్తోరు.
 అస్కొ ఓండు ఆ అయిదు ఆరిని రెండు కీకేని పెయిసి 16
 పొర్తోటికి కండ్కు తేఃచి పార్గన తుంగి విఃచి ఆ పజ్జ
 అందోరికి వాటాటింజి శిషూర్కిని ఇత్తోండు. ఓరు 17
 అందోరు తింజిడొక్క నిండ్త పయ్య ఓరికి మిగిలై విర్కేని
 పన్నెండు గంపానిండ ఉడుప్తోరు.

పేతురు యేసును ఒప్పుకుట్టోండు

- 18 ఓండు బేనోరు ఇల్లవగ్గ పార్దన తుంగోరె మన్నాంగ
 ఓరి శిషూరుక ఓనితోంటె మత్తోరు. అస్కె ఓండు,
 నన్న బేనోండు ఇంజి పజ్జంత కెచ్చోరె మిన్నోరు ఇంజి
 19 ఓరిని తల్పోండు. తల్పుకాడె ఓరు, బాప్తిస్మం ఈదాని
 యోహాను ఇంజి, సగతోరు ఏలీయా ఇంజి, ఇంక సగతోరు
 పూర్బాతె ప్రవక్త నవుటె బేనోండ్లో ఒర్రోండు తేద్దోండు
 20 ఇంజి కెచ్చోరె మిన్నోరు ఇంజి మల్కి కెత్తోరు. అస్కె
 ఓండు, గోని నన్న బేనోండు ఇంజి మీరు కెచ్చోరె
 మిన్నీరి ఇంజి ఓరిని తల్పుకాడె, పేతురు నిమ్మ దేవుని
 క్రీస్తుని ఇంజి మల్కి కేత్తోండు.

యేసు ఓండు డొల్దటం, తేదటం, గురీసిమున్నె కెత్తోండు

- 21 అస్కె ఓండు ఇద్దు బేనోనికి కెల్లాటి ఇంజి బాగా
 22 కెచ్చి, మనుషూని మర్రి మా లావు తిప్ప అర్చి, పెద్దాని
 కైదె పెద్ద పూజారీరి కైదె శాస్త్రూరీని కైదె సిగుపాటు
 అర్చి మంజి, అవుక బర్చి, మూండు రోజ్క నిమల్కి తేదవాలె
 ఇంజి కెత్తోండు.

యేసు ఓనిని గురీసి కెత్తట

- 23 అస్కె ఓండు ఆందోరికి ఈల ఇత్తోండు. నాపేరె
 వాద నాంకి బేనోం కన్న మతి మన్ననోండతుక, ఓనిని
 ఓండు కోద తాసి రోజు రోజు ఓని శిలువ కాంజి నాపేరె
 24 వాదవాలె. ఓని జీవుడు రక్షిస్తువాలె ఇంజి ఓదిస్తునోడు

బేనోండ్లో, ఓండు దానిని ఇరువాటి తోండు. నా
 కోసాత్కె బేనోండు ఓని జీవుడు పొఃతితోండ్లో ఓండు
 దాని రక్షిస్సి తోండు. ఒర్తొ మనుషూండు లోకము 25
 అంత పోగు తుంగి ఓనికి ఓండే పొఃతకన్న, ఇల్లూకు
 నశిస్తకన్న ఓనికి బాత మిందె? నా కోసాత్కె నా మాట 26
 కోసాత్కె సిగు అర్ద నోండు బేనోండ్లో, ఓని శాంక
 మనుషూని మర్తి ఓనికి, ఓని తప్పేనికి ఓని దూతానికి
 మన్నాని మహిమాతె వాదనస్కె సిగు పర్దితోండు.
 అత్తకన్న ఇగ్గ నిచ్చి మన్ననోరవుటె సగము మంది దేవుని 27
 రాజ్యము ఊడాని జేలు డొల్లోరు ఇంజి నన్న నిజము
 మీకు కెచ్చోరె మిన్నాన.

యేసు రూపాతె మారతై

ఈ మాట కెచ్చి ఉచ్చుటు ఎంచు మించు యెనిమిది 28
 రోజుకా అత్తపయ్య ఓండు పేతురు యోహాను యాకోబిని
 ఓనితోంపె ప్రార్థన తుంగనాంకి ఒర్తొ మెట్టాతె పొర్తొ
 తర్తోండు. ఓండు పార్దన తుంగోరె మన్నాంగ ఓని 29
 మొక్కోతె రూపు మారి అత్తై ఓని గుడ్డాంగు తెల్లాంగ
 అశి వెన్నెలి సన్నమె అత్తాంగు. అస్కె ఇరువురు ఓని 30
 తోంపె తిరియోరె మత్తోరు, ఓరు మోషే వలియా
 ఇన్ననోరు. ఓరు వెన్నెల్తై ఊడకాశి, ఓండు యెరూష 31
 లేము తగ్గ అర్దాని మరణాతె శాంక తిరియోరె మత్తోరు.
 గోని పేతురు ఓనితోంపె మననోరు కూర్కోరె 32
 మత్తోరు ఓరు తెలివి అర్పి, ఓని మహిమ ఓనితోంపె
 నిచ్చి మన్నాని ఆ ఇరువురు మనుషూర్కిని ఊడ్తోరు.

- 33 ఈరు ఓనగ్గటికాశి అంజోరె మన్నాంగ పేతురు అయ్యా!
 మనడ ఇగ్గ మందటము మెంచిది. నీకు ఒర్రోటి మోషేతికి
 ఒర్రోటి వలీయాతికి ఒర్రోటి మూండు సప్పరాకు తొఃతి
 తాము ఇంజి, ఓండు కెత్తదు ఓండే పునవ యేసునితోంబ
 34 కెత్తోండు. ఓండు ఈల తిరియోరె మన్నాంగ ఒర్రో
 మబ్బు వాశి ఓరికి నీడ తుంగై ఓరు ఆ మబ్బింకి అత్తస్కె
 35 వెర్తోరు. అస్కె ఆ మబ్బింకుంచి ఈండు నా పిర్తి మర్తి
 ఈని మాట కేంజాటి ఇన్నాని ఒర్రో లేంగు కేంజ్కత్తె.
 36 ఆ లేంగు అత్తపయ్య యేసు ఒర్రోండే. ఊడక త్తోండు
 ఓరు ఊడై వాటిని ఒర్రోటన్న ఆ రోజ్కని ఓరు బేనోరికి
 కెల్వ కొట్టా మత్తోరు.

దెయ్యం పొయ్ తన పేకాల్ని చాయ తుంగుట

- 37 ఇంకొ ర్రోరోజ్కని నాడి ఓరు ఆ మెట్టాతి కుంచి డిగ్గపయ్య
 38 దీబె మంది ఓనగ్గ వత్తోరు. అస్కె ఇదో, ఆ గుంపీని
 ఒర్రో మనుషూండు గురువీని, నా మర్తిని పొర్రోదయ
 తాస ఇంజి నీనిని బతిమాలోరె మిన్నాన. ఓండు నాకు
 39 ఒర్రోండే మర్తి. ఇదో, ఒర్రో దెయ్యాము ఓనిని
 పేయిదితె, అస్కె ఓండు తడుగున కేయితోండు బుర్జులు
 వాంగనాటు అద్దు పొదోర్ పొదోర్ పతికిస్కోరె సల్సి
 40 కొర్రో వానము తుంగి, ఓనిని విడిసి దయితె. దాని
 గెదుమాటి ఇంజి నీ శిష్యూర్కని మనిమి తుంగ్గాన గోని
 41 ఓరి కైదె నాదిల్లె. యేసు నమ్మకము ఇల్లవ గడ్డు సట్టమా
 నన్న బెచ్చో జేలు మీతోంబ మంజి మీమిని ఓర్పితాన?
 42 నీ మర్తిని ఇగ్గ తర్ర ఇంజి కెత్తోండు. అస్కె ఓండు

వాసోరె మన్నాంగ ఆ దెయ్యము ఓనిని మీఁచి పాదోర్
 పాదోర్ పతికిస్తె, గోని యేసు దెయ్యతీని బెరియ బెరియ
 కెచ్చి, ఆ పేకాని సైకు తుంగి ఓని తప్పేనికి ఇత్తోండు.

యేసు డొల్లదటం గురీసి రెండుదబాకు కెత్తటం

అస్కె అందోరు దేవుని మా జవాలె శాంక ఆ 43
 శరము పర్తోరు.

అస్కె యేసు తుంగవంత ఊడి అందోరు ఆశరము 44
 పరోరె మన్నాంగ ఈండు ఈ మాట కెప్పీని అర్దీ
 మూటి, బారితుకు మనుషూని మర్రి మనుషూర్కీని కైదె
 అర్దీతోండు ఇంజి ఓని శిషూర్కీన్ని కెత్తోండు. గోని ఈ 45
 మాట ఓరు పుందిలై. ఓరు దానిని పున్ను కుంపె గుట్టీని
 మత్తె ఓరు ఆ మాటాని శాంకె ఓనిని తల్పనాంకి వెర్తోరు.

వినయాతె, ప్రేమాతె

అస్కె ఓరవుటె బేనోండు బెరియ ఓండ్లో ఇన్నాని 46
 ఓదింపు ఓరవుటె పేఁతె. అస్కె యేసు ఓరి మతిలై 47
 ఓదింపు పుంజి, ఒర్తొ సేకాని కైదె తేఁచి ఓనగ్గ 48
 నిలిపిస్సి, ఈ పేకాని నా పెద్దేరై బేనోండు తీసితోండ్లో
 ఓండు నానిని తీసి తోండు నానిని బేనోండు తీసితోండ్లో
 ఓండు నానిని రోఁతోనిని తీసితోండు. మీ అందో
 రవుటె బేనోండు నాదాని ఆశి మిన్నోండ్లో ఓండు బెరియ
 ఓండు ఆశి మిన్నోండు ఇంజి ఓరికి కెత్తోండు.

- 49 అస్కె యోహాను అయ్యా ఒరోని నీ పెద్దేరై
 దెయ్యాకీని గెదూమోరై మన్నంగ ఊడ్తామ, గోని
 ఓండు మన పేర్కె వాదిల్లగాడె మమ్మ ఓనిని బెరియ
 50 బెరియ కెత్తామ ఇంజి కెత్తోండు. కెత్తాడె యేసు
 మీరు ఓనిని బెరియ బెరియ కెల్లాటి మనాంకి కోద
 మనవోండు మన జోకాతె మిన్నోండు ఇంజి కెత్తోండు.

యేసు యెరుషలేము ఇన్నాని పట్నాత్తి అడ్డటాన్కి

ఆలోశిస్తోండు, సమరల్కు ఓనిని దగ్గిరి తీసికుంట తుంగటం

- 51 అస్కె ఓండు పరలోకాతికి దాయానె రోజ్కు దగ్గిర
 పరోసైరై మననస్కె, ఓండు యెరుషలేమ్మికి దాయనాంకి
 52 తలపెట్టి మంజి ఓని కన్న మున్నె జోడ రోతోండు. ఓరు
 అంజి ఓని కోసాత్కె తయారు తుంగనాంకి సమరయ్యుల
 53 ఒర్రొనాపె వర్తోరు. గోని ఓండు యెరుషలేమ్మికి
 అంజోరై మిన్నోండు ఇంజి సమరయ్యూరుకు పుంజి ఓనిని
 54 దగ్గిర వాదీదిల్లె. అస్కె ఓని శిషూర్కత్తె యాకోబు
 యోహాను దానిని ఊడి ప్రభువా! వలీయ తుంగ్టాటు
 మమ్మ పొర్రోటికాశి కిన్ను డిప్పిస్సి ఈరిని అవుకనాంకి
 55 నీకు సమ్మాతి మిందా ఇంజికెత్తోరు. గోని ఓండు మల్కి
 ఓరిని బెరియ బెరియ కెచ్చి మీరు బేలాటి మతి ఆశి
 56 మిన్నీరో మీరు పున్నీరి. బాఠిత్కు మనుషుని మర్రి
 మనుషూర్కిని పాణాకిని రక్షిస్సనాంకే గోని అవుకనాంకి
 వాదిల్లె ఇంజి కెత్తోండు అస్కె ఓరు ఇంగొర్రొ నాపె
 అత్తోరు.

శిష్యులు ఆదనోరికి పరిశ్చ

ఓరు అంజోరె మన్నాంగ అర్దె ఒర్రోండు, ప్రభువా! 57
 నిమ్మ బెగ్గ అత్తకన్న నీతోంపె వయితాన ఇంజి ఓనికి
 కెత్తోండు. కెత్కాడె యేసు నక్కాంకి గోతి పొర్రోటి 58
 పిట్టేనికి తుప్పాంగు మిన్నాంగు, గోని మనుషుని మర్త్రీంకి
 తలవంచ నాంకి చోటు ఇల్లె ఇంజి ఓనికి కెత్తోండు.
 అత్తపయ్య ఓండు నాతోంపె వర్ర ఇంజి ఇంకొర్రోనికి 59
 కెత్తోండు. ఓండు ప్రభువా నన్న అంజి మున్నె నాతప్పేని
 కాఃచి మిస్సనాంకి దా ఈము ఇంజి కెత్తోండు. కెత్కాడె 60
 యేసు డొల్తోరు ఓరి డొల్తోరిని కాఃచి మిస్సీము నిమ్మ
 అంజి దేవుని రాజ్యాతీని ఆట ఇంజి ఓనికి కెత్తోండు.
 ఇంగొర్రోండు, ప్రభువా! నీ పెర్కె వయితాన గోని మున్నె 61
 నాలోఃత్తె మననోరగ్గ కెచ్చి వాదనాంకి దా ఈము ఇంజి
 కెత్తస్కె. యేసు నాంగెల్తె పొర్రో ఓనికెయ్యు వాటి 62
 పెర్కేటికి ఊడనోండు బేనోండ్రో దేవుని రాజ్యాతికి
 హార్దుండు అయ్యోండు ఇంజి ఓనికి కెత్తోండు.

డెబ్బెమంది శిష్యుల్కు పనివారు గిర్వుడ్డి వాదటం

10 ఇవు అత్తపయ్య ప్రభువు డెబ్బె మంతీని ఈరోరిని
 నిలిపి ఓండు దాయాని ఒర్రోనా నాటేనికి ఒర్రోనా
 బాగాతికి ఓనికన్న మున్నె ఇరువురు ఇరివిరీని ఓరిని
 రోఃతోండు. అస్కె ఓండు ఓరికి బాత కెత్తోండిత్కు 2
 కొయిదనదుదీబె, గోని కొయిదనోరు ఉచ్చుటు మంది
 మిన్నోరు. మనగాడె కోత దక్షకుని ఓని కోతకు కొయిద

- 3 నోరిని రోఃము ఇంజి పార్థన తుంగాటి. అన్నుటి, ఇదో
 నన్న తోడేల్కొని సందీతికి గొర్రెపిల్లని సన్నము మీమిని
- 4 రోఃచోరె మిన్నాన. మీరు సంచి అన్న, జోలి అన్న,
 5 ఎర్పు కన్న పెయిసి అన్నమాటి. అర్దె బేనోని తోంపె
 ముచ్చటి తిరియమాటి మీరు బేలోనన్న ఏరనస్కె ఈ
- 6 లోఃత్తికి కుశేలి మన్ని ఇంజి మున్నె కెల్లాటి. కుశేల్తె
 మర్రి అగ్గ మత్కు మీ కుశేలి దాని పొర్రొ నిచ్చిమంతె,
 7 ఇల్లూకు అదు మీకు మల్కి వయితె. ఓరికి మన్నాని
 దోడ జావ ఉణుజోరె ఆ లోఃత్తేనే మందాటి. పని
 వాండు ఓని జీతాతికి హక్కు దారి ఆశి మిన్నోండు లోను
- 8 విడిసి ఇంకొర్రొ లోఃత్తికి అన్న మాటి. మీరు బేని
 నారన్న యేరనస్కె ఓరు మీమిని దగ్గిర తీస్తుకు ఓరు
- 9 మీరు వాటతవు తిన్నూటు. అగ్గ మన్నాని రోగకినోరిని
 సైకు తుంగాటి, దేవుని రాజ్యము మీకు దగ్గిర వర్తె ఇంజి
- 10 ఓరికి కెల్లాటి. గోని మీరు బేని పటణమన్న యేరనస్కె
 11 ఓరు మీమిని దగ్గిర తీసుకుపోతె. మీరు దాని బజ్జారు
 అంజి, మా కాలీని అంటితె మీ నాటేని దుబ్బతీని మీకు
 కోదాతె ఉమ్మారె మిన్నామ, అత్తకన్న దీనిని పున్నూటు
- 12 దేవుని రాజ్యముమీకు దగ్గిర వత్తె ఇంజి కెల్లాటి. ఆ
 నాటేని కన్న సాదొమ కర్తము ఆ రోజీని ఉచ్చుటు ఆశి
 మంతె ఇంజి మీకు కెచ్చోరె మిన్నాన.
- 13 అయ్యో కొరాజీనా! అయ్యో బేత్సయిదా! మీ అగ్గ
 నన్న తుంగై బెరియ కార్యాకు తూరు సీదోంతె తుంగి
 మత్కు అవు మున్నె గొనె పట్ట వాటి బూడి దెతె కుద్ది
- 14 మతి ఊచి మంతాంగు. గోని న్యాయ తీర్చినస్కె మీకన్న

తూరు నీదోని కర్తము ఉచ్చుటు ఆశి మంతె. ఓ 15
 కపెర్నహూమా, మబ్బినగ్గటికి తేది మన్నాని నిమ్మగిన్న
 నరకాతికి డిగ్గి దయితిని. బేనోండు మీ మాట కేంజి 16
 తోండ్లో ఓండు నా మాట కేంజితోండు. బేనోండు
 మీమిని కినాస తుంగితోండ్లో ఓండు నానిని కినాస తుంగి
 తోండు నానిని బేనోండు కినాస తుంగితోండ్లో నానిని
 రోఃతోనిని కినాస తుంగితోండు.

అత్తపయ్య ఆ డబ్బె మంది కుశేల్తె మల్లి వాసి 17
 ప్రభువా దెయ్యాకు నీ పెద్దేట శాంక, మాకు వెర్ది
 మిన్నాంగు ఇంజి కెత్తోరు. కెత్కాడె ఓండు సైతాను 18
 మెరిపినాల పొర్రోటి కుంచి అర్దనదు ఊడ్తాన. ఇదో, 19
 పామీకాని, మిచ్చాని ఒగ్గనాంకి, కోదతోని వడిదె పొర్రా
 మీకు అధికారము ఈ సోరె మిన్నాన. బేదు మీకు
 బాత తిప్పతుంగొ. అత్తకన్న దెయ్యాకు మీకు లొంగి 20
 మిన్నాంగు ఇంజి కుశేలి పర్కాటి. మీ పెద్దెఃకు
 పరలోకాతె రాసి మిన్నాంగు ఇంజి కుశేలి పరుమూటు
 ఇంజి ఓరికి కెత్తోండు.

యేసును గురీసి పార్థ

అస్కేనే యేసు మతిల్తె కుశేలి పర్కెత్తదు బాతిత్కు 21
 పరలోకాతికి నేల్లికి ప్రభు అత్తె తప్పేనీ, నిమ్మ ఇగితి
 మంతూర్కీని బుద్ధిమంతూర్కీని ఇవు గుట్టేని వాటి, పేకోరికి
 బైదె వాట్టేని ఇంజి కుశేలి పర్కోరె మిన్నాన. ఆలానే
 తప్పేనీ ఈలానే నీకు సమ్మాతి ఆశి మత్తె. అస్కా ఓండు 22

- ఓని శిష్యునినాకె ఉడ్డి నా తప్పె నాకైదె అంత ఈసి
 మిన్నోండు మర్రి బేనోండ్లో తప్పె గోని ఇంగ బేనోండు
 పున్నోండు. తప్పె బేనోండ్లో మర్రిగోని మర్రి బేనోండ్లోకి
 ఓనిని బైదె వాటనాంకి మతి మిందో గోని ఇంగ బేనోండు.
 23 పున్నోండు ఇంజి కెత్తోండు. అస్కె ఓండు ఓని
 శిష్యునినాకె ఉడ్డి, మీరు ఊడనవు ఊడాని కండ్లు
 24 కు శేల్తవు. బారెతుకు దీబె ప్రవక్తాకు రాజూర్కు మీరు
 ఊడనవు ఊడవాలె ఇంజి ఊడవ, మీరు కేంజనవు
 కేంజవాలె ఇంజి కేంజవ మత్తోరు ఇంజి మీరు కెచ్చోరె
 మిన్నాన ఇంజి ఓరికి అయికుకనె కెత్తోండు.

నిత్యజీవాత్మి దగ్గిటో ఆదటం పుబేలాకు

- 25 అస్కె ఇదో ఒర్రొ శాస్త్రి నిచ్చి గురువీనీ, నాకు
 బెప్పోటికి మన్నాని జీవము వాదనాంకి నన్న బాత తుంగ
 26 వాలె ఇంజి ఓనిని శోధిసి తల్పోండు. తల్పకాడె ఓండు
 దేవుని గ్రంథాతె బాత రాసి మిందె, నిమ్మ బేల చదువోరె
 27 మిన్నీని ఇంజి ఓనికి కెత్తోండు. కెత్కాడె ఓండు, నిమ్మ
 నీ నిండు మతీతె, నీ నిండు జీవూట, నీ నిండు వడిదె, నీ
 నిండు బుద్ధితె నీ దేవుడతె ప్రభుని పొర్రొ ప్పిరి తాసవాలె,
 నీ ఆల నీ బైదోని పొర్రొ ప్పిరి తాస వాలె ఇంజి రాసి
 28 మిందె ఇంజి మల్పి కెత్తోండు. కెత్కాడె ఓండు, నిమ్మ
 బాగా కెత్తీని, ఈల తుంగ, అస్కె బతికితీని ఇంజి ఓనికి
 29 కెత్తోండు. గోని ఓండు ఓనిని మెంచి వాండుగా తోపవాలె
 ఇంజి ఆశిసి, ఆలే గోని, నా బైదోండు బేనోండు ఇంజి
 యేసుని తల్పోండు.

మేల్ల సమరయ్యుడు

తల్పుకాడె యేసు ఈల ఇంత్రోండు, ఒర్రొ మను 30
 ఘాండు యెరూషలేమ్మి కుంచి యెరికో నాటేంకి అంజోరె
 దొంగాకీని కైదె అర్రోండు, అస్కె ఓరు ఓనిని దోసి
 గాయాకు తుంగి, కొర్రవానము తుంగి, విడిసి అత్తోరు.
 అసేనే ఒర్రొ పూజారి ఆ అర్రి అంజో ఓనిని ఊడి 31
 ఒర్రొ పక్కాతికి ఒస్సిలితి అత్తోండు. ఆలానే ఒర్రొ 32
 లేవీయుడు ఆ జాగాతె యేరి ఊడి, ఒర్రొ పక్కాతికి
 ఒస్సిలి అత్తోండు. గోని ఒర్రొ సమరయ్యుడు పైనము 33
 అంజోరె ఓండు మన్నాని జాగాతికి వాశి. ఓనిని ఊడి, 34
 సూకు రాసి దగ్గిర అంజి నీయు ద్రాక్షారసము తొస్సి
 ఓని గాయాకీని తోఃచి ఓని గాడిదేతె పొర్రొ తర్పిస్సి,
 ఒర్రిని లోను తీసి ఓసి ఓనిని పరమెర్క తుంగ్రోండు.
 మరునాండు రోజు ఓండు దాయనస్కె రెండు అణా తీసి ఆ 35
 లోఃత్తోరికి ఈసి ఈనిని పరమెర్క తుంగ, ఇంగ నిమ్మ
 బాతన్న కర్చు తుంగ్తుక నన్ని మల్పి వాద నస్కె నీకు
 ఈతాన ఇంజి ఓనిని కెత్తోండు. సరె, దొంగాకీని కైదె 36
 అర్రోనికి ఈ మువ్వీరి అవుటె బేనోండు బైదోండు ఇంజి
 ఓదిస్తీని? ఆ శాస్త్రి, ఓని పొర్రొ సూకురు తాసనోండే 37
 ఇంజి కెత్తోండు. అస్కె యేసు, నిమ్మ అంజి ఆలానే తుంగ
 ఇంజి ఓనికి కెత్తోండు.

మార్త, మరియుకు

ఓరు అంజోరె మన్నాంగ ఓండు ఒర్రొనాటె యేర్రోండు, 38
 అసెక మార్తా ఇన్నాని పెద్దేరై ఒర్రొ నాట్వాడి ఓనిని

దాని లోను తీసి ఒత్తె. దానికి మరియు ఇన్నాని ఒర్రొ
 39 యేలాడి మత్తె. ఇద్దు యేసుని కాల్కినగ్గ కుద్ది ఓనిమాట
 40 కేంజోర మత్తె. గోని మార్త లావు పన్నె శాంక ఆతరము
 పర్చి, ఓనగ్గ వాశి, ప్రభువా! ఒర్రొదాని పని తుంగనాంకి
 నా యేలాడి నానిని విడిస్తకాడె నీకు సూకురు ఇల్లెయా
 అద్దు నాకు ఆశర తుంగనాంకి దానితోంటె కెల్ల ఇంజి
 41 కెత్తె. గోని యేసు, మార్త మార్త నిమ్మ దీబె వాటి
 శాంక చింత పరోసరె, ఆతరము పరోసరె మన్నీని, గోని
 42 ఒరోటె అక్కేరి మిందె. మరియు ఆ మేల్ల పాలు తీస్తె
 అద్దు దానగ్గటి కాశి తీసి వాటి మన్నో ఇంజి దానికి మల్చి
 కెత్తోండు.

యేసు ఒర్రొజాగాతె పార్దన తుంగటం

11 యేసు ఒర్రొజాగాతె పార్దన తుంగోరె మత్తెసెగ్గా,
 ఓండు చాల్లిస్త పయ ఓని శిషూర్కినవుటె ఒర్రోండు,
 ప్రభువా! యోహాను ఓని శిషూర్కిన్ని కెత్తాటు
 మాకు గిన్న పార్దన తుంగనదు కెల్ల ఇంజి ఓనికి కెత్తోండు.
 2 కెత్కాడె ఓండు ఓరికి బాత ఇంతోండితుగ్గా, మీరు
 పార్దన తుంగనసెగ్గా ఈల కెల్లాటి, పరలోకాతె మన్నాని ఓ
 మా తప్పే, నీ పెద్దేరి పరిశుద్ధము తుంగ మన్ని, నీ రాజ్యము
 వర్తి, పరలోకాతె బేలానో ఆలానే నేల్లె నీ సమ్మాతి
 3 తుంగ మన్ని. మా రోజు దోడ ఈము. మా పాపోకు
 4 మన్నిస్స, బారిత్కు మమ్మ గిన్న మాకు అచ్చి మననోరిని
 మన్నిస్సరె మిన్నామ, మామిని శోధాతె తార్త మేల్వ
 గ్గటికాశి మామిని తప్పిస్స.

తీరిక యిల్లు కుండపార్తన తుంగటం, మువ్వెవత్తన

జతగాండిని గురీస్సె కెత్తటం

అదయివ ఓండు ఓరికి ఈల కెత్తోండు, మీ అవుటె 5
 బేనోని కన్న ఒర్రా జోకతోండు మన్నాంగ, ఓండు నడి
 నర్క ఓనగ్గ అంజి జోకతోనీ, నాకు మూండు అరీంగు
 బదులు ఈము. బారిత్తు నా జోకతోండు పైనము ఆళి 6
 అంజోరె నా అగ్గ వాళి మిన్నోండు ఓనికి వాటనాంకి నా
 అగ్గ బాత ఇల్లె ఇంజి ఓనికి కెత్తాడె. ఓండు లాపాటి 7
 కుంచి నానిని తిప్ప తుంగ్గ తలుపు వాటి మిందె, నా
 పిల్లాంగు నా అగ్గ పట్టి మిన్నోరు. నన్న తేది ఈదాలోన
 ఇంజి కెయితోండా? ఓండు ఓని జోకతోండు అత్త కన్న 8
 ఓండు తేది ఈవోండు, గోని ఓండు గడగడికె తల్పకాడె
 ఓండు సిగ్గు పర్చి, తేది, ఓండు తల్పవంత ఈతోండు ఇంజి
 మీకు కెచ్చోరె మిన్నాన. ఆలానే మీరు తల్పాటి, 9
 మీకు ఈద బర్తె, మెకాటి మీకు దొరికీతె తలుపు
 వేసాటి మీకి తీసిమంతె. బారిత్తు తల్పాని ఒర్రారోండు 10
 ఏంతితోండు మెక నోనికి దొరికీతె, వేసనోనికి తీసి
 మంతె. మీ అవుటె బేనోని మర్రి అన్న ఓని తప్పేని 11
 ఆరి తల్పకు ఓనికి కల్లు ఈతోండా కీకె తల్పకు కీకేతికి
 బదులు పాము ఈతోండా? గర్బోము తల్పకు మిచ్చో 12
 ఈతోండా? అలానే మేల్వోరి మీకు మీ పిల్లాంకి 13
 మేల్పవాటిని ఈదనాంకి బుద్ధి కొల్పకు పరలోకాతె
 మన్నాని మీ తప్పె ఓనిని తల్పనోరికి పరిశుద్ధాత్త బెచ్చో
 దీబన్న ఈతోండు.

దెయ్యాన్నివలన పనులుకొతుంగటం తప్పీన్ని యేసు కెత్తటం

- 14 ఆ పయ్య ఓండు మూకొ దెయ్యతీని విడిపిస్సారె
 15 మత్తోండు. అస్కె పజ్జ అంత ఆశరము పర్తారు. అత్కు
 ఓరవుటె సగతోరు ఈండు దెయ్యాకీని పెద్ద అత్తె
 బయెల్జెబూబ కైదె దెయ్యాకీని విడిపిస్సారె మిన్నోండు
 16 ఇంజి కెత్తోరు. ఇంగ సగతోరు ఓనిని శోధిస్సారె
 పొర్రోటి కుంచి ఒర్రో ఆనువాలు ఈము ఇంజి ఓనిని
 17 తల్పోరు. తల్పుకాడె ఓండు ఓరి ఓదింపు పుంజి ఓరికి
 ఈల ఇంతోండు. దానికి అద్దే కోదమంజి వేరె అర్తె
 రాజ్యము పాడు అయితె, లోఁత్తికి కోదమత్తె లోను నేలి
 18 అర్దీతె. సైతాను ఇత్కన దానికి కోద తుంగ్తుకు దాని
 రాజ్యము బేల నిత్తీతె? బారిత్కు నన్న బయెల్జెబూబీని
 కైదె దెయ్యాకీని గెదమోరె మిన్నాన ఇంజి మీరు
 19 కెచ్చోరె మిన్నీరి. ఇదయివ నన్న బయెల్జెబూబీని కైదె
 దెయ్యాకీని కెదుమ్ము మీ మరుక బేనోని కైదె వాటిని
 గెదమోరె మిన్నోరు ఆల అత్కాడె ఓరు మీకు తీర్పు
 20 తుంగి తోరు. గోని నన్న దేవుని వణిజీనికైదె దెయ్యాకీని
 గెదుమ్ము దేవుని రాజ్యము మీ అగ్గ యేరిమిందె.
 21 ఇస్త్రే వాత్తె వడి ఓండు ఓని లోను కావెలి మననస్కె ఓని
 22 ఆదా చక్కాంగ మంతె. గోని ఓని కన్న వడి ఓండు
 ఓని పొర్రోటికి వాళి ఓనిని గెల్పనస్కె ఓండు నమ్మె ఇస్త్రే
 23 అంత తీసి ఓసి ఓని ఆదాతీని సర్దితోండు. నా ఆకె ఇల్లు
 వోండు నాకు కోద ఆళి మిన్నోండు, నా తోంఁటె కూడు
 వోండు లీక్తోండు.

సరిగ మందిల్లుకుండమత్తు వాదన బాద

దెయ్యము ఒర్రొ మనుషూని విడిసి అత్త పయ్య, అద్దు 24
 వరు ఇల్లున జాగాతె ఉడ్డోరె రోమనాంకి మేఃకోరె
 మిందె. అద్దు దొర్కిల్లగాడె ఆ దెయ్యము నన్న విడిసి 25
 వత్తె లోఃత్తికి మల్చి దయితాన ఇంజి వాశి, ఆ లోను
 ఎయ్యి మంజి చక్కాంగ మననదు ఊడీతె. అస్కె అద్దు 26
 అంజి దాని కన్న యేడు దెయ్యాకీని ఏర్పీతె అవు ఏరి,
 అగ్గనే నిచ్చి మత్తాంగు, అస్కె ఆ మనుషూని పెర్కెటి
 గతి మున్నెటి దాని కన్న మేలొ ఇంజి కెత్తోండు.

ఓండు ఈ జోలి వెఃచ్చోరె మన్నాంగ, ఆ పజ్జాతె 27
 మన్నాని ఒర్రొ నాట్వాడి కెయ్యి, నిమ్మ పుట్టె కొక్క
 నిమ్మ ఉట్టె బొమ్మా మేల్తవు ఇంజి ఓనికి కెత్తె, కెత్కాడె 28
 ఓండు మారె, గోని దేవుని మాట కేంజి దాని తుంగనోరు
 మా మేల్తోరు ఇంజి కెత్తోండు.

నేల్లపని తల్పుతన్ త్తోండు

అద్దత్త పయ్య పజ్జ ఇర్దేల్లి కూడతస్కె ఓండు ఈల 29
 కెత్తనాంకి మొదలిస్తోత్తోండు. ఈ తరము మేలొ, అద్దు
 ఆనవాలు తల్పోరె మిందె, గోని వ్రవక్త ఇన్నాని యోనా
 ఆనవాలే గోని ఇంగొర్రొ ఆనవాలు దానికి ఈసి మన్నొ
 యోనా నినవి పట్టణతోరికి బేలానే, ఆలే మనుషూని. 30
 మర్రి ఈ తరాతికి ఆనవాలు ఆశి మఁతోండు. దక్షిణ 31
 దేశేలి పోయిటాడి న్యాయ తీర్చినస్కె ఈ తర తోరి
 తోంబు తేదినిచ్చి ఓరి పొర్రొ నేరము వాటితె, అద్దు

సాలొమోను బుద్ధి కేంజనాంకి సాన దూరాతెకాశి వత్తె.
 32 ని నెవె మనుషూక్కు, న్యాయ తీర్చినసెక ఈ తర
 తోరితోంబు తేది నిచ్చి ఓరి పొర్రా నేరము వాటితోరు.
 ఓరు యోనా ఆటనదు కేంజి మతి ఊతోరు, గోని, ఇదో,
 యోనాతికన్న గొప్ప ఓండు ఇగ్గే మిన్నోండు.

దీవెను గురీసి కెత్తట

33 బేనోండు దీవె నీర్చి చాటి నన్న కుండాతె ఇడు పన్న
 తాసోండు, గోని లోపా వాదనోరికి వెన్నేలి తోపనాంకి
 34 దీవె నుడిదె పొర్రా దానిని వాటితోండు. నీ కండు
 ఒల్లితికి దీవె ఆశి మిందె, నీ కండ్కు సైకు మత్కు నీ ఒల్లు
 35 అంత వెన్నేలి ఆశి మంతె. నీ అవుటె మన్నాని వెన్నేలి
 36 ఈకాడె అయివ మననదు ఊడ. బేరోకన్న ఈకాడె
 ఆశి మనవ నీ ఒల్లు అంత వెన్నేలి ఆశి మందనత్కు దీవె
 దాని వెన్నేలై నీకు వెన్నేలి ఈ దనస్కె బేలానో,
 ఆలాసే అంత వెన్నేలి ఆశి మంతె ఇంజి కెత్తోండు.

పరిశయారుకుని శాస్తూర్కిని, తన్నోండు

37 ఓండు తిరియనస్కె ఒర్రా పరిసయ్యుడు ఓనితోంబు
 దోడ తిందవాలె ఇంజి ఓనిని తల్పోండు. అస్కె ఓండు
 38 లోప అంజి బంతీతె కుద్దోండు. అత్కాడె పరిసయ్యుడు
 దానిని ఊడి ఓండు తినువాకె మున్నె వరు పూందిల్లె
 ఇంజి ఆశరము పర్తోండు. అస్కె ప్రభువు ఓనికి బేట
 39 ఇంత్తోండిత్కు, ఇంజె పరిసయ్యూర్కు మీరు గిన్నె పల్లెం,
 బైదె నోరోకె మిన్నీరి గోని మీ లోపా దోపీని

కుట్రాతె నిండి మిందె. ఓ బుద్ధి ఇల్లువోకి బైదె దాని 40
 తుంగనోండు లోపాటి దాని గిన్న తుంగిల్లోండా?
 లోపా మన్నాని వాటిని చక్కాంగ తుంగాటి అస్కె 41
 మీకు మననవు అంత చక్కాంగ మంతాంగు.

అయ్యో పరిసయ్యూర్కినీరి మీరు పుదీనా నదాప 42
 కునీరి అంత పది పాలికినవుట ఒర్రొ పాలు ఈసోరె
 మిన్నీరి. గోని న్యాయతీని దేవుని ప్తిరీని తురోసోరె
 మిన్నీరి వాటిని విడిసువ వీటిని తుంగవాలె. అయ్యో 43
 పరిసయ్యూర్కినీరి మీరు గుడింగీనవుట గొప్ప ఓరు
 కుద్దాని బల్లానె అంగాడితె దండాకు మేఃకోరె మిన్నీరి.
 అయ్యో వేళేతె శాస్త్రూర్కినీరి పరిసయ్యూర్కినీరి! మీరు 44
 తోపప వీస్కీనె సన్నము మిన్నీరి, మనుషూర్కు వాటి
 పొర్రొ నడుసోరె వాటిని పున్నోరు.

అస్కె న్యాయ శాస్త్రూర్కినవుట ఒర్రోండు గురువా 45
 వీటిని కెచ్చి మామిని గిన్న చిన్నరకము తుంగోరె
 మిన్నీని ఇంజి మల్చి కెత్తోండు. కెత్కాడె ఓండు
 అయ్యో న్యాయ శాస్త్రూర్కినీరి కేంజనాంకి లావు బరు 46
 వీని మీరు మనుషూర్కిని పొర్రొ వాటోరె మిన్నీరి.
 మీరు మీ వణుజ్కీని ఒర్రొ వణు జన్న ఆ బరువీని కేటిరి.
 అయ్యో మీరు ప్రవక్తాని వీస్కీని పొర్రొ కమలుకు 47
 తోచ్చోరె మిన్నీరి. గోని మీ దాదోరు ఓరిని
 అవుక్తోరు. దీనికి మీరే సాక్షి ఈసి, మీ దాదోరి 48
 కార్యకీంకి మీరు సమ్మాతి ఆసోరె మిన్నీరి. బారితుకు
 ఓరు ఓరిని అవుక్తోరు. మీరు ఓరు వీస్కీని పొర్రొ

- 49 కమలలు తొచ్చోరె మిన్నీరి. అత్కాడ దేవుని
జ్ఞానము ఈల కెత్తె, నన్న ఓరగ్గ ప్రవక్తాని అపోస్తుర్కీని
- 50 రోఃతితాన. అత్కాడ లోకము పుట్టగ్గటికాశి ఆబేల్ల
51 నెత్తురు మొదలు పేయిసి. బలివీటాతికి దేవాలయాతికి
నడువు డొల్తె జకరీయ నెత్తురు తగ్గటికి చిందై ప్రవక్తాని
అందోరి నెత్తురు ఈ తరతోరగ్గ తల్పకయితె ఓరు ఈరిని
సగతోరిని అవుకి తోరు సగతోరిని గెదిమితోరు. నిజము
అద్దు ఈ తరతో రగ్గ తల్పకయితె ఇంజి మీకు కెచ్చోరె
- 52 మిన్నాన. అయ్యో న్యాయ శాస్త్రూర్కీనీరీ మీరు
జ్ఞానము ఇన్నాని తాలము కెవ్వీన తీసి ఒత్తీరి మీరు
లోపాటికి నీంగీరి నీంగనోరికి అడ్డము అత్తీరి ఇంజి కెత్తోండు.
- 53 ఓండు ఓరికి ఈ మాట కెచ్చోరె మన్నాంగ శాస్త్రూర్కు
పరిసయ్యూర్కు ఓని పొర్రొ నెర్రి కోద తాస్తోరు.
- 54 ఓని పొర్రొ నేరము వాటవాలె ఇంజి, ఓని పవుటె వత్తదు
బేదన్న పేయిదనాంకి ఓని కోసాత్కి అణికి మెఃకోరె
దీబే కొట్టీని శాంక ఓనిని తిరియిస్తోరె మత్తోరు.

కుట్రతుంగ నోర్ని గురీసి పరిశయూర్కీని తల్పటం

- 12** అస్కె పజ్జ ఒర్తీని ఒర్తోండు ఒగ్గాని పాలము దీబె
వేల మంది కూడతస్కె ఓండు ఓని శిష్యూర్కీనిగ
ఈల కెత్తోండు. పరిసయ్యూర్కీని కుట్ర ఇన్నాని పులిస్తె
పిండిబె శాంక ఊడి మందాటి. బైబె వర్రవ మక్కి
- 2 మననదు బేదు ఇల్లె. తెలియ మన్వ మక్కినదు బేదు
- 3 ఇల్లె. అత్కాడ మీరు ఈకాటె బేవు తిరియితోరో

అవు వెన్నేల్తె కేంజకయితె మీరు అర్రాని కెవై కెత్తదు
వెనుకొప్పీని పొర్రొ ఆటి బర్దీతె.

యేసు ఓరి శిషూర్కిని దడసమాటి ఇంజోరి కెత్తటం

నా జోకగాఃకినీరి మీకు నన్న కెత్తదు కేంజాటి ఒల్దీని 4
అవుక్త పయ్య ఇంగ బాత తుంగాలువోరికి వెర్కాటి.
మీరు బేనోనికి వెర్దవాలో ఓనిని మీకు తోఃతితాన. 5
అవుక్త పయ్య కిస్సు గుండాతె తుర్సాని వడి ఓనికి వెర్కాటి
నిజము ఓనికి వెర్కాటి ఇంజి మీకు కెచ్చోరె మిన్నాన.
అయిదు పిస్కేని యేగాటికి అమ్మితోరు అత్తకన్న వాటవుటె 6
ఒర్రొటన్న దేవుని మున్నె మరింగి మన్నొ. మీ 7
తలకెల్కు అంత లెక్కవాటి మిన్నాంగు వెర్కాటి మీరు
దీబె పిస్కేని కన్న వెలతోరు. అదయివ నన్న మీకు 8
కెత్తనదు బాతిత్కు నానిని మనుషూర్కిని మున్నె ఒప్పు
తోండు బేనోండ్లో ఓనిని మనుషుని మర్రి దేవుని
దూతాని మున్నె ఒప్పితోండు. మనుషూర్కిని మున్నె 9
నానిని పున్నొన ఇంజి కెత్త నోనిని నన్న గిన్న పున్నొన
ఇంజి దేవుని దూతాని మున్నె కెయితాన. మనుషుని 10
మర్రినికి కోదాతె ఒర్రొ మాట కెత్త నోండు మన్నిస్స
బర్దితోండు గోని పరిశుద్ధాత్తతీని దీవిస్స నోండు మన్నిస్స
బరువొ. ఓరు గుడింగికి గొప్ప ఓరగ్గ మీమిని తీసి 11
ఓదనసెక మీరు బేలాన బాత మల్పి కెయితామ ఇంజి
బాత తిరియితామ ఇంజి ఓదిస్సుమాటి. మీరు బాత 12
కెత్త వాలో అద్దు అస్కేనే పరిశుద్ధాత్త మీకు బోధ
కెయితోండు.

డబ్బు ఆశ వెర్రివాడతై సంసారివాండు

- 13 అస్కె ఆ పజ్జ నవుటె ఒర్రొ మనుషూండు గురువా!
తప్పేని ఆదాతె నాకు పాలు తూసి ఈదనాంకి నా
- 14 తమ్మాంకి కెల్ల ఇంజి ఓనికి కెత్తోండు. కెత్కాడె యేసు
మనుషూనీ నీ పొర్రొ న్యాయము తుంగనాంకి తూసి
ఈదనాంకి నానిని బేనోండు నిలిప్తోండు ఇంజి ఓనికి
కెత్తోండు. అదయివ ఓండు మీరు బేదన్న డబ్బా
- 15 శిస్సువ మందాటి ఒర్రొనికి డబ్బు ఎచ్చతకాడె ఓని
- 16 జీవము దానవుటె మన్నా ఇంజి ఓనికి - కెత్తోండు.
అస్కె ఓండు ఓరికి ఈ గొట్టి కెత్తోండు ఒర్రొ సంసారీని
- 17 చేనుకు బాగా పండ్తాంగు. అస్కె ఓండు నా పంటతీని
గూము తుంగనాంకి చోటు ఆలా. నన్న బేల తుంగ
వాలె ఇంజి ఓనికి ఓండు ఓవిస్సి మంజి, నన్న ఈల తుంగి
- 18 తాన. నా గర్చే లేచి వాటికన్న బెరియ వాటిని
తొఱిస్సి అగ్గ నా పంట అంత నా ఆదాతీని తొస్సితాన.
- 19 అస్కె నన్న నా జీవుటీ, సాన వండ్కింకి దీబె ఆదా
నీశాంక తొస్సి మిన్నాన, నిమ్మ నుక్కాంగ మంద, తిను
ఉణ్ణు, కుకేలి పర్దు ఇంజి నా జీవుటికి కెయితాన ఇంజి
- 20 ఓదిస్తాండు. గోని దేవుండు బెయ్యోనీ ఈ నర్క
నీ జీవుటీని తల్పోలె మిన్నోరు నిమ్మ తయారు తుంగవు
- 21 బేనోనికి మంతాంగు ఇంజి ఓనికి కెత్తోండు. దేవుని
మున్నె సంసారి అయివ ఓని శాంక కూడవ నోండు ఆల్లె
మంతోండు.

విచారీచటం గురీసి తల్యటం

ఆ పయ్య ఓండు శిషూర్కీంకి ఈల ఇంత్రోండు. 22
 మీరు బాత తిత్తామ ఇంజి మీ పాణాతె కోసాత్కన్న
 ఇల్లూకు బాత ముచ్చితామ ఇంజి మీ ఒల్లె కోసాత్కన్న
 మీరు విశరము పర్చాటి. దోడాతికన్న పాణము గుడ్డాని 23
 కన్న ఒల్లు బెరియ ఆశి మిన్నా? కాకాకీని ఊడాటి, 24
 అవు వీతోంగు కొయోంగు, వాటికి గర్భే గుమ్మి ఇల్లాంగు
 గోని దేవుండు వాటిని పోర్పోరె మిన్నోండు. మీరు,
 పిట్టనికన్న బెచ్చో విల్వతోరు ఆశి మిన్నీరి. మీ 25
 అవుటె బేనోండు ఓదిస్సి ఓని ఎత్తు ఒర్మొ మూరెడు
 ఎచ్చు తుంగాలీతోండా? ఆల అత్కు బేవు వుచ్చుటవో 26
 అవు మీకైడె అయ్యూకు బెరియ వాటి కోసాత్కి
 మీరు బారి ఆల్పితిరి. పుంగాకు బేల పెర్పోరె 27
 మిన్నాంగు వాటిని ఊడాటి అవు తిప్ప అర్మవో అవు
 ఒడుకొ అత్తకన్న సొలొమోను వెంకె ఓని వైబోగాతె
 వీటవుటె ఒర్మొ దాని పాలము సింగరిస్సి ఇల్లె ఇంజి
 మీకు కెచ్చోరె మిన్నాన. ఆల అత్కాడె నేండు 28
 అడివితె మంజి, నాడి ఒదేల్తె వాటాని అడివి గడ్డితికి
 దేవుండు ఈల సింగారము తుంగ్తుకు, ఓ అల్ప నమ్మక
 తోరీ, మీకు బెచ్చో దీబె వాటితోండు. మీరు బాత 29
 తింతామ బాత ఉంటామ ఇంజి, వాటిని మెఃక్కాటి,
 పేర్కె మున్నె ఊడ్డాటి. ఈ లోకతోరు వీటినంత 30
 మెఃకోరె మిన్నోరు గోని ఇవు మీకు కావలె ఇంజి
 మీతప్పె వుంతోండు. గోని మీరు మున్నె దేవుని 31

- రాజ్యము మోకుతుకు వీటినంత వెండె మీకు ఈతోండు.
 32 చిన్న మందతీ వెర్కాటి మీకు రాజ్యము ఈదనాంకి మీ
 తప్పేనికి సమ్మాతి మిందె. మీకు మన్నాని వాటిని అమ్మి,
 33 ఊకె ఈమూటి, మీకు పాత అయివ సంచీంగు,
 పరలోకాతె కర్చు అయివో దనతీని గూము తుంగాటి,
 34 అగ్గ దొంగ దాయాలోండు, జుల్లె కోర్కొ. బారిత్తు
 మీ ఆద బెగ్గ మిందొ అగ్గే మీ మతి మంతె.

తెలివిగ నమకం మందలోతె పెద్ద

- 35 మీ నడుము తోఁచి మందాటి, మీ దీవె నిర్చి
 36 మందాటి. మీకు ఓరి ప్రభువు పెల్దె కుంచి వాశి
 వేస్తకాడ ఓనికి తలుపు తీసనాంకి, ఓండు బెప్పోడు
 వైతోండ్లో ఇంజి ఓని కోసాత్కి ఎదురు ఊడాని మను
 37 షూక్కింతీరు మందాటి. ప్రభువువాశి బేనోరిని తెల్విదె
 మననోరిని ఊడి తోండ్లో ఆ నవుకార్కు కుశేలితోరు.
 ఓండు నడుము తోఁచి ఓరిని బంతీతె కుపిస్సి, ఓండు వాశి
 ఓరికి చాకిరితుంగి తోండు. ఇంజి మీకు నిజము కెచ్చోరె
 38 మిన్నాన. ఓండు రెండు జామ్మాని వత్తకన్న మూండు
 జామ్మాని వత్తకన్న ఈల మననదు ఊడ్తుకు ఆ నవు
 39 కార్కు కుశేలి తోరు ఆశి మంతోరు. గోని మీరు
 దీని పుంజి మందాటి దొంగ బేని జాలీని వయితోండ్లో
 అద్దు లోఁత్తోండుపుంజి మత్తు ఓండు తెలివి మంజి
 40 ఓని లోఁత్తికి కన్నము వాటివోండు. ఆలానే మీరు
 వెండె తయారు పర్చి మందాటి మీరు పునవ జామ్మా
 నస్కె మనుషుని మర్చి వయి తోండు ఇంజి కెత్తోండు.

అస్కే పేతురు ఈ గొట్టి మాకే కెచ్చోరె మిన్నీనా? 41
 ఇల్లూకు అందోరికి కెచ్చోరె మిన్నీనా? ఇంజి ఓనిని
 తల్పోండు. తల్పుకాడె ప్రభువు బేల కెత్తోండిత్తు 42
 తగినవేళ ఒర్రొర్రోనికి దోడ వాటనాంకి లోఁత్తోండు ఓని
 లోఁత్తోరి పొర్రొ బేనోనిని నిలిప్తోండ్లో ఆ నమ్మక మత్తె
 నవుకారి బేనోండు? బేనోని ప్రభువు వాశి ఓండు ఆల 43
 తుంగనదు ఊడి తోండ్లో ఆ నవుకరు కుశేలితోండు.
 ప్రభువు వోనికి మన్నాని అంతాటి పొర్రొ ఓనిని తాసి 44
 తోండు ఇంజి నిజము మీకు కెచ్చోరె మిన్నాన. గోని 45
 ఆ నవుకరు నా దాత వాదనాంకి జేలు తుంగోరె
 మిన్నోండు ఇంజి ఓని మతిల్తె ఓదిస్సి ఓనితోంఁటె
 నవుకారై మన్నాని మనుషూరీని నాట్వోకిని తన్నితింజి
 ఊణజి కైపీని మతుకు ఆ నవుకారీని ప్రభువు ఓండు 46
 కేపవ రోజీని పునవ జాలీని వాశి ఓనిని కఃతిస్సి, నమ్మకము
 ఇల్లు వోరితోంఁటె ఓనికి పాలు నిస్తు తుంగితోండు.
 ఓని ప్రభుని సమ్మతి పుంజి మంజి తయారు పర్వ, ఓని 47
 సమ్మతాలతుంగ్వ మన్నాని నవుకరీంకి మా లావు తన్నుకు
 మంతాంగు. గోని పునవ తన్నికింకి తగ పన్నుంగు 48
 తుంగోనికి కొద్ది తన్నుకు మంతాంగు. బేనోనికి దీబె ఈద
 బర్తో ఓనగ్గ దీబె తల్పకయితె బేనోనికి దీబె ఇత్తోరో,
 ఓనగ్గ దీబె తల్పితోరు.

కొలాలె గురీసి ఊడట

నన్న నేల్తె పొర్రొ కిస్సు వాటనాంకి వత్తాన. నా 49
 కోరికే బాతఇతుకు? అద్దు ఇంజేనే మాసి పొత్తవాలె ఇండి

- మిన్నాన. అత్తు నన్న ఒర్రొ బాప్తిస్తము పొందవాలె,
 50 అద్దు ఆదాని కేలు నన్న బెచ్చోలావు తిప్ప అరోస్కె
 51 మిన్నాన. నన్న నేర్దె పొర్రొ నమ్మాతి తుంగనాంకి
 వత్తాన ఇంజి మీరు ఓదిస్కె మిన్నీరా? ఆల అయ్యో,
 వేరే తుంగనాంకే వత్తాన ఇంజి మీకు కెచ్చోరె
 52 మిన్నాన. ఇంజేటి కుంచి ఒర్రొ లోఃతై ఐవురు వేరే
 అర్చి ఇరి వీరికి మువూరు మువీరికి ఇరువురు కోదాతె
 53 మంతోరు. తప్పె మర్రీంకి, మర్రి తప్పేనికి, తల్లూరు
 మైయాటికి, మైయాడి తల్లీనికి, పోయె కొడియాటికి,
 కొడియాడి పోయేనికి కోదాతె వేరే అర్దితోరు ఇంజి
 కెత్తోండు.
- 54 అదయిన ఓండు ఆపజ్జాతితోంఱె ఈల ఇంత్రోండు,
 మీరు మబ్బీని పడమీటి కుంచి తేదనదు ఊడనన్నె వాన
 వయితె ఇంజి అన్నేనే కెయితీరి, ఆలానే వయితె.
 55 దక్షణాతె గాలి తోలనదు ఊడ్తకు ఎద్ది అయితె ఇంజి
 56 కెయితీరి ఆల అయితె. వేళేతోరీ మీరు నేలి విన్నీని
 మొక్కోము పుందాని బుద్ధితోరు గోని ఈ కాల తీరిని
 57 మీరు బారి పున్నీరి? బేదు మెంచిదో మీకు మీరే
 58 బారి నిస్పతి తుంగీరి? నిమ్మ నీ పొర్రొ తగువు తుంగ
 నోనితోంఱె సర్నూరు తగ్గ అంజోరె మన్నాంగ, ఓని
 తోంఱె నమ్మాతి ఆదనాంకి అర్దేనే ఊపము తుంగ,
 ఇల్లూకు ఓండు బేలన్న నీనిని న్యాయకర్తతగ్గ ఈడిసి
 బయితోండు. అస్కె న్యాయ కర్త నీనిని జమానుకీని
 59 కైకీంకి ఈతోండు, జమాను కైదీని వాటితోండు. నిమ్మ

కోసాతె దమ్మిడన్న ఈదాని జేలు బైదికి వర్రే వర్రీని ఇంజి మీకు కెచ్చోరె మిన్నాన.

మారుమనసు పొందటాన్ని కెత్తటం

13 పిలాతు నగతోరిని గలిలయ్యతోరి నెత్తురు ఓరి బల్లె కల్పొండు. ఆ కాలాతె అగ్గ మన్నాని నగతోరు ఆ మాట ఓనికి కెత్తోరు. కెత్కాడె యేసు ఈ 2 గలిలయ్యతోరు ఆల తిప్ప అర్తకాడె ఓరే గలిలయాతె మననోరు అందోరి కన్న పాపోతోరు ఇంజి మీరు ఓద్దిస్తీరా? అయ్యో. గోని మీరు మతి ఊఁపూకు, మీరు 3 అందోరు ఆలానే నాశనము అయితీరి ఇంజి మీకు కెచ్చోరె మిన్నాన ఇంజి కెత్తోండు. అదయివ సిలోయము 4 తగ్గ మన్నాని గోపురము బేనోరి పొర్రొ అర్బి అవుక్రో ఆ పద్దెనిమిది మంది యెరూషలేము తగ్గ మననోరు అందోరికన్న మేల్వోరు ఇంజి ఓద్దిస్తీరా? అయ్యో గోని 5 మీరు మతి ఊఁపూకు మీరందోరు ఆలానే నాశనము అయితీరి ఇంజి మీకు కెచ్చోరె మిన్నాన ఇంజి కెత్తోండు.

పండ్ర అంజూరపు మార

అన్నె ఓండు ఈ గొట్టి ఓరికి కెత్తోండు బాత 6 ఇతుక, ఒర్రొ మనుషుండు ఓని తోటాతె ఒర్రొ అంజూరపు ఎట్టు వాటి దాని వణింగు తీసనాంకి వత్తెన్నె బాత ఊడకాదిల్లె. అన్నె ఓండు ఇద్దో మూండు 7 వండ్కిని కాశి నన్న ఈ అంజూరపు ఎట్టిని ఓణింగు

తీసనాంకి వాసోరె మిన్నాన గోని బాత ఊడకాదిల్లె దీనిని
 కఃమూటు ఇద్దు నేల్లిని బారి చెరుపోరె మిందె ఇంజి ఓని
 8 తోటతోనికి కేత్తోండు. కెత్కాడె ఓండు, నన్న దాని
 చుట్టు కాఃచి ఎరువు తొసాంజేలు ఈ వంశు గిన్న తాస.
 9 ఆ పయ్య ఆద్దు సరే సరీ ఇల్లుాకు ఆ పయ్య కఃతిస్సికీని
 ఇంజి ఓనికి కేత్తోండు.

సబ్బాతు రోజీని ఒర్రొ నాట్వటీని చాయ తుంగటం

10 ఓండు సబ్బాతు రోజీని ఒర్రొ గుడిదగ్గ బోధిస్సోరె
 11 మననస్కె. ఇదో పద్దెనిమిది వండ్కీని కుంచి నీర్పము
 ఇల్లు వాటు తుంగాని ఒర్రొ దెయ్యము పెయితై
 నాట్వాడి మత్తె. దాని ముర్సులు వంగి బేసాలము
 12 నిత్తాలువ అత్తె. యేసు దానిని ఊడి, వర్ర ఇంజి
 కరింగి, ఓ యప్ప, నిమ్మ నీ నీర్సాతి కుంచి విడిపిస్స బర్తీని
 13 ఇంజి దానికి కెచ్చి. దాని పొర్రొ కైక్కు వాట్కాడె,
 14 అద్దు సాయి ఆశి దేవుని గొప్ప తుంక్తె. అత్కాడె యేసు
 సబ్బాతు రోజీని బాగా తుంక్తాడె ఆ గుడిదె పెద్ద
 రోశెము తచ్చి, పని తుంగాని ఆరు రోజ్కు మిన్నాంగు
 ఆ రోజ్కీని బాగు పర్దనాంకి వర్రాటి, గోని సబ్బాతు
 15 రోజీని వార్కాటి ఇంజి పజ్జాతికి కేత్తోండు. అస్కె ప్రభు
 వేశేతోరీ, మీ అవుపె ఒర్రొ ర్రోండు సబ్బాతు రోజీని
 ఓని కొందతినన్న గాడిదెతి నన్న కొట్టాతె కుంచి లేఃచి
 16 ఏరు ఉప్పిస్సనాంకి తోలొ ఓవోండా. ఇదో! పద్దెనిమిది
 వండ్కీని కుంచి సైతాను తొఃతె 'అబ్రాహామునిమై
 యాడతై దీనిని సబ్బాతు రోజీని ఈకట్కీని కుంచి

విడిపిస్సనదు న్యాయమయ్యెయూ, ఇంజి ఓనికి మల్పి
 కెత్తోండు. ఓండు వీటిని కెత్తస్కె ఓనికి ఎదురు 17
 కెత్తోరంత సిగ్గు పర్తారు గోని పజ్జంత ఓండు తుంగై
 గొప్ప కార్యాకంత ఊడి కు శేలి పర్తారు.

ఆవగింజా తె, పులిస్తె పిండిని గురీసి ఉపాయం

ఆ పయ్య ఓండు బేల ఇత్తోండిత్కు, దేవుని రాజ్యము 18
 బేని దాని సన్నము మిందె బేని దాని సన్నము తుంగి తాన?
 ఒర్రొ మనుషూండు తీసి ఓసి ఓని తోటాతె వాత్తె 19
 ఆవగింజా తె సన్నము మిందె. అద్దు పెర్చి బెరియ మార
 అత్తె. పొర్రోటి పిట్టే దాని కొఃకీని ఏరి మత్తాంగు ఇంజి
 కెత్తోండు. అదయివ ఓండు దేవుని రాజ్యము బేని దాని 20
 సన్నము మిందె. ఒర్రొ నాట్వాడి పెయిసి మూండు 21
 మానికేని పిండిదె అంత పుల్సాని జేలు తాస్తె పులిస్తె
 పిండిదె సన్నము మిందె ఇంజి కెత్తోండు.

రక్షణత్కి అందనాన్ని అర్రి ఇర్కీడి

ఆ పయ్య ఓండు బోధిస్సారె యెరూషలేమ్మికి అంజోరె 22
 మంజి పట్టాకింకి నాఃకింకి ఉడ్డోరె మత్తోండు. అస్కె 23
 ఒర్రోండు, ప్రభువా రక్షణ అర్దనోరు సగతో రేనా ఇంజి
 ఓనిని తల్పోండు. అస్కె ఓండు ఇర్కీడి గుమ్మాతికి 24
 ఒచ్చనాంకి తిప్ప అర్కూటు. బారితుక్ దీబె మంది ఒచ్చ
 నాంకి మెఃకితోరు గోని ఓరి కైదెనైయ్యె ఇంజి నన్న
 మీకు కెచ్చోరె మిన్నాన. లోఃత్తె దక్షకుడు తేది 25
 తలుపు వాట్కాడె మీరు బైదె నిచ్చి తలుపు వేసి

- ప్రభువా! ప్రభువా మాకు తలుపు తీస ఇంజి కెత్తనాంకి
 మొదొలొ పెయితెస్కె ఓండు మీమిని పున్నోన మీరు
 26 బెగ్గటోరు ఇంజి కెయితోండు. అస్కె మీరు మీ అగ్గ
 తింజోరె ఉణుజోరె మత్తామ. నిమ్మ మా బజ్జాటె
 27 బోధిస్తీని ఇంజి కెయితీరి. అస్కె ఓండు మీరు బెగ్గ
 టోరు మీమిని పున్నోన ఇంజి మీకు కెచ్చోరె మిన్నాన.
 మేల్వోరి మీరు అందోరు నా అగ్గటికుంచి అన్నాటు
 28 ఇంజి కెయితోండు. అబ్రాహాము, ఈసాకు, యాకోబు
 గిన్న ప్రవక్త అందోరు దేవుని రాజ్యతె మననదు మీరు
 బైదె తురోసోరె మననదుమీరు ఉండనస్కె అగ్గ అడ్డటము
 29 పల్కు కొరకటము మంతె. అస్కె పజ్జ తూర్పినికుంచి,
 పడమటికుంచి, ఉత్తాజ్జెకుంచి, దక్షిణాడ్జెకుంచి వాశి
 30 దేవుని రాజ్యతె కుద్ది తోరు. అస్కె, ఇదో, కొన
 తోరవుటె సగతోరు మున్నె టోరు, మున్నెటోరవుటె
 సగతోరు కొసతోరు ఆశి మంతోరు ఇంజి కెత్తోండు.

హేరోదీకి పగవాండు

- 31 ఆ రోజ్కీని పరిసయ్యూర్కు సగతోరు వాశి నిమ్మ
 ఇగ్గటికుంచి తేది అన్ను హేరోదు నీనిని అవుకవాలె
 32 ఇంజి ఒనరిస్సోరె మిన్నోండు ఇంజి ఓనికి కెత్తోరు. గోని
 ఓండు మీరు అంజి ఆ నక్కాతికి ఈల కెల్లాటి, ఇద్దో
 నేండు నాడి నన్న దెయ్యోకీని గెదుమోరె పరు వోరిని
 బాగా తుంగోరె మంజి మూడో రోజ్కీని నాపని ఆకర
 33 అయితె. అత్తకన్న నేండు, నాడి, మన్నేటికి నన్న అంజోరె
 మందవాలె ప్రవక్త యెరూషలేముబైదె అవుకపర్వో.

యెరూషలేము తె గురీసి కేయటము

ఓ యెరూషలేమా! ప్రనక్తాని అవుకోరె, నీ అగ్గ 34
 రోఃత మననోరిని కల్కీని ఎస్సారె మనన్దానీ, కొర్రు దాని
 రెక్కాని ఇడోపా దాని పిల్లాని బేలానో ఆలానే నన్న
 నీ పిల్లాని బెచ్చు మాట్టు పర్పవాలె ఇంజి మత్తాన గోని
 మీకు సమ్మాతి ఆదిల్లె. ఇదో, మీ లోను మీకు 35
 పాడు ఆశి విడిసి మిందె ప్రభుని పెద్దేట వాసారె మన
 నోండు గొప్ప తుంగ బర్వి ఇంజి మీరు కెత్తాని రోజు
 వాదాని జేలు నానిని ఊడిరి ఇంజి మీకు నిజము కెచ్చోరే
 మిన్నాన ఇంజి కెత్తోండు.

సబ్బాతె రోజీని తోయిశి మందా నోనిని, ఒర్రోని చాయ

తుంగటం

14 సబ్బాతు రోజీని ఓండు దోడ తిందనాంకి పరి
 సయ్యూర్కినవుటె ఒర్రొ పెద్దాతి లోఃతికి అత్తస్కె
 ఓరు ఓనిని కేపోరె మత్తోరు. అస్కె ఇదో తోయిశి 2
 మన్నాని ఒర్రొ మనుషూండు అగ్గ మత్తోండు.
 మత్కాడె యేసు సబ్బాతు రోజీని బాగా తుంగనాంకి 3
 మెంచిదా ఇంజి శాస్తూర్కీని పరిసయ్యూర్కిని తల్తోండు.
 గోని ఓరు కొట్టా మత్తోరు. అస్కె ఓండు ఓనిని వర్పి 4
 సైకు తుంగి, రోఃచి ఓరికి ఈల కెత్తోండు. మీ అవుటె 5
 బేనోని గాడిదన్న కోందన్న తొర్రేతె అర్తకు, సబ్బాతు
 రోజీని దానిని ఒడ్డింకి తీసోండా? ఈ మాటాంకి ఓరు 6
 మల్కీ కెత్తాలువ అత్తోరు.

మర్యాదగ మందటం బెచ్చో మంచిది

- 7 ఓండు కరింగిస్తారు బంతినవుటె బెరియతోరు కుద్దాని
 పీటాని మెఃకోరె మననదు ఊడి, ఓరికి ఈల ఒక్కొ గొట్టి
- 8 కెత్తోండు. బేనోండన్న నీనిని పెల్లికి కరుంగుకు నిమ్మ
 9 బెరియ తోరు కుద్దాని పీటాని కుద్దమ. బారిత్కు- నీ
 కన్న గొప్ప ఓండు ఆ పెల్లికి వత్కు, నీనిని ఓనిని
 కరుంగ్తోండు వాళి ఈనికి చోటు ఈము ఇంజి నీకు కెయి
 తోండు బోనో. అస్కె నిమ్మ సిగ్గు పర్చి కోసాతె కుద్దితీని.
- 10 గోని నిమ్మ పెల్లికి అత్తస్కె బైదె కుద్ద అస్కె నీనిని
 కరుంగ్తోండు వాళి జోకతోనీ, బెరియతోరు కుద్దాని
 చోటీంకి వర్ర ఇంజి నీకు కెయితోండు. అస్కె
- 11 నీతోంబె కుద్ది మననోరి మున్నె నీకు గొప్ప వైతె. ఓనిని
 ఓండె బెరియ తుంగనోండు చిన్న బర్దితోండు, ఓనిని
 ఓండు చిన్న బర్దనోండు బెరియ తుంగ బర్దితోండు ఇంజి
 కెత్తోండు.
- 12 అదయిన ఓండు ఓనిని కరుంగ్తోనికి ఈల కెత్తోండు.
 నిమ్మ వయాలై విందన్న, ముల్పేటి విందన్న తుంగ నస్కె,
 నీ జోకతోరన్న, నీ తాడతమ్ముస్కన్న, నీ చుట్టాకన్న
 సంసారన్న, నీ బైదోరినన్న, కరుంగ్. ఓరు గిన్న నీనిని
 కరింగితోరు బోనో, అస్కె నీకు మల్చి వాటితోరు.
- 13 గోని నిమ్మ విందు తుంగనస్కె, పుండకోర్కిని, మొండో
 14 లోరిని, కూటలోరిని, గుడ్డి ఓరిని కరుంగ్. అస్కె నిమ్మ
 కుశేటై మననోని అయితీని, బారిత్కు నీకు మల్చి

ఈదనానికి ఓరికి బాత యిల్లె, గోని మంచి ఓరు మల్కి
తేదనస్క దేవుండు నీకు మల్కి ఈతోండు.

పెల్లిదోడతె గురించి ఉపాయం కెత్తటం

అస్కె ఓనితోంతు బంతీతె కుద్దోరవుటె ఒర్రోండు 15
అవుకేంజి, దేవుని రాజ్యాలె ఆరి తిననోండు కుశేలె
మంతోండు ఇంజి ఓనికి కెత్తోండు. అస్కె ఓండు 16
బాత కెత్తోండిత్తు, ఒర్రో మనుషూండు దిబె విందు
తయారు తుంగి, సానా మంతీని కరుంగ్తోండు. విందు 17
వాటాని వేళాతికి, ఓండు ఇంజె అంత తయారు పర్మిమిందె,
వరాటి ఇంజి కరింగి మననోరికి కెత్తనాంకి ఓని నవుకారీని
రోఃతోండు. గోని ఓరు అందోరు మన్నిస్స ఇంజి 18
ఏకము ఆశి కెత్తోరు. మున్నెటోండు ఓనితోంతు నన్న
ఒర్రో చేను అస్తాన, నన్న జప్పున అంజి దానిని ఊడవాలె,
నానిని మన్నిస్స ఇంజి నీనిని బశిమాలోరె మిన్నాన
ఇత్తోండు. ఇంగొర్రోండు, నన్న అయిదు కాణిని కోందా 19
అస్తాన, నన్న వాటిని ఉడిసి ఊడనాంకి దాయవాలె
ఇంజి మిన్నాన నానిని మన్నిస్స ఇంజి బతిమాలోరె
మిన్నాన ఇత్తోండు. ఇంగొర్రోండు నన్న ఒర్రో 20
నాట్వాటిని పెల్లి ఆడ్తాన నన్న వాదాలోసు ఇత్తోండు.
అస్కె ఆ నవుకారు ఉడ్డి వాశి ఈ మాటాని ఓని 21
దాతాతికి తెలియ కెత్తోండు అస్కె ఆలోత్తెః దాత
రోసెము తచ్చి, నిమ్మ జప్పున పట్టాలె బజ్జారీన్ని ఈర్కీ
టికి అంజి, పుండకోర్కీని మొండొలోరిని కూటలోరిని
గుడ్డి ఓరిని ఈ లోపాటికి తీసి తర్ర ఇంజి ఆ నవుకారీన్ని

- 22 కెత్తోండు. అస్కె ఆ నవుకారు ప్రభువా నిమ్మ కెత్తాలు
నన్న తుంగ్తాన గోని ఇంక జాగా మిందె ఇంజి
- 23 కెత్తోండు. అస్కె ఆ దాత నాలోను నిండనాంకి నిమ్మ
రాజా బాటాతికి వెల్లుకీంకి అంజి అగ్గటోరిని లోపాటికి
- 24 వాదనాంకి బలిమి తుంగ బారిత్తు. నన్న కరుంగ్తోరి
అవుటె ఒర్రోండన్న నా విందు రుచి పున్నోండు ఇంజి ఆ
నవుకార్తోంతు కెత్తోండు.

శిష్యుడాదనోండు విడిచి వాటవలసినా

- 25 దీబె పజ్జ ఓనితోంతు అంజోరె మననస్కె. ఓండు
26 ఓరాకె ఉడ్డి బాత కెత్తోండిత్తు బేనోండన్న నా అగ్గ
వాశి, ఓని తప్పేని, తల్లుటీని, ముత్తేని, పిల్లాని, తాన
దమ్ముస్కీని, అక్కయేలాస్కీని, ఓని జీవుటీని కోద
- 27 తుంగూకు ఓండు నా శిష్యుడు ఆదాలోండు. అదయివ
ఓని శిలువ కాంజోరె నా పేర్కె వ్రువోండు నా
- 28 శిష్యుడు ఆదాలోండు. మీ అవుటె బేనోండన్న
ఒర్రొమిద్దె తొఃతిస్సవాలె ఇంజి మతుక దాని కొస
యెవిస్సనాంకి ఓనగ్గ మన్నాని డబ్బు ఆలీతో ఆలో
- 29 ఇంజి మున్నె కుద్ది లెక్క ఊవోండా? ఇల్లూకు ఓండు
దాని బాడగ కాఃచి దాని కొస యెవిస్సాలువ మత్తు.
- 30 ఊడనోరంత ఈ మనుషూండు తొఃతనాంకి మొద
లొవాత్తోండు గోని కొస యెవిస్సాలువ అత్తోండింజి ఓనిని
- 31 సిగ్గిస్తారు. అదయివ బేని రాజన్న ఇంగ్గొర్రొ రాజిన్తోంతు
లొడయి తుంగనాంకి అతుక ఓని పొర్రోటికి ఇరువై
వేయి మందై వాదనోని పది వేయి మందై యెదిరిస్సనాంకి

ఓనికి వడి మిందో ఇల్లో ఇంజి మున్నె కుద్ది ఓదిసోండా?
 ఇల్లూకు ఓండు ఇంగ దూరము మననసెక పెద్దాని 32
 రోఃచి సమ్మాతి తుంగితోండు. ఆలానె మీ అవుటె 33
 బేనోండు ఓనికి మననదు అంత విడిసోండా ఓండు నా
 శిష్యుడు ఆదాలోండు. ఒవ్వోరి మేల్లదు గోని ఒవ్వోరి
 రుచి ఇల్లవదు అత్తు బేనిదాంపె దానికి రుచి అయితే? 34
 అద్దు నేల్లెకన్నా పెట్ట గుప్పాతికన్న మేలూ. అద్దు బైదె 35
 పోఃతితోరు. కేంజనాంకి కెవ్వికినోండు కేంజేండు ఇంజి ఓరికి
 కెత్తోండు.

మాయియత్తె గొట్టె

15 అసెక దణుము పెయిదనోరు పాపోకినోరు అంత
 ఓని మాటకేంజనాంకి ఓనగ్గ వత్తోరు.

గోని పరిసయ్యురుక శాస్తూరుక ఊడి, ఈండు 2
 పాపోకినోరిని ఏర్పి ఓరితోంపె తింజోరె మిన్నోండు ఇంజి
 గొలుంగోరె మత్తోరు.

అత్కాడె ఓండు ఓరికి ఈ గొట్టి కెత్తోండు. మీ 3
 అవుటె బేనోనికన్న నూరు గొర్రేంగు మంజి వాటవుటె 4
 ఒర్రొటి కవుడు అర్పి మత్తు ఓండు తొంబై తొమ్మిదీని
 ఒరపె వాటి కవుడు అర్తదు దొరకాని జేలు దానిని
 మెఃకనాంకి అన్నోండా? అసెక దానిని ఊడి, పెయిసి, 5
 కుశేల్లవెడతె వాటిలోను వాశి, ఓని జోకతోరిని 6
 బైదోరిని కరింగి, మీరు నాతోంపె కుశేలి పయూటి
 మాయియత్తె గొర్రె వొర్తుకె ఇంజి ఓరికి కెయితోండు.

7 ఆలానే తొంబై తొమ్మిది మంది మేల్తోరికన్న మతి ఉఃతె
ఒర్రో పాపోతోని శాంక వరలోకాతె కుశేలి మంతె ఇంజి
మీకు కెచ్చోరె మిన్నాన.

మాపిత్తెనగ

- 8 అదయిన బే నాట్వాటికన్న పది కాసుకు మంజివాటి
అవుటె ఒర్రో కాసు మాపుతుకు అద్దుదీవె నీర్చి, లోను
ఎయ్యి, ఆ కాసు దొఠకాని జేలు జైయూను మెఃకోయా?
9 అద్దు దొర్తుకు పయ్య దాని జోకాలై వాస్కీని బైదోరిని
కరింగి, నన్నమాపై కాసు దొరుక్కె నాతోంటె కుశేలి
పర్మాటి ఇంజి ఓరికి కెల్లోయా? ఆలానే మతి ఉఃతాని
10 ఒర్రో పాపోతోని శాంక దేవుని దూతానికి కుశేలి మంతె
ఇంజి మీకు కెచ్చోరె మిన్నాన.

మాయియత్తె మర్రి

- 11 అదయిన ఓండు ఈల ఇత్తోండు, ఒర్రో మనుషూనికి
12 ఇరువురు మరుకు మత్తోరు. ఓరవుటె చూడోండు,
తప్పేనీ నీ ఆదాతె నాకు వాదాని పాలు ఈము ఇంజి
తప్పేనితోంటె కెత్తోండు. అస్కె ఓండు ఓని ఆదాతీని
13 తూశి ఇత్తోండు. సగము రోజ్కు అత్త పయ్య
చూడోండు ఓని ఆదా అంత కైదె పెయిసి దూర
దేశేతికి పైనము అంజి, ఓని ఆదాతీని మేలొ పణింగీనె
ఆగము తుంక్తోండు. అద్దు కర్చు అత్త పయ్య ఆ దేశేతె
14 లావు కరువు వత్తె అస్కె ఓండు తిప్ప అర్తోండు. ఓండు
15 అంజి ఆ దేశేతె ఒర్రోనికి లొంగి మత్తోండు ఓండు పద్దీ

- మేఃతనాంకి ఓనిని చేనికింకి రోఃతోండు. ఓండు వద్దీ 16
- తిన్నాని పొల్లతె ఓని డొక్క నిఃతనాంకి ఆశ వర్తోండు
- గోని బేనోండు ఓనికి ఈదిల్లె. ఆల మననస్కూ ఓనికి బుద్ధి 17
- వాశి ఓండు, నా తప్పే నగ్గ బెచ్చోమంది కూలి గాఃకింకి
- దోడ దీబెమిందె. గోని నన్న కరువీని డొల్లారె మిన్నాన.
- నన్న నా తప్పే నగ్గ అంజి ఓ యయ్యా! నన్న దేవుని 18
- మున్నె నీ మున్నె పాపము తుంగిమిన్నాన. ఇంగాటి 19
- కాశి నీ మర్రీని ఇంజి కెచ్చి మననాంకి నన్న హర్రీని
- అయ్యోను, నన్న నీ కూల్దోరవుటె ఒర్రో నాల ఏర్ప
- ఇంజి ఓనితోంపె కెయితాస ఇంజి తేది ఓని తప్పే నగ్గ
- అత్తోండు. గోని ఓండు ఇంక దూరాతె మననస్కూ 20
- ఓని తప్పే ఓనిని డొడి, సూకురు వాశి, మిర్రి, ఓని
- వెడతె పొర్రొ అర్జి, ఓనిని బుర్తోండు. అస్కూ ఆ మర్రి 21
- ఓ యయ్యా! నన్న దేవుని మున్నె నీ మున్నె పాపము
- తుంగి మిన్నాన. ఇంగాటి కాశి నీ మర్రీని ఇంజి కెచ్చి
- మననాంకి హర్రీని అయ్యోను ఇంజి ఓనికి కెత్తోండు.
- గోని తప్పే, సన్నాటి గుడ్డ తచ్చి, ఓనికి కెర్పిస్సి ఓని 22
- వణిజింకి డంగరము వాటి, కాల్కింకి ఎర్పూకు కెర్పిస్సాటి.
- కొడువై లేంగతీని తచ్చి కోయిమూటు మనడ తింజి 23
- కుశేలి పర్దకాడ. బారిత్కు ఈండు నా మర్రి డొల్లి 24
- మల్పి బతక తోండు మాయి దొరుక్కోండు ఇంజి ఓని జీత
- గాఃకింతోండు కెత్తోండు. అస్కూ ఓరు కుశేలి పర్దనాంకి
- మొదలొ పెయిత్తోరు. ఈల మన్నాంగ ఓని పెద్ద 25
- మర్రి చేందె మత్తోండు— ఓండు వాసారె లోఃత్తగ్గ
- వత్తస్కూ వేంసనదు ఏందనదు కేంజ్తోండు. అస్కూ 26

- నవుకారీని ఒర్తీని కరింగి, ఇచ్చు బాత ఇంజి తల్తోండు.
- 27 ఆ నవుకారి ఓనితోంతు నీ తమ్ముండు వత్తోండు ఓండు
ఓనగ్గ చక్కానె వ్రకాడె నీ తప్పె కొడువై లేంగతీని
- 28 కోయిస్సి మిన్నోండింజి కెత్తోండు. కెత్తాడె ఓండు
రోశెము తచ్చి లోపా వాదనాంకి మతి కొల్పిలై. అస్కె-
- 29 ఓని తప్పె బైదికి వాశి ఓనిని బతిమలాడ్తోండు. అస్కె-
ఓండు, ఇదో, ఇచ్చు కేండ్కీని కాశి నన్న నీనిని నేవ
తుంగోరె మిన్నాన, నీ మాట నన్న బెస్కేటికి తప్పిల్లాన.
అత్తకన్న నన్న నా జోకతోరి తోంతు కుశేలి పర్దనాంకి
- 30 నాకు బెప్పోడన్న ఒర్రొ మేకపిల్లన్న నిమ్మ ఈదిలై. గోని
నీ ఆదాతీని పల్వతానాతె కర్చు తుంగై ఈ నీ మర్రి
వత్తస్కేనే ఈని కోసాత్కి కొడువై లేంగ తీని కోయిస్సి
- 31 వాట్టిని ఇంజి ఓని తప్పేనికి మల్పి కెత్తోండు. అస్కె-
ఓండు, పేకా నిమ్మ బెప్పోటికి నా అగ్గ మిన్నీని. నావ
- 32 అంత నీవదు ఆశి మిన్నాంగు, మనడ కుశేలి పర్పి,
వంతదు సరె బారిత్తు నీ తమ్ముండు ఈండు డొల్లి మల్పి
బత్తోండు, మాయి దొరుకు తోండు ఇంజి ఓనికి
కెత్తోండు.

అన్యాయం తుంగనిలోత్తె పెద్ద

- 16 ఆ వయ్య ఓండు ఓని శిషూర్కింకి ఈల ఇంతోండు.
ఒర్రొ సంసారిగ్గ ఒర్రొ పెద్ద నాకారి మత్తోండు
ఓండు ఓని దక్షకుని ఆదాతీని పాడు తుంగోరె మిన్నోండు
- 2 ఇంజి ఓని పొర్రొ గూతి వాట్టోరు. అస్కె దక్షకుడు
ఓనిని కరింగిస్సి, నీ శాంక నన్న కేంజుదు బాత నీ నవు

కాటి లెక్క తోము నిమ్మ ఇంగటి కాళి పెద్ద నాకారీని
 ఆళి మనుమ ఇంజి ఓనికి కేత్తోండు. కెత్కాడె ఆ పెద్ద 3
 నవుకారి, ఓనికి ఓండు నా దక్షకుడు ఈ పెద్ద నవుకాటి
 కుంచి నానిని తీసి వాటోరె మిన్నోండు, నన్న బేల తుంగి
 తాన, నన్న కాఃతాలోన తల్పనాంకి సిగ్గు బర్దితాన.
 నన్న ఈ పెద్ద నవుకాటి కుంచి తీసి వాట్ట పయ్య ఓరు 4
 నానిని ఓరి లోకింకి ఏర్పనాంకి నన్న బాత తుంగ వాలో
 పుత్తన ఇంజి. ఓని దక్షకుని ఋణకి నోరిని ఒర్తోర్తీని 5
 కరింగిస్సి, నిమ్మ నా దక్షకునికి బెచ్చో బాకి మిన్నీని ఇంజి
 మున్నెటోని తల్పోండు. తల్పకాడె ఓండు నూరు 6
 మణుంకు నీము ఇంజి కెత్తెస్కా, నిమ్మ నీ పత్తరము తీసి
 జప్పన కుద్ది యాభై ఇంజి రాస ఇంజి కెత్తోండు.
 ఆ పయ్య ఓండు నిమ్మ బెచ్చోటి బాకి మిన్నీని ఇంజి 7
 ఇంగొర్తొని తల్పోండు, ఓండు నూరు తూంకీని గోధుమ
 ఇంజి కెత్తెస్కా, ఓనితోంపె నీ పత్తరము తీసి యెన్నభై ఇంజి
 రాస ఇంత్తోండు. కుట్రతుంగాని ఆ పెద్ద నవుకారి మేల్ 8
 ఒనరము తుంగ్తోండు ఇంజి ఓని దక్షకుడు ఓనిని
 మెచ్చోండు. బారిత్కు వెన్నేల్తె మర్కీని కన్న ఈ
 లోకాతె మరుక ఓరి త్రాతె బుద్ధిమంతూర్కు ఆళి
 మిన్నోరు.

సంపాదతీని చక్కావాడటం

ఆలానే మీరు ఈ లోకాతీని విడిస్తపయ్య, ఓరు 9
 బెప్పోటికి మన్నాని లోకింకి మీమిని ఏర్పనాంకి అన్యాయపు
 ఆదాతె మీకు మీరే జోకతోరిని తుంగాటి ఇంజి

- 10 మీకు కెచ్చోరె మిన్నాన. రవ్వాలె నమ్మకము మన
నోండు దీబె దానవుటె నమ్మక తోండు ఆశి మంతోండు
రవ్వాలె నమ్మకము ఇల్లువోండు దీబె అవుటె అవనమ్మక
11 తోండు ఆశి మంతోండు. మీకు అన్యాయ ఆదాతె
నమ్మకతోరు ఆశి మన్నాకు నిజ ఆదాతీని బేనోండు
12 మీకు ఈతోండు? మీరు బైదోని ఆదాతె నమ్మకతోరు
ఆశి మన్నాకు మీవదు మీకు బేనోండు ఈతోండు?
13 బేని నవుకారన్న ఇరువురు దక్షకూర్కీని నేవిస్సా లోండు,
ఓండు ఒర్రోని పగ తుంగి ఇంగొర్రోని పొర్రొ ప్పిరి
తాసితోండు. ఇల్లూకు ఒర్రీని పొర్రొ ప్పిరి తాసి
ఇంగొర్రోని తుర్పితోండు. మీరు దేవునిని డబ్బీని
నేవతుంగాలీరి ఇంజి కెత్తోండు.

యేసును పరిశయ్యూర్కు సిగ్గుతుంగటం

- 14 పినిళ్ళోరి పరిశయ్యూర్కు ఈ మాట కేంజి గేలిస్తారు.
15 అస్కా ఓండు మనుషూర్కీని మున్నె మీమిని మీరె
మేల్తారు ఇంజోరె మిన్నీరి, గోని మీ మతిని దేవుండు
పుంజి మిన్నోండు, బారిత్కు మనుషూర్కు బేదు బెరియదు
16 ఇంజి ఓదిస్తూరో అద్దు దేవుని కండ్కీంకి మేల్వదు.
యోహాను షాదాని జేలు మోశే ప్రవక్తాకు మత్తోరు,
అస్కేటి కాశి దేవుని రాజ్యాలె కుశేలి కబురు ఆటోరె
మిన్నోరు ఒర్రొర్రోండు దాని లోపాటికి బలిమై ఒచ్చోరె
17 మిన్నోండు. గోని దేవుని వాక్యాలె ఒర్రొ అక్షరమన్న
అర్తకన్న విన్ను నేలి నేసడము ఆదనదు అల్కంగ మిందె.
18 బేనోండన్న ఓని ముత్తేని విడిసి ఇంగొర్రొ దాని తత్కు

ఓండు లంజి ఓండు అదయివ ముత్ పాలు విడిస్తే దానిని
బేనోండు పెల్లి తుంక్తుకు ఓండు లంజి ఓండు.

డబ్బు మందనోండు, తల్పితిందాన లాజరు

సంసారి ఓర్రోండు మత్తోండు. ఓండు దీబె విలు 19
వాతె గుడ్డ వాటి మంజి, రోజు మా కుశేలి పర్ద నోండు.
అదయివ లాజరు ఇన్నాని పెద్దేటి ఓండు ఒర్రొ 20
పుండకోరి మత్తోండు. ఓండు శెవ్వాలె మంజి సంసారిని
గుమత్తగ్గ మంజి ఓని బల్లాతె కుంచి అర్దాని 21
విర్రేనే డొక్క నిఃత నాంకి ఆశ పర్తోండు. అదయివ
నైక్కు వాశి ఓని పుండికిని నాఃక్తాంగు. ఆ పయ్య 22
ఆ పుండ కోరి డొల్లి, దూతా ఓనిని అబ్రాహాముని
యెద్దాటె పొర్రోటికి తీసి ఒత్తోరు ఆ సంసారి వెండె
డొల్తపయ్య ఓనిని మిస్తారు. అస్కె ఓండు ఊడకైయ్యె 23
లోకాతె తిప్ప అర్సోరె ఓని కండ్కు తెఃచి అబ్రాహాముని
ఓని ఎద్దాతె పొర్రోటి లాజరీని దూరాతె ఊడి.
ఓ యయ్యూ అబ్రాహామా! నా పొర్రొ ప్పిరితాసి 24
లాజరు ఓని వణిజిని కొస వత్తె ముఃచి నా నాల్కేతీని
పిఃతనాంకి రోఃము, నన్న ఈ కిస్తే తిప్ప అర్సోరె మిన్నాన
ఇంజి కేయి కెత్తోండు. కెత్కాడె అబ్రాహాము ఓని 25
తోంపె, మర్రీని నిమ్మ బత్కి మననస్కె నిమ్మ సుక్కాతె
మత్తీని లాజరు గిన్న అస్కేనే తిప్ప అర్సోరె మత్తోండు,
గోని ఇంజె ఓండు ఇగ్గ సుక్కాతె మిన్నోండు, నిమ్మ తిప్ప
అర్సోరె మిన్నీని. ఇదయివ ఇగ్గటి కుంచి మీ అగ్గ 26
దాటి దాయనాంకి అశపర్దనోరు దాటాలువ అగ్గటోరు

- గిన్న మా అగ్గ దాటాలువ మవనాంకి మాకు మీకు
 నడువు మా లోతుగుండము మిందె ఇంజి కెత్తోండు.
- 27 అస్కె ఓండు అయ్యా! ఆల అత్కు నాకు ఇంగొర్రొ
 మనిమి మిందె, నాకు ఐవురు తాన తమ్మూర్కు మిన్నోరు.
- 28 ఓరు గిన్నె ఈ తిప్ప అర్దాని జాగాతికి వర్షువ మన నాంకి
 ఓరికి నా తిప్పాని కబురు కెత్తనాంకి నా తప్పేని లోఃత్తికి
 లాజరీని రోఃము ఇంజి నీనిని బతిమాలోరె మిన్నాన ఇంజి
- 29 కెత్తోండు. కెత్కాడె అబ్రాహాము, ఓరికి మోషే
 ప్రవక్తాకు మిన్నోరు, ఓరు ఓరిమాట కేంజవాలె ఇంజి
- 30 ఓనికి కెత్తోండు. అస్కె ఓండు ఓ యయ్యా,
 అబ్రాహామా, ఆల అయ్యో గోని డొల్తోరగ్గటి కుంచి
 ఒర్రోండు ఓరగ్గ అత్కు ఓరు మతి ఊఃతితోరు ఇంజి
- 31 కెత్తోండు. కెత్కాడె ఓండు మోషే ప్రవక్తాకు కెత్తె
 మాట ఓరు కేంజూకు డొల్తో రగ్గటి కుంచి ఒర్రోండు
 తేది అత్తకన్న ఓరు నమ్మోరు ఇంజి ఓనికి కెత్తోండు.

యేసు బోదాకు

- 17 ఓండు ఓని శిష్యులకి ఈల ఇంత్తోండు. అవుడం
 కాకు వర్షువ మన్నో, గోని బేనోన్నికెదె వయి
 2 తాంగో ఓనికి తిప్ప. ఈ పేకోరవుటె ఒర్రోనికి అవుడం
 కము తుంగ్గ కన్న ఓని వెడేతికి తిర్రివె కల్లు తొఃచి
 మంజి సముద్రా తెముత్కు, ఓనికి మేలు మం తె.
- 3 మీకు మీరే పదలము పర్కాటి నీ తమ్ముండు నీకు
 కోదాతె తప్పు తుంగ్గుకు ఓనిని బెరియ బెరియ కెల్ల.
- 4 ఓండు మతి ఊఃత్కు ఓనిని మన్నిస్స. ఓండు ఒర్రొ

రోజని యేమ దమ్ము నీకు కోదాతె తప్పు తుంగి, ఆ
రోజని యేమ దమ్ము నీ ఆకె ఉడ్డి మతి ఊచోరె
మీన్నాన ఇంకికెత్తు ఓనిని మన్నిస్సవాలె.

అస్కె అపొస్తూరు- మా నమ్మకము దీబె తుంగ ఇంజి 5
ప్రభుతోంటె కెత్తోరు. కెత్కాడె ప్రభు ఓరికి బాత 6
కెత్తోండిక్కు, మీకు ఆవ గింజాతె అచ్చో నమ్మకము
మత్తు, నిమ్మ వేకిని పెకలిస్సి మంజి, సముద్రాతె నూటి
మంద ఇంజి ఈ మేడి మారాతికి కెత్తు మీరు కెత్తాల
అయితె. మీ అవుటె బేనోనికన్న ఉడదనోండు గోని 7
మేః తనోండు గోని ఒర్రో జీతతోండు మత్తునిమ్మ
ఇంజేనే అంజి దోడ తిన్న ఇంజి చేనికీనికుంచి వత్తె ఆ
జీతతోనికి కెయితోండా? కెల్లోండా. గోని నన్న తింద 8
నాంకి బాతన్న తయారు తాసి, నడుము తోఃచి, నన్న
తిన్నాని జేలు పని తుంగ ఆపయ్య నిమ్మ తిన్న ఉణు ఇంజి
ఓనికి కెల్లోండా? ఆ జీతతోండు ఓనికి ఇత్తె పని 9
తుంక్తుకు అద్దు పుణ్యము ఇంజి ఓండు ఓనిని మెచ్చితోండా?
అలానే మీరు వెండె మీకు ఇత్తె పని అంత తుంక్ 10
పయ్య మమ్మ మేల్వ నవుకారీరము మమ్మ ఇత్తె పనితుంక్తామ
ఇంజి కెల్లాటి ఇంతోండు.

యేసు పదిమంది మొండొ మచ్చతోరిని చాయతుంగటం

ఓండు యెరూషలేమ్మికి పైనము ఆశి అంజోరె సమరయ్య 11
గలిలయ దేశేతె నడువుటికి అత్తోండు. ఓండు ఒర్రో 12
నాటేనికి అంజోరె మననస్కె మొండొ మచ్చతోరు

- పదిమంది మనుషూర్కు ఓనికి మున్నె వాళి దూరాతె
 13 నిచ్చి. యేసు ప్రభువా! మా పొర్రొ దయ తాస,
 14 ఇంజి కేయి కెత్తోరు. ఓండు ఓరిని ఊడి, మీరు అంజి
 మీమిని యాజకూర్కీకి తోఁమూటు ఇంజి ఓరికి
 కెత్తోండు, ఓరు అంజోరె మననసెక ఓరు సైకు అత్తోరు.
 15 అస్కె ఓరవుటె ఒర్తోండు ఓనికి సైకత్తదు ఊడి బెరియ
 16 కూకాతె దేవుని మొడుకోరె ఊడి వాళి. యేసు తుంగై
 మేలు మతిలై వాటి ఓని కాల్కి నగ్గ పాదసాలం అర్తోండు.
 17 ఓండు సమరయ్య దేశేతోండు. అస్కె యేసు పదిమంది
 సైకు అత్తోరు గోని ఆ తొమ్మిది మంది బెగ్గ మిన్నోరు.
 18 ఈ పరదేశి అయిన దేవుని గొప్ప తుంగనాంకి మల్లి వత్తె
 19 బేనోండు ఊడకాదిల్ల ఇంజి. ఓనికి నిమ్మ తేది అన్ను,
 నీ నమ్మకము నీనిని సైకు తుంగై ఇంజి కెత్తోండు.

దేవునిరాజ్యతె వాడటం

- 20 దేవుని రాజ్యము బెప్పొడి వైతె ఇంజి పరిసయూర్కు
 ఓనిని తల్పస్కె ఓండు దేవుని రాజ్యము ఊడో
 21 వానాకే వర్రొ. ఇగ్గ ఊడ, అగ్గ ఊడ ఇంజి కెల్లోరు
 బాఁత్తు ఇదో దేవుని రాజ్యము మీలోపా మిందె ఇంజి
 ఓరికి కెత్తోండు.
 22 అస్కె ఓండు బాత కెత్తోంఁడిత్తు, మనుషూని మర్రీని
 రోజ్కీనాల ఒర్రొ రోజు ఊడవాలె ఇంజి మీరు ఆశ
 పర్దాని రోజ్కు వయితాంగు గోని మీరు దానిని ఊడిరి.
 23 అస్కె ఓరు ఇదో ఇగ్గే అదో అగ్గే ఇంజి మీకు కెత్తు

మీరు ఓరగ్గ అన్ను మాటి, ఓరి పేర్కె అన్ను మాటి.
 బారిత్తు విన్నని ఇడుపా ఓర్కేటికాళి మెరిసాని మెరుపు 24
 విన్నని ఇడుపా ఇంగొర్కేటికి బేలా మెర్పితో ఆలానే
 మనుషూని మర్పి ఓని రోజిని మంతోండు. గోని ఓండు 25
 మున్నె సాన తిప్ప అర్దితోండు ఈ తరతోరు ఓనిని వెలి
 వాటితోరు.

నోవహు రోజ్కని ఓరు బేల తుంగ్గోరో ఆలానే 26
 మనుషూని మర్పిని రోజ్కని తుంగితోరు. నోవహు 27
 ఓడ తరాని రోజ్కని జేలు ఓరు తింజోరె, ఉణుజోరె,
 పెల్లి తుంగోరె పెల్లికి ఈసి మంజోరె మత్తోరు, అస్కె
 మాము బూరెము వాళి, భూమి ముఃచి ఓరిని అందోరిని
 అవుకె. ఆలానే లోధిని రోజ్కని వెండెమత్తె. ఓరు 28
 తింజోరె, ఉణుజోరె, అస్సోరె, అమ్మోరె, వాటోరె లోఃకు
 తోఃచోరె మత్తోరు. గోని లోధు సోదము కుంచి బైదె 29
 పేఃతాని రోజ్కని విన్నని కుంచి కిస్సు వాన అర్పి ఓరిని
 అంత అవుకె. ఆలానే మనుషూని మర్పి ఉడకాదాని 30
 రోజ్కని మంతె. ఆ రోజ్కని బేనోండన్న మేడాతె పొర్రొ 31
 మంజి ఓని ఆదాలోను మత్తు, ఓండు దానిని తీసి
 ఓదనాంకి డిగ్గ కయ్యె ఆలానే చేనికీని మననోండు ఉడ్డి
 వాదకయ్యె. లోధిని ముత్తేని ఏది తుంగాటి. ఓని 32
 పాణము బేనోండు రక్షిస్సనాంకి మెఃకనోండ్లో ఓండు 33
 దానిని మాపితోండు. బేనోండు దానిని మాపి తోండ్లో
 ఓండు దానిని తాసితోండు. ఆ నర్క ఇరువురు ఒర్రొ 34
 కట్టూలై మంతోరు, ఒర్రోండు ఓద బర్దితోండు,
 ఒర్రోండు విడిసి మంతోండు. రెండు నాట్వాకు ఒర్రొ 35

- 36 తిరివె కల్లు ఉఁచోరె మంతాంగు. ఒర్రోటి ఓద బర్దితె
 ఒర్రోటి విడిసి మంతె ఇంజి మీకు కెచ్చోరె మిన్నాన
 37 ఇంజి ఓని శిషూర్కింకి కెత్తోండు. అస్కె ఓరు
 ప్రభువా, బెగ్గ ఇంజి ఓనిని తల్పోరు తల్పుకు ఓండు దీము
 బెగ్గో అగ్గ డామోకు వాలితాంగు ఇంజి ఓరికి కెత్తోండు.

అన్నాయము తుంగని పెద్ద

- 18** ఓరు విస్కవ బెప్పోటికి పార్దన తుంగవాలె ఇంజి
 ఓండు ఓరికి ఈ గొట్టి కెత్తోండు బాతిత్కు.
 2 దేవునికి వెరువ మనుషూర్కింకి గడ్డు ఆళి మన్నాని
 3 ఒర్రో దురువాలు ఒర్రో నాపె మత్తోండు. ఆ నాపె
 ఒర్రో ముండ్రాలు గిన్న మత్తె. అద్దు ఓని అగ్గ వాళి
 నా పొర్రో-నిందె వాటనోనికి నాకు న్యాయము తుంగ
 4 ఇంజి కెత్తె. గోని సగము నెల్కు ఓండు దానికి
 న్యాయము తుంగ్వ మత్తోండు. ఆ వయ్య ఓండు నన్న
 దేవునికి వెరువ మనుషూర్కింకి గడ్డు ఆళి అత్తకన్న.
 5 ఈ ముండ్రాలు నానిని ఆతరము తుంగోరె మత్కాడె
 అద్దు బెప్పోటికి వాళి నానిని అల్పిస్సువ మననాంకి దానికి
 న్యాయము తుంగితాన ఇంజి ఓనికి ఓండు ఓదిస్తోండు.
 6 అత్కాడె, ప్రభు ఈల ఇంత్రోండు, ఆ అన్యాయాలె
 7 దురువాని మాట కేంజాటి. దేవుండు, ఓండు ఏర్పోరు
 నర్క పైయాలి ఓనిని కరింగి తల్పోరె మననస్కె, ఓరికి
 సాన జేలూటికి జవాబు కెల్లు కన్న ఓరికి న్యాయము
 8 తుంగోండా? ఓండు ఓరికి జప్పున న్యాయము తుంగి
 తోండింజి మీకు. కెచ్చోరె మిన్నాన. అత్తకన్న మనుషూని

మర్రి వాదనస్కై ఓండు నేలై పొర్రొ ఈ నమ్మకము
ఊడి తోండా, ఇంజి కెత్తోండు

పరిశయ్యుడు దణుము పేయిదనోండు

ఓరే పుణ్యతోరు ఇంజి ఓరికి ఓరిని నమ్మి బైదోరిని 9
నాదాని తుంగై సగతోరికి ఓండు ఈ గొట్టి కెత్తోండు.
బాతిత్తు. ఇరువురు పార్దన తుంగనాంకి గుడిదికి 10
అత్తోరు. ఒర్రోండు పరిసయ్యుడు, ఇంగొర్రోండు దణుము
పేయిదనోండు. ఆ పరిసయ్యుడు నిచ్చి మంజి ఈల 11
పార్దన తుంగ్గోండు, దేవా నన్న అగలాయతోరు,
అన్యాయతోరు, లంజి ముచ్చోరు ఆశి మన్నాని బైదోరి
ననమన్న ఈ దణుము పేయిదనోని సన్నమన్న మందిల్ల
గాడె నీనిని గొప్ప తుంగోరె మిన్నాన. వారాతికి రెండు 12
మాట్టు అవుతము మంజి నన్న గణిస్తె ఆదాతె పదియో
పాల్దీని ఈ సోరె మిన్నాన ఇంజి, ఓనికి ఓండు పార్దన
తుంగ్గోండు. గోని దణుము పేయిదనోండు దూరము 13
నిచ్చి విన్నీ నాకె కండ్కు తేతనాంకి దుట్టము ఆలువ
ఓని యెదతీని గుద్దోరె, దేవా పాపాతోని నా పొర్రొ
దయ తాస ఇంజి కెత్తోండు. ఓని కన్న ఈండు 14
మేల్తోండు ఇంజి దేవుని అగ్గ వర్షి మంజి ఓని లోఃత్తికి
అత్తోండు ఇంజి మీకు కెచ్చోరె మిన్నాన. బారిత్తు
ఓనిని ఓండు గొప్ప తుంగనోండు నాదాని అయితోండు.
ఓనిని ఓండు నా దాని తుంగ నోండు గొప్ప అయితోండు.

చిన్న పిల్లని దీవీసటం

- 15 అస్కె ఓండు ఓరిని కేట వాలె ఇంజి ఓ నగ్గ ఓరి
 పిల్లని తీసి తత్తోరు ఓని శిషూర్కు దానిని ఊడి ఓరిని
 16 బెరియ బెరియ కెత్తోరు. అస్కె యేసు ఓరిని ఓనగ్గ
 కరింగి ఉచ్చూ పిల్లని నాయగ్గ వాదీ మూటు ఓరిని అడ్డ
 గిస్తాటి. బారిత్కు దేవుని రాజ్యము ఈలాటోరిది
 17 ఆసిమిందె. ఉచ్చూ పిల్లాతె సన్నము బేనోండు దేవుని
 రాజ్యాతీని ఏరోండ్కో, ఓండు దానగ్గా బేలన్న ఏరోండు
 ఇంజి మీకు నిజము కెచ్చోరె మిన్నాన ఇంత్రోండు.

బెప్పోడి జీవాత్కి డబ్బు ఒర్రొ అడ్డం

- 18 ఒర్రొ పోయి ఓనగ్గ వాశి, మేల్త గురువీని నాకు
 బెప్పోటికి మన్నాని జీవము వాదనాంకి నన్న బాత తుంగ
 19 వాలె ఇంజి ఓనిని తల్పోండు. తల్పకాడె యేసు నానిని
 మేల్తోండు ఇంజి బారి కెయితిని? దేవుండు ఒర్రోండ్కో గోని
 20 ఇంగ బేనోండు మేల్తోండు ఇల్లోండు. లంజరకము
 తుంగ, బేనోనిని అవుక్కు, దొంగిలిస్త, బూస్త, నీ తల్లూరు
 తప్పేని బెరియ తుంగ ఇన్నాని ఆజ్జేంగు పుత్తీని ఇంజి ఓనికి
 21 కెత్తోండు. కెత్కాడె ఓండు వీటిని అంత నన్న పుట్టగ్గటి
 22 కాశి తుంగి మిన్నాన ఇంజి కెత్తోండు. యేసు ఈ మాట
 కేంజి, ఇంగ ఒర్రోటి నీకు వెల్లి మిందె నీకు మననదు అంత
 అమ్మి పుండకోరికింకి ఈము. అస్కె పరలోకాతే నీకు
 ఆదామంతె అస్కె నిమ్మవాశి నాపేర్కె వర్ర ఇంజి ఓనికి
 23 కెత్తోండు. గోని ఓనికి మా డబ్బు మనగాడె ఓండు

ఈ మాట కేంజి మా విశరము పర్తోండు. అస్కె 24
 యేసు ఓని లావు విశరము ఊడి ఆదాతె మననోరు
 బెచ్చోతిప్ప అర్థి దేవుని రాజ్యతె ఏడితోరు. సంసారి 25
 దేవుని రాజ్యతె ఏర్తకన్న సూది బాడగాతె లొట్టిపిట్ట
 నీంగనదు అల్కన ఇంజి కెత్తోండు. ఈ మాట కేంజోరు 26
 ఆల అత్కు బేనోండు రక్షణ అర్దాలీతోండు ఇంజి
 కెత్తోరు. కెత్కాడె ఓండు మనుషూర్కు తుంగాల్వవు 27
 దేవుండు తుంగాలీతోండు ఇంజి కెత్తోండు. అస్కె 28
 పేతురు ఇదో మమ్మ అంత విడిసి నీపేర్కె వత్తామ
 ఇంజి కెత్తోండు. కెత్కాడె ఓండు దేవుని రాజాతె 29
 శాంకలోనన్న తల్లూరు తప్పేనన్న తాన తమ్మూర్కినన్న
 ముత్తేనన్న పిల్లనన్న విడిసి ఈ లోకాతె దీబె రెట్కీని 30
 వాదాని లోకాతె బెప్పోటికిమన్నాని జీపము అర్వోండు
 బేనోండు ఇల్లోండు ఇంజి మీకు నిజము కెచ్చోరె
 మిన్నాన ఇంపి ఓరికి కెత్తోండు.

యేసు డొల్లదటం గురీసి మూడవ విసూరు కెత్తటం

అస్కె ఓండు పన్నెండు మంతీని కరింగి ఇదో యెరూష 31
 లేమ్మికి అంజోరె మిన్నామ. మనుషుని మర్రీని శాంక
 వ్రవక్తాకు రాస్తవు అంత ఈడేరితా. ఓండు మనుషూర్కింకి 32
 ఈసి మంతోండు ఓరు ఓరిని ఆస్కెము తుంగి, నిందె
 వాటి, ఓని పొర్రొ ఉచ్చి ఓనిని కొరడాతె తన్ని అవుకి 33
 తోరు. ఓండు మూడో రోజ్ని మల్చి తేదితోండు ఇంజి
 కెత్తోండు. ఓరు ఈమాటనవుటె బ్రొటన పుందిల్లె, 34

ఈమాట ఓరికి మింజి మత్తై. ఓండు ఓనికి కెత్తవు ఓరు
పుందిల్లె.

యేసు గుడ్డివానిని చాయ తుంగటం

- 35 ఆ పయ్య ఓండు యెరికో ఇన్నాని పట్టణాత్కి వత్తస్కె
36 ఒర్రొ గుడ్డి ఓండు అరై కుద్ది తల్వోరై మత్తోండు. ఓండు
దాయాని పజ్జతీని రవిలి కేంజి ఇద్దు బాత ఇంజి తల్వోండు.
37 తల్వకాడె ఓరు నజోరీయుడత్తై యేసు అరై అంజోరై
38 మిన్నోండు ఇంజి ఓనికి కెత్తోరు. అస్కె ఓండు,
యేసూ! దావీదు మర్రీనీ, నా పొర్రొ దయ తాస ఇంజి
39 కేయి కెత్తోండు. కెత్కాడె కొట్టా మంద ఇంజి
మున్నె దాయనోరు ఓనిని బెరియ బెరియ కెత్తోరు.
గోని ఓండు ఇంగ బాగా దావీదు మర్రీనీ, నా పొర్రొ
40 దయ తాస ఇంజి కేయి కెత్తోండు. అస్కె యేసు
41 నిచ్చి ఓనిని నా అగ్గ తీసి తర్ర ఇంజి కెత్తోండు. ఓండు
దగ్గిర వత్తస్కె యేసు నన్న నీకి బాత తుంగవాలె ఇంజి
తల్వోరై మిన్నీని ఇంజి తల్వోండు, తల్వకాడె ఓండు
42 ప్రభువా! నాకు చూపు ఈము ఇంజి కెత్తస్కె. యేసు
ఓనికి, ఊడ, నీ నమ్మకము నీనిని సైకు తుంగై ఇంజి
43 కెత్తోండు. అస్కెనే ఓండు ఊడి, దేవుని గొప్ప
తుంగోరై ఓని పేర్కై అత్తోండు. పజ్జంత దాని ఊడి
దేవుని గొప్ప తుంగోరు.

జక్కయ్య యిన్నాని మనుషూండు

19 ఆ పయ్య ఓండు యెరికో ఇన్నాని పట్టణాతికి వరి,
 అగ్గటి కాళి అంజోరె మననస్కె, ఇదో, జక్కయ్య
 ఇన్నాని మనుషూండు మత్తోండు. ఓండు దణుము 2
 పెయిదనోరి అవుటె బెరియ ఓండు ఆళి సంసారి ఆళి
 మత్తోండు. ఓండు యేసు బేనోడో ఓనిని ఊడవాలె 3
 ఇంజి ఓదిస్తోండు గోని ఓండు గుట్టోండు ఆళి మనగాడె
 ఓనిని ఊడాలువ అత్తోండు. అస్కె ఓండు మున్నె 4
 మిర్రి, యేసు ఆలవైతోండు ఇంజి ఓనిని ఊడనాకి ఒర్రొ
 మేడి మారతర్తోండు. యేసు ఆ సాయ వత్తస్కె కండ్కు 5
 తేఃచి ఓనిని ఊడి, జెక్కయ్యా, జప్పున డిగ్గ నన్న నీ లోను
 నేండు మందవాలె ఇంజి ఓనికి కెత్తోండు. అస్కె ఓండు 6
 జప్పున డిగ్గి, కుశేల్తె ఓనిని దగ్గిర తీస్తోండు. అందోరు 7
 దానిని ఊడి, ఈండు పాపోతోని లోను అత్తోండు ఇంజి
 గొలుంగ్తోరు. అస్కె జక్కయ్య నిచ్చి ఇదో, ప్రభువా! 8
 నా ఆదాతె సగము పుండకోర్కింకి ఈసోరె మిన్నాన,
 నన్న బేనోనగ్గ అన్యాయాతె బేదన్న తీసి మత్కు, ఓనికీ
 నాలు అచ్చు మల్చి ఈసోరె మిన్నాన ఇంజి ప్రభువు
 నికి కెత్తోండు. కెత్కాడె యేసు, నేండు రక్షణ ఈ 9
 లోఃత్తికి వాళి మిందె, ఈండు వెండె అబ్రాహామిని
 మర్రి. మాయితె. దాని మెఃకి రక్షీస్సనాంకి మనుషుని 10
 మర్రి, వాళి మిన్నోండింజి ఓనికి కెత్తోండు.

నాణేకు ఉపాయము

- 11 ఓరు ఈ మాట కేంజోరె మన్నాంగ, ఓండు యెరూష
 లేఱ్ఱుకి దగ్గర మనగాడె దేవుని రాజ్యము అస్కెనె ఊడ
 కయితె ఇంజి ఓరు ఓదిస్తకాడె ఓండు ఇంగొర్రొ గొట్టి
- 12 కెత్తోండు. ఓండు బాత కెత్తోండిత్కు, ఒర్రొ రాజీని
 మర్రి ఒర్రొ రాజ్యము గణిస్సి, మల్కి వాదవాలె ఇంజి
- 13 దూర దేశేతికి వైనము ఆశి. ఓని జీతగాకిని పది
 మంతీని కరింగి ఓరికి పది ¹మీనా ఈసి నన్న వాదాని
- 14 జేలు యెవారము తుంగాటి ఇంజి ఓరికి కెత్తోండు. గోని
 ఓని పట్టణతోరు ఓని పొర్రొ కోద తాసి ఈండుమా
 పొర్రొ రాజు ఆశి మంద నాంకి మాకు సమ్మాతి ఇల్లె
- 15 ఇంజి ఓని పేరెక ఒడ్డితె పెద్దాని రోతోరు. ఓండు
 ఆ రాజ్యము గణిస్సి మల్కి వత్తస్కె ఒర్రొ ర్రొండు బేని
 యెవారము తుంగ్తోంఱో ఊడనాంకి ఓండు మీనాని ఇత్తె
 నవుకారీని కరింగిస్తోండు. అస్కె, మున్నెతోండు వాశి,
- 16 ప్రభువా! నిమ్మ ఇత్తె మీనా వాటి, ఇంగ పది మీనాని
- 17 గణిస్తాన ఇంజి కెత్తోండు. కెత్తాడె ఓండు బలె మేత్త
 నవుకారీని, నిమ్మ ఉచ్చుట వుటె నమ్మకాతె మిన్నీని, నిమ్మ
 పది పట్టణాకీని పొర్రొ దురువాలు ఆశి మంద ఇంజి ఓనికి
- 18 కెత్తోండు. అస్కె ఇంగొర్రొండు వాశి, ప్రభువా,
 నీ మీనా వాటి అయిదు మీనాని గణిస్తాన ఇంజి
- 19 కెత్తస్కె. నిమ్మ గిన్న ఐదు పట్టణాకీని పొర్రొ దురువాలు
- 20 ఆశి మంద ఇంజి ఓనికి కెత్తోండు. అస్కె ఇంగొర్రొండు

¹మీనా, ఇత్కు నల్లై రూపాయింగు

వాశి, ప్రభువా, ఇదో నీ మీనా దానిని నన్న గుడ్డతె
 తోఁచి తాస్తాన. బారిత్తు నిమ్మ తాసువ దానిని 21
 పెఁకోరె, వీతువ దానిని కొయిసోరె మన్నాని పినిష్టి
 ఓనిని ఆశి మిన్నీని ఇంజి నీకు వెర్చి మత్తాన ఇంజి
 కెత్తోండు. కెత్కాడె ఓండు, మేల్వో నవుకారీని, 22
 నీ పవుటె మాటనాల నీకు తీర్పు తుంగితాన, నన్న
 తాసువ దానిని పెఁకోరె, వీతువ దానిని కొయిసోరె
 మన్నాని పినిష్టి మనుషూని ఇంజి నిమ్మ పుత్తీని. ఆల 23
 ఇత్తు నిమ్మ నా సొమ్మ సావుకారి నగ్గ బారితాసిల్లె. అస్కె
 నన్న వాశి వడ్డితె పెయిదిపోన ఇంజిఓనికి కెచ్చి. ఈనగ్గ 24
 ఆ మీనా పెయిసి పది మీనాంగు మన్నాని ఓనికి ఈము
 ఇంజి దగ్గిర నిత్తోరికికెత్తోండు. అస్కె ఓరు ప్రభువా, 25
 ఓనికి పది మీనాంగు మిన్నాంగు ఇంజి కెత్కాడె.
 మననోనికి ఈసి మంతె, ఇల్లు వోనగ్గటి కుంచి ఓనికి 26
 మననదు వెండె పెయిసి ఓసిమంతె ఇంజి మీకు కెచ్చోరె
 మిన్నాన. అదయివ నన్న రాజరికము తుంగనాంకి మతి 27
 ఇల్లువ నా కోదగాఁకింకి ఇగ్గ తీసి తచ్చి, ఓరిని నా మున్నె
 కఃమూటి ఇంజి కెత్తోండు.

యేసు సద్దాతితోటి యెరూషలేము అందటం

యేసు ఈ మాట కెచ్చి యెరూషలేమ్మికి దాయ 28
 నాంకి మున్నె ఆగ్తోండు.

ఓండు ఒలీవ ఇన్నాని మెట్టనగ్గ మన్నాని బేత్సగే 29
 బేతని ఇన్నాని నాఁకినగ్గ వత్తస్కె ఓని శిషూర్కీనవుటె
 ఇరివిరీని కరింగి, ఓరికి బాత కెత్తోండిత్తు. మీరు 30

మున్నె మన్నాని గూడేతికి అన్నటు అగ్గ మీరు వ్ర
 పయ్య తోఁతె ఒర్రొ గాడి దెపిల్లతీని ఊడి తీరి దాని
 పొర్రొ బేని మనుషూండన్న బెప్పొడి కుద్దిలై దానిని లేఁచి
 31 తర్రాటి. అస్కె బేనోండన్న మీరు బారి దీనిని
 లేఁతితీరి ఇంజి మీమిని తల్పకు, ఇద్దు ప్రభుకు అక్కెర
 మిందె ఇంజి ఓనికి కెల్లాటి ఇంజి ఓరిని రోఁతోండు.
 32 రోఁచి మననోరు అంజి ఓండు ఓరికి కెత్తాలై ఊడ్తోరు.
 33 ఓరు ఆ గాడిదె పిల్లతీని లేఁచోరె మననస్కె దాని పోర్రోరు
 మీరు ఆ గాడిదె పిల్లతీని బారి లేఁచోరె మిన్నీరి
 34 ఇంజి ఓరిని తల్పోరు. తల్పకాడె ఓరు ఇద్దు ప్రభుకి
 35 అక్కెర మిందె ఇంజి కెత్తోరు. ఆ పయ్య ఓరు యేసునగ్గ
 దానిని తచ్చి ఆ గాడిదె పిల్లతే పొర్రొ ఓరి గుడ్డా
 36 వాటి యేసుని దాని పోర్రొ తర్పిస్తారు. ఓండు అంజోరె
 37 మన్నాంగ ఓరి గుడ్డా అర్రి వెంట తార్తోరు. ఒలీవ
 మెట్టతె కుంచి డిగ్గాని జాగాతికి ఓండు దగ్గెర వత్తపయ్య,
 శిషూర్కిని గుంపు అంత కుశేలి పర్చి.

38 వ్రభుని పెద్దేటె వాదాని రాజు గొప్పమన్ని పరలో
 కాతె సమ్మతె పొర్రొటి మా గొప్ప మహిమ మన్ని
 ఇంజి ఓరు ఊడ్డె గొప్ప కార్యాకీని శాంక మా లావు
 రొద్దాతె దేవుని సంభ్రము తుంగనాంకి మొదొలొ
 పెయిత్తోరు.

39 అత్కాడె ఆ గుంపీతె మన్నాని పరిసయ్యూర్కు
 సగతోరు గురువా, నీ శిషూర్కిని బెరియ బెరియ కెల్ల
 40 ఇంజి ఓనికి కెత్తోరు. గోని ఓండు ఈరు కొట్టా మత్కు

ఈ కల్కు కేయితాంగు ఇంజి మీకు కెచ్చోరె మిన్నాన
ఇంజి ఓరికి కెత్తోండు.

యేసు యెరూషలేము గురీసికీయటం

ఓండు దగ్గర వత్తపయ్య పట్టణాతీని ఊడి దాని 41
శాంక అడిసి, ఈల కెత్తోండు. నిమ్మ ఈ నీ రోజినన్న 42
నీసైకు మన్నాని వాటిని పుత్తు నీకు మేలు, గోని, ఇంజె
వాటిని ఊడాలవ మిన్నీని. నీ ఊదతోరు నీ చుట్టు 43
కట్టవాటి, కమ్మి, నీనిని అరికట్టి నీనిని నీ పిల్లాని నేలై
కలిపితోరు. ఓరు నీ అవుటె కల్లె పొర్రొ కల్లు మందీవ 44
రోజ్కు వయితాంగు, బారిత్తు నీకి ఇత్తై సమయము
నిమ్మ పుందిల్లె.

యేసు దేవుని గుడిదీని శుభ్రం తుంగుటం

ఆ పయ్య ఓండు గుడిదె బచ్చి, నాలోను పార్దన 45
తుంగానిలోను ఇంజి రాసి మిందె, గోని దానిని దొం
గాని పడవ సన్నము తుంగ్గీరి ఇంజి ఓరికి కెత్తోండు.
అస్కై దానగ్గ అమ్మనోరిని అస్సనోరిని బైదె తుర్న నాంకి 46
మొదొలొ పెయితోండు. ఓండు రోజు గుడిదె బోధిసోరె 47
మత్తోండు అస్కై గొప్ప పూజారీరు శాస్తూర్కు, పజ్జాని
పెద్ద ఓనిని అవుకనాంకి మెఃకోరె మత్తోరు. గోని పజ్జ 48
అందోగు ఓని మాట కేంజనాంకి లావు ఆశపర్షి
మత్కాడె, ఓనిని బేల అవుకితోరో పుందిల్లారు.

యేసు గొప్పతనాతె గురీసి తల్పటం

20

ఆ రోజ్కని ఒర్రొ పాలి ఓండు గుడిదె బోధిస్తోరె
కుశేలి కబురు ఆటోరె మననస్కె గొప్ప పూజార్కు,

శాస్త్రూర్కు, పెద్ద తోరితోంటె ఓని పొర్రోటికి వాశి.

2 నిమ్మ బేని అధికారాతె వీటిని తుంగోరె మిన్నీనో,
ఆ అధికారము నీకు బేనోండు ఇత్తోండో, అద్దు మాకు
కెల్ల ఇంజి ఓనికి కెత్తోరు. కెత్కాడె ఓండు నన్న

3 మీమిని ఒర్రొ మాట తల్పి తాన, నాకు జవాబు

4 ఈమూటు. యోహానిని బాప్తిస్థము పరలోకాతె కాశి
వత్తెయా? ఇల్లూకు మనుషూర్కి నగ్గటి కాశి వత్తెయా?

5 ఇంజి ఓరిని తల్తోండు. అసెక ఓరు, మనడ పరలోకాతె
కాశి ఇంజి కెత్కు, ఈండు ఆల అతుక మీరు బారి

6 ఓనిని నమ్మిల్లీరి ఇంజి తల్పితోండు. మనుషూర్కి నగ్గటి
కాశి ఇంజి కెత్కు, పజ్జ అందోరు మనాని కల్కీని
ఎస్సితోరు, బారెత్కు యోహాను ప్రవక్త ఇంజి అందోరు

7 నమ్మోరె మిన్నోరు ఇంజి ఓరవుటె ఓరు ఓదిస్సి. అద్దు
బెగ్గటి కాశి వత్తాయో మమ్మ పుండిల్లూమ ఇంజి ఓనికి

8 కెత్తోరు. అసెక యేసు, నన్న వెండె బేని అధికారాతె
వీటిని తుంగోరె మిన్నానో అద్దు మీకు కెల్లొన ఇంజి
ఓరికి కెత్తోండు.

ద్రాక్షాతోటాతె గురీసి ఆల్పట

9 అస్కె ఓండు పజ్జాటికి ఈ గొట్టి కెత్తోండు. ఒర్రొ
మనుషూండు ద్రాక్షాదోట వాటిస్సి, దానిని గుత్తాటికి
ఈసి, ఇంగొర్రోదేశేటికి అంజినానజేలు అగ్గ మత్తోండు.

పంట తరై ఓండు ఆ ద్రాక్షాతోట పణినవుటె నాకు 10
 పాలు ఈమూటు ఇంజి తల్పనాంకి ఆ గుత్తదారి నగ్గ
 ఓర్రా బంట్లాతీని రోఃతోండు, అస్కె ఆ గుత్త దార్కు
 ఓనిని తన్ని వట్టి కైక్కిని రోఃతోరు. మల్పి ఓండు 11
 ఇంగొర్రా బంట్లాతీని రోఃతోండు అస్కె ఓరు ఓనిని
 వెండె తన్ని సిగ్గుల మాలము తుంగి వట్టి కైక్కిని
 రోఃతోరు. మల్ల ఓండు మూఱోదమ్ము ఇంగొర్రోని 12
 రోఃతోండు, ఓరు ఓనిని గిన్నగాయము తుంగి బైదె
 వాట్టోరు. అస్కె ఆ ద్రాక్షాతోట దక్షకుడు నన్నబాత 13
 తుంగి తాన, నా ప్పిర్తితె మర్రీని రోఃతితాన, ఓరు ఓనిని
 ఊడి లొంగి మంతోరు బోనో ఇంజి ఓని మర్రీని
 రోఃతోండు. గోని ఆ గుత్తతోరు ఓనిని ఊడి, ఈండు 14
 హక్కు దారి, ఈ హక్కు మనాంకి వాదనాంకి ఈనిని
 అవుకాడ వర్రాటి ఇంజి ఓరవుటె ఓరు ఓదిస్సి మంజి,
 ఓనిని ద్రాక్షాతోటాతె బైదె వాటి అవుక్తోరు. ఆల 15
 అత్కాడె ఆ ద్రాక్షాతోటాతె దక్షకుడు ఓరికి బాత
 తుంగితోండు? ఓండు వాసి ఆ గుత్తదార్కిని అవుకి, 16
 ఓని ద్రాక్షాతోటతీని బైదోరికి ఈతోండు ఇంజి కెత్తోండు.
 కెత్కాడె ఓరు కేంజి ఆల మనోవ్వు మన్ని ఇంజి కెత్తోరు.
 అస్కె ఓండు ఓరిని ఊడి, ఆల అత్కు లోను తోఃతనోరు 17
 తీసి వాట్టె కల్లు గొంత్తె తల కల్లు ఆళి మిందె ఇంజి
 రాస్తదు బాత?

ఈ కల్లె పొర్రా అర్దనోండు బేనోండన్న నుర్నురు 18
 అయితోండు, గోని అద్దు బేనోని పొర్రా అర్దితో,
 ఓనిని పిండి గుండాలు తుంగితె ఇంజి కెత్తోండు.

పన్ను ఈదన గురీసి తల్పటం

- 19 అస్కె పెద్ద పూజార్కు శాస్త్రూర్కు ఓరి శాంక
 ఆ గొట్టి కెత్తోండింజి పుంజి, అస్కెనె ఓనిని పెయి
- 20 దనాకి ఊడ్తోరు, గోని పజ్జాతికి వెర్తోరు. ఆ పయ్య
 ఓరు ఓనిని కేపీ తారా జీనికి ఓనికి ఈదనాంకి ఓని
 మాటనవుతె తప్పు పెయిదనాంకి ఓరు మేల్తోరము
 ఇన్నాని కుట్రతోరిని వాటి ఓరిని ఓనగ్గ రోఃతోరు.
- 21 ఓరు వాశి, గురువా, నిమ్మ బాగా కెచ్చోరె బోధి
 స్సోరె మిన్నీని, నిమ్మ అందోరిని ఒర్రో మచ్చు ఊడ్తోరె,
- 22 నిజాతె దేవుని మాట కెచ్చోరె మిన్నీని ఇంజి. పుత్తామ
 మండ కైసరినికి శిస్తు తోఃతనదు నాయ్యమా అయ్యోయా
- 23 ఇంజి ఓనిని తల్పోరు తల్పకాడె ఓండు ఓరి కుట్రతీని
- 24 పుంజి మీరు బారి నానిని శోధిస్సోరు మిన్నీరి. ఒర్రో
 దేనారము నాకితోఃమూటు, దీని పొర్రో బేనోని రూపు
 పెద్దేరి మిందె ఇంజి తల్పోండు, తల్పకాడె ఓరు కైసరినవు
- 25 ఇంజి కెత్తోరు. అస్కె ఓండు ఆల అత్కు కైసరినవు
 కైసరినికి దేవునవు దేవునికి ఈమూటు ఇంజి ఓరికి
- 26 కెత్తోండు. అస్కె ఓరు పజ్జాతి మున్నె ఓని మాటాని
 కైదె ఓనిని పెయిదాలువ, ఓని జవాబు కేంజి ఆశరము
 పర్చి కొట్టోమత్తోరు.

తేదటం గురీసి తల్పటం

- 27 ఆ పయ్య డొల్తోరు మల్చి తేదోరు ఇంజి కెత్తాని
 సద్దూకయ్యూర్కు సగతోరు ఓనగ్గ వాశి ఓనిని ఈల

తల్పారు. గురువా, ఒర్రోని తమ్మినికి ముత్తై మంజి 28
 ఓండు డొల్తుకు, ఓనికి పిల్లా ఇల్లూకు, ఓని దాదాలు,
 ఓని ముత్తేని పెల్లి తుంగి, ఓని తమ్మినికి పిల్ల పుట్టిస్సవాలె
 ఇంజి మోషే మనాంకి రాస్తోండు. సరె, తమ్మూరు 29
 యేడువురు మత్తోరు, మున్నేటోండు ఒర్రో నాట్వాటిని
 పెల్లి తుంగి పిల్ల అయివాకె డొల్తోండు. అస్కె రెండో 30
 ఓండు ఆ నాట్వాటిని పెల్లి తుంగి, ఓండు ఇత్కన్న పిల్ల
 అయివాకె డొల్తోండు. అస్కె- మూడో ఓండు దానిని 31
 పెల్లి తుంగోండు. ఆలానే యేడువురు పెల్లి తుంగి పిల్ల
 అయివ డొల్తోరు. ఓరి అందోరి పెర్రె ఆ నాట్వాడి
 గిన్న డొల్తె, ఈల ఆ యేడువురికి అద్దు ముత్తై ఆళి మత్తై. 32
 మత్కాడె అందోరు మల్చి తేదనస్కె అద్దు ఓరవుటె 33
 బేనోని ముత్తై ఆళి మంతె ఇంజి తల్పారు. తల్పకాడె 34
 యేసు ఈ లోకాతె పజ్జపెల్లి తుంగోరె, పెల్లికి ఈసారె
 మిన్నోరు. గోని ఆ లోకము అర్దనాంకి, డొల్తోరగ్గటి 35
 కాళి మల్చి తేదనాంకి మేల్తోరు ఇంజి యేర్చి మననోరు పెల్లి
 తుంగోరు, పెల్లికి ఈసి మిన్నోరు. ఓరు మల్చి తేదాని 36
 మరుక ఆళి మంజి దూతాని సమ్మెతోరు మిన్నోరు, ఓరు
 దేవుని మరుక ఆళి మన గాడె ఓరు మల్చి డొల్తాలోరు.
 ఇదయివ మోషే గిన్న ప్రభుని అబ్రాహామిని 37
 దేవుండు ఇంజి, ఈసాకీని దేవుడు ఇంజి యాకోబీని, దేవుడు
 ఇంజి కెచ్చోరె డొల్తోరు తేదితోరు ఇంజి పొతికేని
 చరిత్రాతె బైదెవాటి మిన్నోండు. దేవుడు బత్తకనోరికే 38
 గోని, డొల్తోరికి దేవుండు అయ్యెండు, బారిత్కు అందోరు
 ఓని శాంక బత్తకోరె మిన్నోరు ఇంజి కెత్తోండు. అస్కె 39

శాస్త్రుని నవుటె సగతోరు, గురువా, నిమ్మ బాగా
40 కెత్తీని ఇంజి మల్కి కెత్తోరు. ఆ పయ్య ఓరు ఓనిని ఇంక
బాత తల్పాలవ అత్తోరు.

యేసు దావీదుని మర్రా?

41 అస్కె ఓండు ఓరిని ఊడి క్రీస్తు దావీదీని మర్రీని
ఇంజి ఓరు బేలు కెచ్చోరె మిన్నోరు.

42 నీ పగతోరిని నీ కాల్కీని గద్దేని నన్నము నన్న తాసాని
43 జేలు నిమ్మ నా తిన కైదె రోకు కుద్ద ఇంజి ప్రభు నా
ప్రభునికి కెత్తోండింజి కీర్తస గ్రంధాతె దావీదు ఓండే
కెచ్చోరె మిన్నోండువా.

44 ఈలానే దావీదు ఓనిని ప్రభు ఇంజి కెత్తు, ఓండు
బేలు ఓని మర్రీ ఆశి మిన్నోండు? ఇంజి కెత్తోండు.

శాస్త్రుని గురీసి జాగ్రత్త

45 అస్కె పజ్జ అంత కేంజోరె మన్నాంగ ఓండు ఓని
46 శిష్యునితోంటె ఈల కెత్తోండు. నిలువుటంగి కెర్పి
ఉడ్డవాలె ఇంజి ఓదిస్సి సంతాతె డంకాకు గుడిదె
బెరియతోరు కుద్దాని వీటా, విందీతె బెరియతోరు కుద్దాని
బంతితె మెఃకాని శాస్త్రుని శాంక జాగ్రత్త పర్మాటు.

47 ఈరు ముండ్రాల్కీని ఆదాతీని తింజోరె కుట్రాతె, జేలి
పార్దస తుంగోరె మిన్నోరు ఈరు మా లావు తన్ను
తింతోరు.

ఎదవముండ కానుక

21 ఓండు ఓని కండ్కు తేఃచి సంసారీరు ఓరు ఈ దాని
 ధర్మము ధర్మాతె పెట్టేతె వాటనదు ఊడ్తోండు.

అస్కె ఓండు ఒర్రొ పుండకోరి ముండ్రాలు గిన్న 2
 రెండు దమిడి ఆ పెట్టేతె వాటనదు ఊడి ఓరికి ఈల
 కెత్తోండు. ఈ పుండకోరి ముండ్రాలు అందోరికన్న దీబె 3
 వాట్టె ఇంజి మీకు నిజము కెచ్చోరె మిన్నాన.
 బారెత్తు ఈరు అంత సంసారీరు ఆశి ఇత్తోరు గోని ఇద్దు 4
 పుండకోరి ఆశి మంజి దానగ్గ మననదు అంత ఇత్తె.

యెరూషలేము పాడును గురీసి లోకాత్కి మున్నె కెత్తటం

ఆ పయ్య నగతోరు, ఇద్దు బెచ్చో చక్కాని కల్కి 5
 తోంపె అర్చితాకింతోపే సింగర్చి మిందె ఇంజి, దేవుని
 గుడిదె శాంక తిరియోరె మననస్కె. ఓండు మీరు 6
 ఊడాని వాటవుటె కల్దె పొర్రొ కల్లు మందీవ తుర్సాని
 రోజుక వయితాంగు ఇంజి కెత్తోండు. అస్కె, ఓరు 7
 గురువా ఇవు బెప్పోడి అయితా? ఇవు ఆదనస్కె బేని
 సోద్యము అయితే? ఇంజి ఓనిని తల్పోరు. తల్పకాడె 8
 ఓండు ఈల కెత్తోండు, మీరు బొంద పర్వ దిట్టము
 మందాటి, బారెత్తు దీబె మంది నా పెద్దేటె వాశి,
 నన్న క్రీస్తుని, రోజు దగ్గిర వత్తె ఇంజి కెయితోరు మీరు
 ఓరి పేర్కె అర్చాటి. మీరు లొడాయికీని గురించి 9
 మయిదాని శాంక కేంజనస్కె వెర్చాటి ఇవు మున్నె
 ఆదవాలె, గోని అంతము జప్పున వారొ.

- 10 ఆ పయ్య ఓండు ఓరికి బాత కెత్తోండితుకు దేశము
 దేశేతె పొర్రోటికి, రాజ్యము రాజ్యతె పొర్రోటికి
 11 తేదితె. దీబె జాగానె భూమి వణికితె కరువుకు రోగాకు
 వయితా. పొర్రోటి కాళి వెర్దాని పాలం బెరియ బెరియ
 12 సోదేకు అయితా. గోని ఇవు అంత వరువాకె మున్నె,
 ఓరు మీ పొర్రో కైక్కు వాటి, నా పెద్దేటి శాంక
 13 కైదికినగ్గ తచ్చి తిప్ప తుంగితోరు. అద్దు సాక్షేతె
 14 రోసాత్కి మీకు మంతె. ఓరు మీమిని ఆల తుంగనస్కె
 మీరు జవాబు ఈ దనాంకి మున్నె ఓదిస్సవ మందనాంకి
 15 మీ మత్తిలై దిట్ట పర్మాటు. మీకు రోద మననోరిని
 అందోరిని ఎదురు కెత్తనాంకి వడి మాట జ్ఞానము మీకు
 16 ఈతాన. అస్కె మీరు తల్లూరు తప్పేరిని కైదె, తాన
 దమ్ము ర్కిని కైదె, సుట్టకీని కైదె, జోకతోరి కైదె ఈద
 బర్దితోరు మీ అవుటె సగతోరిని అవుకిస్సితోరు.
 17 నా పెద్దేటె శాంక అందోరు మీమిని పగ తుంగితోరు.
 18 గోని మీ తల కెల్కినవుటె ఒర్రొటన్న కుస్సి అర్వో.
 19 మీ ఓప్పేతె మీ జీవుకు దక్కిస్సాటి.
 20 గోని యెరూషలేమ్మిని దండీని కైదె సుట్ట వాటి మన
 నదు మీరు ఊడ్తస్కె, అద్దు పాడు ఆదనాంకి దగ్గిరపరై
 21 ఇంజి వుంజి మందాటి. అస్కె యూదయ్య దేశేతె
 మననోరు మెట్టానికి మిర్రవాలె, దానవుటె మననోరు
 దాయవాలె గూడకీని మననోరు దానగ్గ దాయకయ్యో.
 22 బారిత్తు రాస్తవు అంత ఆదనాంకి ఇవు శిక్షా రోజుకు
 23 ఆశి మిన్నాంగు. అయ్యో, ఆ రోజ్కీని ఊక్కాతె

మననోరికి, పాలు ఈ దనోరికి తిప్ప మంతె, ఈదేశేతికి
 లావు తిప్ప, ఈ పజ్జాతి పొర్రొ లావు రోశెము మంతె.
 ఓరు కశేటె కుమ్మి డొల్లితోరు. ఓరిని కెడిని దీబె 24
 దేశేకింకి తీసి ఒయితోరు. అస్కె అన్య పజ్జాతె రోజ్క
 ఆదాని జేలు అన్య పజ్జ యెరూషలేమ్మాని కాలీని
 ఒగ్గితోరు. అదయివ పొడుదినగ్గ నెలతగ్గ ఉక్కాకీనగ్గ 25
 సోదేకు మంతాంగు. నేల్దె సముద్రాతె తల్కిని రావు 26
 రోసాత్కి పజ్జ అందోరి లోకాతికి వాదాని వాటి శాంక
 కేపోరె వెర్చి మంతోరు. బారిత్కు విన్నీని వడింగు
 ఊంగోరె మంతాంగు. అస్కె- మనుషూని మర్చి మబ్బి 27
 నవుటె వడిదె మా మహిమాతె వాదనదు ఊడితోరు.
 ఇవు ఆదనాంకి మొవొలిస్సనస్కె మీరు దుట్టము 28
 తచ్చి, మీ తలాంగు తేఃమూటు బారిత్కు మీ రక్షణ
 దగ్గిర పర్చి మిందె.

జాగ్రత్తాతె గురీసి మందట

ఇంగ ఓండు ఓరికి ఈ గొట్టి కెత్తోండు బాతిత్కు. 29
 అంజారపు మార ఊడాటి, మార కీనంత ఊడాటి 30
 అవు కొడ్సనస్కె మీరు ఊడి వేసెం కాలము దగ్గిర వత్తె
 ఇంజి మీకి మీరే పుంతీరి. ఆలానే మీరు ఇవు 31
 ఆదనదు ఊడనస్కె దేవుని రాజ్యము దగ్గిర పర్తె ఇంజి
 పుంజి మందాటి. అంత ఆదాని జేలు ఈ తరము 32
 మాయె ఇంజి నన్న మీకు నిజము రెచ్చోకె మిన్నాన.
 విన్ను భూమి మా యితా గోని, ఈ నా మాట 33
 బెప్పోటికి మాయె. మీ మతి ఒర్రొ వేళ తిండిదె, 34

- కైఫీన, ఈ బతికీని విన్నారాతె మొండి పర్చి, మత్కాడె
 ఆ రోజు తల్కునె మీ పొర్రోటికి నర్రవ మీకు మీరే
 35 దిట్టాతె మందాటి. అద్దునేల్లె మననోరు అందోరి
 36 పొర్రోటికి ఉచ్చూ టన్న వయితె. దీని కోసాత్కి
 మీకు ఈ ఆదనవు అంత తప్పిస్సనాంకి, మనుషుని మర్రీని
 మున్నే నిత్తనాంకి మేల్తోగు ఇంజి పర్చి మననాంకి బెప్పోటికి
 37 పార్దన తుంగోరె తెలివీని మందాటి. ఈల యేసు
 పైయాలి గుడిదె బోధిస్సోరె నర్రు బైదె అంజి బలీవ
 38 ఇన్నాని మెట్టాతె మననోండు. పజ్జ అంత గుడిదగ్గ ఓని
 మాట కేంజనాంకి ఓనగ్గ పొడుదీనె వాసోరె మత్తోరు.

యూదా పాడు పన్ని

- 22** పస్కా ఇన్నాని పుల్తెస్సె ఆరీని పణుము దగ్గిర వత్తె.
 2 అస్కె పెద్ద పూజారీరు శాస్త్రూర్కు ఓనిని బేల
 అవుకిస్సితామ ఇంజి మెఃకోరె మిన్నోరు, గోని ఓరు
 వజ్జాతికి వెర్తోరు.
 3 అస్కె పన్నెండు మందితె ఒర్రోండు ఇసకరియోతు
 4 ఇన్నాని యూదానాపె సైతాను ఒచ్చె. ఓండు అంజి
 పెద్ద పూజారీరి తోంపె గొప్ప వారి తోంపె ఓనిని ఓరికి
 5 బేల ఈదకయిదో ఇంజి ఓరితోంపె తిర్వోదోండు. అస్కె
 ఓరు కుశేలి పర్చి, ఓనికి సామ్ము ఈదనాంకి కాతులు
 6 పర్తోరు. అస్కె ఓండు కాతులు పర్చి ఓనిని ఓరికి
 పెయిసి ఈదనాంకి పజ్జ ఇల్లువస్కె మెఃకోరె మత్తోండు.

ఆకారై ముల్పైతి తోడాత్కి తయారాదటం

పస్కా అవుకాని పుల్లెన్ ఆరీని రోజు వత్తై. అస్కె 7
 ఓండు పేతురిని యోహానిని కరింగి, మీరు అంజి, మనడ 8
 తిందనాంకి మనాంకి పస్కాని తయారుతుంగాటి ఇంజి ఓరిని
 రోఃతోండు. ఓరు, మమ్మ బెగ్గ తయారు తుంగవాలె 9
 ఇంజి మిన్నీని ఇంజి ఓనిని తల్పోరు. అస్కె ఓండు, ఇదో, 10
 మీరు పట్టణాతె ఒచ్చోరె మననసెక, ఏత్తై కుండ కాంజి
 ఓదాని ఒర్రొ మనుషూండు మీకు మున్నె వయితోండు.
 ఓండు ఏరాని లోఃత్తికి ఓని పేరెక అర్పి. నన్న నా 11
 శిషూరికిని తోంబెపస్కా తిందనాంకి ఒర్రొ అర్ర తోఃము
 ఇంజి గురువు నీకు కెచ్చోరె మిన్నోం డింజి ఆలోఃత్తై
 పెద్దాతెదోంబె కెట్లాటి. అస్కె ఓండు తయారు తుంకై 12
 ఒర్రొ అర్ర మీకు తోఃతిదోండు. అగ్గ తయారు
 తుంగాటి ఇంజి ఓరికి కెత్తోండు. ఓరు అంజి ఓండు ఓరికి 13
 కెత్తాల ఊడి, పస్కాని తయారు తుంకోరు.

ఆకారై ముల్పైతి దోడా

ఆ గడియ వత్తసెక ఓండు పన్నెండు మంది శిషూరికిని 14
 తోంబె అంజి బంతితె కుద్దోండు. అస్కె ఓండు, నన్న 15
 తిప్ప అర్రువాకే మున్నె మీ తోంబె ఈ పస్కాతీని తింద
 వాలె ఇంజి మా లావు ఆశ పర్పి మిన్నాన. అద్దు దేవుని 16
 రాజ్యాతె ఆదానిజేలు ఇంగ బెస్కేటికి దానిని తిన్నోన ఇంజి
 మీకు కెచ్చోరె మిన్నాన ఇంజి ఓరికి కెత్తోండు. అస్కె 17
 ఓండు గిన్నె పెయిసి, సోతము తుంగి మీరు దీనిని ఏంచి

- 18 మీ అవుటె మీరు తుసాటి. దేవుని రాజ్యము వాదాని
 జేలునన్న ద్రాక్షారసము ఉణోన ఇంజి మీకు కెచ్చోరె
 19 మిన్నాన ఇంజి కెత్తోండు. అసెకా ఓండు ఒర్రొ ఆరికైదె
 పెయిసి స్తోత్రము తుంగి దానిని విఃచి, ఓరికి ఈసి, ఇద్దు
 మీ శాంక ఈ దాని నా అవుంగు నానిని ఆది తుంగనాంకి
 20 దీనిని తుంగాటి ఇంజి కెత్తోండు. ఆలానె దోడ తిత్తపయ్య
 ఓండు గిన్నె పెయిసి ఈ గిన్నె మీ శాంక చిమిస్సోరె
 21 మన్నాని నా నెత్తు రవుటె తుంగై కొత్త నిబంధన. ఇదో,
 నానిని ఒప్పగిస్సనోని కైయు నాతోవిటె ఈ బల్లాతె
 22 పొర్రొ మిందె. కాతులు పర్తాల మనుషుని మర్రి అంజోరె
 మిన్నోండు, గోని, అయ్యో బేనోండు ఓనిని ఒప్పగిస్సి
 23 తోండ్లో ఆ మనుషునికి తిప్ప ఇంజి కెత్తోండు. అసెకా- ఓరు
 ఇద్దు తుంగనోండు బేనోండు ఇంజి ఓరు ఒర్తీని ఒర్తోండు
 తల్పనాంకి మొదొలిస్తారు.

నిజాతె గొప్పతనము

- 24 గోని ఓరవుటె బేనోండు గొప్పఓండు మంతోండింజి
 25 ఓరవుటె ఉజ్జి అర్రె. అత్కాడె ఓండు ఈ లోకతోరి
 రాజూర్కు ఓరీ పొర్రొ దొరతనము తుంగోరె మిన్నోరు,
 ఒరి పొర్రొ దొరతనము తుంగనోరు గొప్ప ఓరు ఇంజి
 26 కెయితోరు. గోని మీరు ఆల మన్నీరి. మీ అవుటె
 గొప్ప ఓండు పేకాని సన్నము మన్ని పెద్దతనము తుంగ
 27 నోండు నవుకారీని సన్నము మన్ని. బారెత్కు గొప్ప
 ఓండు బేనోండు, దోడ బంతితె కుద్దనోండా ఇల్లూకు
 నవుకారి తుంగనోండా? దోడ బంతితె కుద్దనోండావా?

గోని నన్న మీయగ్గ నవుకారి తుంగనోని నన్నము
 మిన్నాన. నా శోధకినసె- నాతోంటె నిచ్చిమననోరు 28
 మీరే. మీరు నా రాజ్యతె నా బల్ల తగ్గ తింజి ఉణిజి 29
 గడ్డేని పొర్రొకుద్ది యిశ్రాయేల్దె పన్నెండు గోత్రా కీంకి 30
 న్యాయము తుంగనాంకి, నా తప్పె నాకు రాజ్యము నాకు
 యిత్రాల నన్న మీకు ఈసోరె మిన్నాన ఇంజి ఓరికి
 కెత్తోండు.

పేతురు బాంకితోడిజోరె యేసుమున్నె కెత్తటం

అస్కె ప్రభు, సీమోనీ, సీమోనీ, ఇదో సైతాను 31
 మీమిని పెయిసి గోధుమాని నన్నము జల్లోటె జాడి
 స్సనాంకి ఆశిస్తె. గోని మీ నమ్మకము తప్పవ మననాంకి 32
 నన్న నీ శాంక పార్దన తుంగి మిన్నాన నిమ్మ మతి ఉఃత
 పయ్య నీ తాడ దమ్మురీని దిట్ట తుంగ ఇంజి కెత్తోండు.
 కెత్తాడె ఓండు, ప్రభువా నీతోంటె కైదీంకి డొల్లనాంకి 33
 దాయనాంకి తయారు పర్చి మిన్నాన ఇంజి ఓనికి కెత్తోండు.
 అస్కె ఓండు పేతురీ, నేండు కొర్రు కూస్వాకె మున్నె 34
 నిమ్మ నానిని పున్నోన ఇంజి మూండు దమ్ము కెయితిని
 ఇంజి నీకు కెచ్చోరె మిన్నాన కెత్తోండు.

ఇంగ ఓండు, నన్న సంచితీని, జోలతీని, ఎర్పుకు ఇల్లువ 35
 మీమిని రోఃతస్కె మీకు బాతన్న వెల్లి అత్తెయా ఇంజి
 ఓరిని తల్తోండు. ఓరు బాత వెల్లి ఆదిల్లె ఇంజి
 కెత్తోరు. కెత్తాడె, ఓండు ఇంజె గోని సంచి అన్న 36
 జోలె యన్న మననోండు వాటిని పెయిదవాలె, కశేరి
 ఇల్లు వోండు, గుడ్డ అమ్మి ఒర్రొ కశేరి తీనవాలె.

- 37 బారీతుకు ఓనిని గుండగోయ్యురికినవుటె ఎంస్తోరు
 ఇంజి రాస్తె మాట నా అవుటె అయితె నా శాంక మాట
 ఆకరైతె ఇంజి మీకు కెచ్చోరె మిన్నాన ఇంజి ఓనికి
 38 కెత్తోండు. అస్కె ఓరు ప్రభువా! ఇదో ఇగ్గ రెండు
 కశేకు మిన్నాంగు ఇంజి కెత్తాడె, ఓండు సాన ఇంజి
 ఓరికి కెత్తోండు.

గెత్తేని యిందోని

- 39 ఆ పయ్య ఓండు బైదె అంజి ఓని మామూల్తాల ఒలీవ
 మారమెట్టాతికి అత్తోండు. ఓని శిషూర్కు ఇతకన్న ఓని
 40 పెర్కె అత్తోరు. ఆ బాగాతె ఏరి, ఓండు మీరు
 శోధాంతె వరువ మననాంకి పార్దన తుంగాటి ఇంజి ఓరికి
 41 కెత్తోండు. అస్కె ఓండు ఓరగ్గటికాశి కల్లు అత్త అచ్చో
 42 దూరము అంజి బొట్టు మిణ ఉర్కి ఓ తప్పేని, ఈ గిన్నె
 నా అగ్గటికుంచి తీసి ఓద నాంకి నీకి మతి మత్కు అత్తకన్న
 నా వశేము అయ్యె నీ వశేము అయ్యె ఇంజి పార్దన
 43 తుంగ్తోండు. అస్కె పరలోకాతె కాశి ఒర్కొ దూత
 44 ఓనగ్గ వాశి, ఓనిని దిట్ట తుంగ్తోండు. అస్కె ఓండు తిప్ప
 అర్కి నెరుచ్చాటు పార్దన తుంగ్తోండు ఓని ఉరుబు నేలి
 45 అర్దాని బెరియ నెత్తురు బొట్టుకు ఇన్నమత్తె. ఓండు పార్దన
 రోమి, తేది, ఓని శిషూర్కినగ్గ వాశి ఓరి మున్ని వేదితె
 46 ఉంజనదు ఊడి. మీరు బారి ఉంజోరె మిన్నీరి, మీరు
 శోధాంతె వర్రకుంట తేది పార్దన తుంగాటి ఇంజి ఓరికి
 కెత్తోండు.

యేసును పొయితట

ఓండు ఇంగ తిరియోరె మన్నాంగ, ఇదో, పజ్జానె 47
 గుంపువత్తె పన్నెండు మందితవుట యూదా ఇననోండు
 ఒర్రోండు ఓరికి మున్నె అంజోరె, యేసుని బుర్రనాంకి
 ఓనగ్గ వత్తోండు. అస్కె యేసు యూదా నిమ్మ బుర్రి 48
 మనుషూని మర్రీని ఒప్పగిస్తోరె మిన్నీనా ఇంజి ఓనికి
 కెత్తోండు. అస్కె ఓని చుట్టు మననోరు ఆదనదు ఊడి 49
 ప్రభువా! కశేటి నర్కితామా ఇంజి ఓనిని తల్పోరు.
 అస్కె ఓరవుట ఒర్రోండు పెద్ద పూజారీని నవుకారీని 50
 తన్ని, ఓని తిన కెవిని కొయిత్తోండు. అస్కె యేసు 51
 కెన్నె అంగాటి ఇంజి కెచ్చి ఓని కెవుకేటి సైకు తుంగ్తోండు.
 అస్కె యేసు ఓనగ్గ వత్తె పెద్ద పూజారీరితోంటు గుడిదె 52
 పెద్దాతెతోంటు బెరియ తోరితోంటు మీరు దొంగాని
 పొర్రోటికి అత్తాల, కశెకితోంటు గుత్పాని తోంటు పేచి
 వత్తీరా? నన్న మీతోంటు రోజ్రోజు గుడిదె మననస్కె 53
 మీరు నా పొర్రోటికి కైక్కు ఆఃతిల్లె. గోని ఇద్దు మీ వేళ
 ఈకాటి వడి మింజి ఇంజికెత్తోండు.

పేతురు యేసు పున్నోన్ యింజోరి బొంకటం

అస్కె ఓరు ఓనిని పెయిసి, పేర్కె వాటి, పెద్ద 54
 పూజారీని లోఃత్తికి తీసి ఒత్తోరు. పేతురు దూరాతె
 పేర్కె అర్రోండు. అస్కె ఓరు వాకిల్లె, నడువు కిస్సు 55
 మాసి చుట్టు కుద్ది మననస్కె, పేతురు గిన్న ఓరి నడువు
 కుద్దోండు. అస్కె ఒర్రోలేయిదాడి ఆ కిస్సు వెన్నేల్లె 56

ఓండు కుద్దనదు ఊడి, ఓనిని దిల్లి వాటి, ఈండు గిన్న
 57 ఓని తోంఱె మత్తోండింజి కెత్తై. కెత్తాడె, ఓండు,
 బుచ్చో, నన్న ఓనిని పున్నోన ఇంజి కెచ్చి, ఓని శాంక
 58 బూస్తోండు. ఇంగ కాసేపూడ్కి ఇంగొర్రోండు ఓనిని ఊడి,
 నిమ్మగిన్న ఓరవుటె ఒర్రోని ఇంజి కెత్తోండు. పేతురు
 59 మనుషునీ, నన్న అయ్యెన ఇంజి కెత్తోండు. కెన్నె ఎంచు
 మించు ఒర్రొగడియ అత్త పయ్య ఇంకొర్రోండు నిజము
 ఈండు గిన్న ఓరితోంఱె మత్తోండు. ఈండు గలిలయ్య
 60 తోండు ఇంజి గట్టింగ కెత్తోండు. అస్కె పేతురు మనుషుని
 నిమ్మ కెత్త మాట నన్న పున్నోన ఇంజి కెత్తోండు ఓండు
 61 తిరియోరె మన్నాంగ అస్కెనే కొర్రు కూస్తై. అస్కె
 ప్రభు మల్లి పేతురినాకె ఊడ్తోండు. అస్కె పేతురు కొర్రు
 కూస్తాకె మున్నె నానిని పున్నోన ఇంజి నిమ్మ మూండు
 దముక కెయితిని ఇంజి ప్రభు ఓనితోంఱె కెత్తమాట ఆది
 62 తుంగ్తోండు. అస్కె పేతురు బైదె అంజి మా లావు
 63 అడ్తోండు. అస్కె యేసుని పెయితె మనుషూరుక ఓనిని
 ఆస్కెము తుంగి, తన్ని, ఓని కండ్కు ముచ్చి ఓని
 64 మొక్కోతె పొర్రొ కైదె తన్ని. నీనిని తంతోండు బేనోండు
 65 ఇంజి కెల్ల ఇంజి ఓనినితల్పి. ఇంగ దీబె మాటాంగు ఓనిని
 దీవిస్సోరె కెత్తోరు.

యేసు పెద్దానిమున్నె నిల్లటం

66 వీయనస్కె పజ్జాని పెద్దా, పెద్ద పూబూర్కు శాస్త్రూర్కు
 67 కలియి, ఓనిని ఓరి వంచాదీక్కి తీసి ఓసి. నిమ్మ క్రీస్తు
 నత్కు మాకు కెల్ల ఇంజి కెత్తోరు. కెత్తాడె ఓండు నన్న

మీకు కెత్తు మీరు కేంజీరి. నన్న గిన్న మీమిని 68
 తల్పుకు మీరు నాకు జవాబుకువీరి, నానిని విడిసీరి.
 ఈ పయ్య మనుషుని మర్రి దేవుని వడిదె తిన కైదె రోకు 69
 కుద్దితోండు ఇంజి ఓరికి కెత్తోండు. కెత్కాడె ఓరందోరు, 70
 ఆల అత్తు నిమ్మ దేవుని మరీనా ఇంజి తల్పారు. ఓండు
 నన్న బేనోనో అద్దు మీరు కెచ్చోరె మిన్నీరి ఇంజి ఓరికి
 కెత్తోండు. అస్కె ఓరు మన్నాంకి ఇంక సాతుూర్కిని 71
 జోలి ఇల్లె మనడ ఓని పవుటె మాట కేంజూడ ఇంజి
 కెత్తోరు.

యేసు రోమా గవర్న పిలాతు మున్నె నిల్లటం

23 అస్కె ఓరి పజ్జ అంత తేది ఓనిని పిలాతి నగ్గ తీసి ఓసి.
 ఈండు ఓండు క్రీస్తు ఇన్నాని రాజు ఇంజి కైసరినికి
 దణుము తొఁమాటి ఇంజి పజ్జాని మర్ల బర్దనాటు ఎత్తు 2
 తుంగనదు ఊడ్తామ ఇంజి, ఓని పొర్రొ గూతి వాటనాంకి
 మొదలిస్తారు. అస్కె పిలాతు నిమ్మ యూదుర్కిని రాజీనా 3
 ఇంజి ఓనిని తల్పొండు. తల్పకాడె ఓండు నిమ్మ కెచ్చోరె
 మిన్నీని ఇంజి ఓనికి కెత్తోండు. అస్కె పిలాతు పెద్ద 4
 పూజారీతోంపె పజ్జానితోంపె నన్న ఈ మనుషునగ్గ బేని
 నేరము ఊడిల్లె ఇంజి కెత్తోండు. కెత్కాడె ఓరు బలిమి 5
 తుంగి, ఈండు గలిలయ్య దేశేతె మొదొ ల్కూంజి
 ఇగ్గాటికి యూదయ్య దేశెము అంత బోధిస్తారె, పజ్జాతినె
 కైరాతు తుంగోరె మిన్నోండు ఇంజి కెత్తోరు.

యేసు ఏరోదనిమున్న నిల్లటం

- 6 పిలాతు గలిలయ్య ఇన్నాని మాట కేంజి, ఈ మను
7 షూండు గలిలయ్య తోండా ఇంజి తల్తోండు. అస్కె-
ఓండు హేరోదీని అధికారాతికి లొంగి వినోండు ఇంజి
పుత్తస్కె, ఆ రోజ్కు యెహూవలేమ్మై మన్నాని హేరోదినగ్గ
ఓనిని రోతోండు.
- 8 హేరోదు యేసుని ఊడి, లావు కుకేలి పర్తోండు. ఓని
శాంక దీబె మాట కేంజి మత్కాడె దీబె రోజ్కీని కాశి
ఓనిని ఊడ వెఃచి మత్తోండు. ఇదయివ ఓని కైదె బేదన్న
9 ఒర్రొ గొప్ప కార్యము ఊడనాంకి ఆశ పర్తోండు. అస్కె
ఓండు ఓనిని దీబె మాటాని సవాలి తల్తోండు, గోని ఓండు
10 ఓనికి మల్పి బాత కెత్తిల్లె. అస్కె పెద్ద పూజాక్కు
శాస్త్రూక్కు నిచ్చి మంజి ఓని పొర్రొ లావు గూతి
11 వాట్తోరు. హేరోదు ఓని బంట్రో తూర్కినితోంపె
కలియి, ఓనిని దీవిస్సి, అస్కెము తుంగి, ఓనికి ఒర్రొ
వెన్నె గుడ్డ కెర్పిస్సి పిలాతినగ్గ ఓనిని మల్పి రోతోండు.
12 ఆ రోజిని పిలాతు హేరోదు ఒర్రొనికి ఒర్రొండు జోకతోరు
అత్తోరు. అస్కెటికి మున్నె ఓరు ఒర్రొనికి ఒర్రొండు
కోదాతె మత్తోరు.

పిలాతుక్కు, — బరబ్బా, — యేసు

- 13 అస్కె పిలాతు పెద్ద పూజార్కీ, పెద్దాని, పజ్జాతీని
14 కరింగిస్సి. పజ్జ మర్ల బర్దనాటు తుంగోరె వినోండు
ఇంజి ఈ మనుషుని మీరు నా అగ్గ తత్తిరి, గోని ఇదో,

నన్న మీ మున్నె ఓనిని నవాలు తల్పస్కె మీరు ఈని
 పొర్రొ వాట్టె వాటవుట ఒర్రొ నేరమన్న నన్న ఊడిల్లె.
 అదయివ హేనోదు బాత ఊడిల్లె. నన్న ఓనగ్గ మీమిని 15
 రోఃతాన, గోని ఇదో, ఈండు డొల్లాని పాలము తుంకై
 నేరము బాత ఇల్లె. ఈనిని నన్న తన్ని విడిసి ఈతాన 16
 ఇంజి ఓరికి కెత్తోండు. ఓండు ఆ పండుతె ఓరికి ఒర్రొని 17
 విడిస్సనదు ఒర్రొ మాముల్ మత్తె. అస్కె ఓరు 18
 అందోరు ఈనిని తీసి ఓము, మాకు బరబ్బాని విడిసి ఈము
 ఇంజి ఒర్రొ మోస్తరె కేయి కేయి కెత్తోరు. ఈండు 19
 పట్టణాతె తుంకై ఒర్రొ అల్లరి శాంక, మనుషూని అవు
 కాని శాంక కైదీని తుంగ బర్తోండు. పిలాతు యేసుని 20
 విడిసి ఈదనాంకి మతి కొల్పి ఓరికి మల్పి తిర్వ్యకన్న.
 గోని ఓరు, ఈనిని శిలువ వాట, శిలువ వాట ఇంజి కేయి 21
 కెత్తోరు. అస్కె మూండ్లో దమ్ము ఓండు, బారి, ఈండు 22
 బేని నేరము తుంగి మిన్నోండు? ఈనవుటె డొల్లాని అచ్చో
 నేరము నాకు ఊడకాదిల్లె. ఈనిని తన్ని విడిసితాన
 ఇంజి ఓరికి కెత్తోండు. కెత్కాడె ఓరు ఒర్రొ మచ్చు 23
 ఓనిని శిలువవాట ఇంజి కేయి కేయి కెత్తోరు. అస్కె
 ఓరి కొమ్ము గెల్లె. అస్కె పిలాతు ఓరు తల్పాల 24
 తుంగనాంకి పాలిస్సి, అల్లరి తుంగకాడె అవుక్తకాడె 25
 కైదీని రాటి మన నోని ఓరు తల్పాల ఓరికి విడిసి ఈసి
 యేసుని ఓరి సమ్మాతికి ఇత్తోండు.

యేసుని సిల్వాతే వాటటం

- 26 ఓరు ఓనిని తీసి ఓసోరె మననస్కె నాతుని కుంచి
వాసోరె మన్నాని కురేనీయుడతై సీమోను ఇన్నాని
ఒర్రోని పెయిసి యేసుని పెర్కె కేంజనాంకి ఓని పొర్రా
శిలువ తేఃతోరు.
- 27 అస్కె దీబె పజ్జ ఓని శాంక ఎదము తన్నోరె
అడోరె మన్నాని నాట్వాకీని గుంపు ఓని పెర్కె అంజోరె
28 మత్తాంగు. యేసు ఓరాకె ఉడ్డి, యెరూషలేము లేవాస్కె
నిరీనా శాంక అడంమాటి. గోని మీ శాంక మీ పిల్లాని
29 శాంక అడమూటు. బారెత్క ఇదో వంజో నాట్వాకు
పిల్ల అయివ డొక్కా పాలు ఈవ బొమ్మా కుశేల్లవు ఇంజి
30 కెత్తాని రోజుక వాసోరె మిన్నాంగు. అస్కె ఓరు మా
పొర్రా అరుము ఇంజి కురు పేని తోంపె మామిని
31 మిస్సాటి ఇంజి మెట్టాని తోంపె కెయితోరు. ఓరు పచ్చి
మాగాతికి ఈల తుంగ్కు వత్త దానికి బేల అయితే ఇంజి
కెత్తోండు.
- 32 అస్కె దొంగాని ఇరివిరీని ఓని తోంపె అవుకనాంకి
తత్తోరు.
- 33 ఓరు పుర్రె ఇన్నాని జాగాతికి వత్తస్కె, అగ్గ ఓనిని
ఆ దొంగాని, ఓని తిన కైదె రోకు ఒర్తీని రొడ కైదాకె
34 ఒర్తీని, శిలువ వాట్తోరు. అస్కె యేసు ఓ యయ్యా,
ఈరిని మన్నిస్స, ఈరు తుంగనదు బాత పున్నోరు ఇంజి
కెత్తోండు. ఆ పయ్య ఓరు ఓని గుడ్డా వైగె వైగె తీసి

చీటి వాట్టారు. పజ్జాంగు నిచ్చి ఊడోరె మననసె-ఓరి 35
 తోంట బెరియ తోరు ఈండు బైదోరిని రక్షిస్తోండు,
 దేవుండు ఏర్తె క్రీస్తు ఈండు అత్కు, ఓనిని ఓండు రక్షిస్త
 నీము ఇంజి ఆస్కము తుంగ్గోరు. బంట్టోతూరు 36
 వెండు ఓనగ్గ వాళి ఓనికి పుల్లాటి వరు ఈసి, నిమ్మ 37
 యూమార్కీని రాజినతుక నీకు నిమ్మే రక్షిస్త ఇంజి ఓనిని
 ఆస్కము తుంగ్గోరు. ఈండు యూమార్కీని రాజ ఇంజి 38
 హెల్లీని, రోమాయి హెబ్రాయి అక్షరాకీని పైవిలూసము
 ఓని పోర్టోవాట్టారు.

తొండో మన్నాని దొంగానవుట ఒర్రోండు ఓనిని 39
 దీవిస్తోరె, నిమ్మక్రీస్తు నత్కు నీనిని మామిని గిన్న రక్షిస్త.
 ఇంజి కెత్తోండు గోని రెండో ఓండు ఓనిని బెరియ బెరియ 40
 కెచ్చి నిమ్మ ఈ తిప్పాని మంజి దేవునికి వెరివీనా? మనాంకి
 ఇద్దు న్యాయము. మనడ తుంగ్గ వాటికి న్యాయ శిక్ష 41
 అరోరె మిన్నాడ, గోని ఈండు బాత నేరము తుంగిల్లె
 ఇంజి కెత్తోండు. అస్క ఓండు ప్రభువా, నిమ్మ, నీ 42
 రాజ్యాలె వత్తస్కె నానిని ఆది తాస ఇంజి యేసునితోంట
 కెత్తోండు. కెత్కా డె యేసు నేండు నిమ్మ నాతోంట 43
 పరదెస్తె మంతీని ఇంజి నిజము నీకు కెచ్చోరె మిన్నాన
 ఇంజి ఓని తోంట కెత్తోండు.

యేసు దొల్లందటం

ఉచ్చుటు ఎంచు మించు పైయూలి అత్తె. అస్కె 44
 టికాళివేళ ఉడ్డాని జేలు ఆదేశము అంత ఈకాడి అత్తె.

- 45 ఈకాడి పొదుదీ మిస్సెగుసి తెర నకువుటికి ఈంగి అత్తె.
 46 అస్కె యేసు బెరియ కూకాతె కేయి, ఓయయ్యా, నీ
 కైకీంకి నా జీవుటిని ఈసోరె మిన్నాన ఇంజి కెత్తోండు,
 47 ఓండు ఆల కెచ్చి పాణము విడిస్తోండు. అస్కె హవిల్దారు
 అత్త దాని ఊడి ఈ మనుషూండు నిజము మెంచి వాండిన్న
 48 మత్తోండు ఇంజి కెచ్చి దేవుని గొప్ప తుంగ్తోండు. వీంటిని
 ఊకనాంకి కూడ్డె మంది అత్తవాటిని ఊడి ఎదాకు తన్నోరె
 49 మల్కి అత్తోరు. ఓనికి నెలువతోరు అంవోరు గలిలయ్య
 దేశేతి కుంచి ఓని పేర్కె అర్తె నాట్వాకు వీంటిని
 ఊడోరె దూరము నిత్తోరు.

యేసేని భూమితె మిస్సటం

- 50 అస్కె, ఇదో, యూదయ్య దేశేతె మన్నాని అరి
 మతయ్య పట్టణతోండు, పంచాయదితోండు యోసేపు
 51 యిన్నాని ఒర్రో మనుమాండు మత్తోండు. ఓండు,
 మెంచి వాండు నమ్మకమైనవాండు ఆశి ఓరి ఓదింపుకింకి
 ఓరు తుంగాని పద్దికి సమ్మాతి పర్దిలై ఓండు దేవుని
 52 జార్యాతికి కేపోరె మననోండు. ఓండు పిలాతినగ్గ అంజి
 53 యేసుని పీనుతీని తల్పి. దానిని ఇడోపా డిప్పి, సన్న
 గుడ్డాని ఉత్తి, కల్ల వుటె తుఃతె బొడగాతె దానిని
 తాస్తోండు. ఆ బొడ గాతె బేనోండన్న అనేకటి బెప్పోడి
 54 వాటి మందిలై. ఆ రోజు తయారు తుంగాని రోజు,
 55 సబ్బాతు దగ్గర పర్తె. అస్కె గలిలయ్య దేశేతె కుంచి
 ఓనితోంపె వత్తె నాట్వాకు అనేకనే అంజి, ఆ బొడగాతె
 56 ఓని పీనుము బేల తాస్తోరో ఊడి. మల్కి అంజి, దమ

దమ వాదాని సర్కు నీయు తయారు తుంగి ఆజ్ఞనాల
సబ్బాతు రోజీని రికము మత్తాంగు.

వట్టిగోతి

24 ఆదివారము వీయ్యుస్కె ఓరు తయారు తుంగై దమ
దమ వాదాని సర్కు నీయు కైదె పెయిసి అవు గో
తగ్గ వాళి, అస్కె గోతితె కాళి కూఃతె కల్గీని ఊషి 2
లోపాలె అత్తాంగు. గోని ప్రభుయేనుని పీనుము వాంటికి 3
ఊడరాదిల్లె. దీని కోసాత్కి ఓరు గుచ్చు మిచ్చు ఆసోరె 4
మన్నాంగ, ఇదో, మెర్సాని గుడ్డాంగు వాట్టె ఇరువురు
మనుషూర్కు వాంటగ్గ నిత్తోరు. అవు వెర్చి మొక్కోకు 5
నేలి అణిసి మననస్కె మీరు డొల్తోరగ్గటి కుంచి మననోని
బారి మెఃకోరె మిన్నీరి? ఓండు ఇగ్గ ఇల్లోండు. ఓండు 6
శేద్తోండు ఓండు ఇంగ గలిలయ్య దేశేతె మననస్కె
ఓండు మీకు కెత్తె మాట ఆది తుంగాటి అద్దు బాతిత్కు
మనుషుని మర్రి పాపోకినోరి కైక్కింకి ఒప్ప గిస్సి మంజి 7
శిలువ వాటి మంజి, మూడో రోజీని మల్చి తేదవాలె
ఇంజి ఓరికి కెత్తోరు. అస్కె ఓరు ఓని మాట మతి తచ్చి, 8
గోతితె కాళి మల్చి అంజి ఆ సంగతి అంత పద కొండు 9
మండ్రికి తద్దిచ్చు ఓరందోరికి తెలియ కెత్తోరు. ఈ 10
మాటాంగు అపోస్తూర్కింతోంపె కెత్తోరు బేనోరు
ఇత్కు, మగ్దల ఇన్నాని నాటేని మరియు, యోహాన్న,
యాకోబు తల్లూరత్తె మరియు, ఓరితోంపె మన్నాని
బైదె నాట్వాకు. గోని ఓరి మాట ఓరికి బొల్లి ఇన్న 11
ఊడకత్తె ఓరు వాంటిని నమ్మిల్లె. అస్కె పేతురు తేది, 12

గోతి తగ్గ మిత్రి అంజి, మాడికి సన్నగుడ్డ అయివ ఇంగ
బాత ఊడిల్లె, అస్కె ఓండు అత్తదాని శాంక ఆశరము
పర్సోరె ఓని లోఃత్తికి అత్తోండు.

యెమ్మాయి అద్దె యేసు వేడటం

- 13 అదయిన, ఇదో, ఆ రోజీని, ఓరవుటె ఇరువురు
యెరూషలేమ్మికి ఆమడ దూరము మన్నాని ఇమ్మాయి
14 ఇన్నాని నాటేనికి అంజోరె, అత్త వాంటన్నీటి శాంక
15 ఒర్తితోట ఒర్తోండు తిరియోరె మర్తోరు. ఓరు తిరియోరె
ఓదిస్సోరె మన్నాంగ యేసు ఓండే దగ్గర వాళి ఓరితోంటె
16 అత్తోండు. గోని ఓరు ఓనిని వర్సవ ఓరి కండ్కు పీసి
17 మత్తాంగు. అస్కె ఓండు మీరు అంజోరె ఒర్తితోంటె
ఒర్తోండు వేఃవోరె మన్నాని గొట్టింగు బేవు, మీరు బారి
18 అడద మేలాళి మిన్నీరి ఇంజి ఓరిని తెల్పోండు. తల్పకాడ
ఓరవుటె క్లెయోవ ఇన్నాని ఒర్తోండు, నిమ్మ ఒర్తోన
యెరూషేలెమ్మె అద్దె దాయనోండిన్న మంజి ఈ రోజీని
అగ్గ అత్తెవాటిని పున్నీనా ఇంజి ఓనితోంటె కెత్తోండు.
19 కెత్కాడ ఓండు ఓరికి అవు బేవు ఇంజి కెత్తస్కె ఓరు
నజోరీయుడత్తె యేసునవే ఓండు దేవుని మున్నె వజ్జాని
మున్నె పనిదె మాటానవుటె వడి అత్తె ప్రవక్త ఆళి
20 మత్తోండు. మన పెద్ద పూజార్కు పెద్దా, ఓని బేల
జొల్లాని నేరాతికి ఒప్పగిస్సి, ఓనిని శిలువ వాట్టారో నిమ్మ
21 పున్నీనా. గోని మమ్మ యిశ్రాయేల్దీని తప్పిస్సనోండు
ఈండే ఇంజనమ్తామ. అదయివ ఇవు ఆళి నేంటికి మూండు
22 రోజ్కు అత్తాంగు. ఇంగ మా అగ్గ మన్నాని నాట్వారు

వీయ్యస్కై గోతగ్గ అంజి, ఓని పీనుము ఊడ్వాకె వాశి.
 నగతోరు దూతా వెండె ఓరికి తోపుకాశి ఓండు బత్తికి 23
 మిన్నోండు ఇంజి కెత్తాంగు ఇంజి మాతోంతు కెచ్చి
 మామిని ఆశరము తుంగ్గోరు. మాతోంతు మననోరవుటె 24
 నగతోరు గోతితగ్గ అంజి ఆ నాట్వాకు కెత్తాల ఊడ్వోరు
 గోని ఓనిని ఊడిల్లె ఇంజి కెత్తోండు. అస్కై ఓండు ఓ 25
 బీర్ధి ఇయవోరీ, ప్రవక్తాకు కెత్తావంత కేంజ్య మతి
 మర్పులోరీ. క్రీస్తు ఈలానె తిప్ప అర్చి, ఓని మహిమాతె 26
 వర్వాలె అయ్యోయా ఇంజి ఓరితోంతు కెత్తోండు.
 అస్కై మోషే ప్రవక్తాకు అంత మొదలొ పెయిసి దేవుని 27
 గ్రంథాతె ఓని శాంకతవు అంత సాయ ఓరికి కెత్తోండు.
 ఈలానె కెచ్చోరె మన్నాంగ ఓరు దాయాని నా పేనికి 28
 దగ్గిర వత్తోరు, ఓండు మున్నె నాపేనికి దాయ నాటు
 తోపుకాసోరె మత్తోండు. గోని ఓరు పొడుదు అత్తె, 29
 మా అగ్గమంద ఇంజి ఓనికి కెచ్చి ఓనిని బలిమి తుంగ్గోరు.
 అస్కై ఓండు ఓరితోంతు మందనాంకి లోవ అత్తోండు.
 ఓండు ఓరితోంతు దోడ బంతీతె కుద్దస్కై ఓండు బర్తొ 30
 ఆరి పెయిసి దేవుని గొప్ప తుంగి దానిని విఃచి ఓరికి
 ఇత్తోండు. అస్కై ఓరి కండ్కు తేట అశి, ఓనిని వర్పోరు. 31
 అస్కై ఓండు ఓరికి తుడకయివ అత్తోండు. అస్కై ఓరు 32
 ఓండు అర్దె మనతోంతు తిరియోరె గ్రంథాకు మనాంకి
 బోధ కెచ్చోరె మననస్కై మనమతి మనవుటె పొత్తోరె
 మత్తెవా, ఇంజి బర్తీంకి బర్తోండు కెత్తోరు. ఆ గడియాతె 33
 ఓరు తేది మెరూవ లేమ్మికి మల్చి అత్తోరు. అంజి
 అగ్గవదకొండు మంది శిషూర్కు ఓరి తోంతు మననోరు

- 34 గుంపు ఆశి. ప్రభు నిజము తేది సీమోనికి ఊడకత్తోండింజి
 35 కెత్తనదు కేంజ్జోరు. అస్కె అర్దె అత్తపు ఓండు ఆరి
 విఃతనస్కె ఓండు ప్రభు ఇంజి ఓరు బేల వుంజి మత్తోరో
 అద్దు ఓరికి కెత్తోరు.

యేసు ఓని శిష్యుర్కిన్ని వేడటం

- 36 ఓరు ఈలానే తిరియోరె మననస్కె యేసు ఓడడే
 ఓరి నడువునిచ్చి, మీకు సమాధానము ఇంజి ఓరికి
 37 కెత్తోండు. కెత్కాడె ఓరు వెచ్చి దద్దరిల్లి ఒర్దె ఆత్త
 38 ఓరికి తోప కత్తె ఇంజి ఓదిస్తారు. అస్కె ఓండు మీరు
 బారి కల్లుబిల్లి ఆసోరె మన్నీరి. మీ మత్తిల్లె బారి
 39 ఓదిమ్ముకు వాసోరె మిన్నాంగు. నన్నే ఓనిని ఇంజి
 నాకెక్కిని కాల్కీని ఊడాటి నానిని కేటి ఊడాటి మీరు
 ఊడాని సన్నము నాకు మన్నాని బూలా అవుంగు అత్తాతికి
 40 ఇల్లాంగు ఇంజి కెత్తోండు. అస్కె ఓని కెక్కిని కాల్కీని
 41 ఓరికి తోఃతోండు. ఓరు కుశేల్తె నమ్మవ ఆశరము పరోరె
 మన్నాంగ ఓండు ఇగ్గ మీయగ్గ బాతన్న తిననాంకి
 42 మిందేయా ఇంజి ఓనిని తల్పోండు. అస్కె ఓరు పొడ్డె
 43 కీకేని తునక ఉరివే ముక్క ఓనికి ఇత్తోరు. ఓండు వాటిని
 వంచి ఓరి మున్నె తిత్తోండు.
 44 అస్కె ఓండు మోషె గ్రంథాతె వ్రవక్తాని గ్రంథాతె,
 కీర్తన గ్రంథాతె నాశాంక రాస్తవు అంత ఈ డేరవాలె ఇంజి
 నన్న మీ అగ్గ మంజి మీతోంపె కెత్త మాటాంగు ఇవే
 45 ఇంజి ఓరికి కెత్తోండు. అస్కె ఓరు దేవుని గ్రంథాకు
 పుందనాంకి ఓండు ఓరి మత్తీని షేఃచి బాత కెత్తోండితుక

ఈలానే గాసి మిందె బేల ఇత్తు, క్రీస్తు ఈలానే తిప్ప 46
 అర్చి మూడో రోజీని డొల్తోరగ్గటికుంచి తేది. యెరూష 47
 లేమ్మె మొదొలొ పెయిసి, లోకాతె మన నోరందోరికి,
 ఓని పెద్దేట మతి ఉఃతనదు పాపోకు విడిపిన్ననదు
 ఆటవాలె. వీటికి మీరు సాక్షూక్కు ఆశి మిన్నీరి. 48
 ఇదో. నా తప్పె ఈతాన ఇంజికెత్తదు మీపొర్రొ 49
 రోఃచోరె మిన్నాన, మీకు పొర్రోటి కుంచి వడివా దాని
 జేలు యెరూషలేమ్మగ్గ మందాటి.

యేసు ఓని ఒల్లితోటె, తేది అందటం

ఆ పయ్య ఓండు బేతనియ ఇన్నాని నాటేనికి ఓరిని తీసి 50
 ఓసి ఓని కైక్కు- తేఃచి, ఓరిని ఆశీరాద్వము తుంగ్తోండు.
 ఓండు ఓరిని ఆశీర్వాదము తుంగోరె మన్నాంగ ఓండు 51
 ఓరగ్గటికుంచి వైగెతుంగ బర్చి పరలోకాతికి తీసి ఓద
 బర్తోండు. అస్కె ఓకు ఓనిని పాదసాలము అర్చి, మాలావు 52
 కుశేలి పర్చి యెరూషలేమ్మికి మల్చి అంజి. బెస్కెటికి గుడిదె 53
 దేవుని గొప్ప తుంగోరె మొడు రోరె మత్తోరు. ఆమెన్.